

Nembayelen Muluwin

Zisasiyet nembayaneyan egalen bujam zapat dolaknan timet timkot mbiengalen zapatnan kukunan

Kawawangalen Zet Zapat kapi kwitnan Nembayelen Muluwin. Zet zapat kapi Lugaŋegak kuye. An sepem kwep bujam zapat ŋejan kumsaye keyegak zet zapat ŋen kapi kogogak kumsain. An keyet kwitnan Tiopelas. An keyet yanan ku nanup yangut Lugaŋ zet zapat kapi kogogak kume an kwep keyelenegak mezin. Zet notnan zet zapat kapiyet kejan tazinen an zet zapat kukunan kapiyan ilinsakwep mamti mulup mimiŋaŋgapmti zet zapat esemtan penan kumâge. Zet ŋen zeyeen kapigok, “Nsakwep msat ke pemti met ke kwabenn.” Ek iŋan ilin sekwewegak mamtemien (Nembayelen Muluwin 16:10-17; 20:5; 21:18; 27:1–28:16). Zet kapiyet kejan makunikgen zet zeya ke ilak eknik.

An ekŋen kapiyan Zisasimak mambien keyepmti kwilin Zisasiyelen nembayaneg kogok zenzejan. Âpme zet zapat kapiyet kejan makusâpmnigen an ekŋen kejan Kawawangalen Zet Zapat Dolaknan Penan zempalaknan bewien keyet zetnan omba penan tazin. Zet Nembayelen Muluwin 1:8 keyet penan zet zapat kapiyet omba penan makumnânik. Tungupman kwegatnan 28 delaŋ zeinen zet kapigok ŋep maiŋnâsenik: Emetak Tengalen winde ma mulupmangalen yanan ma Emetak Tejan an Kawawangalen zet timamti zempalaknan bembyet indakumtetitiŋan indamukulem mimindeme Kawawangalen Zet Zapat Dolaknan Penan timmet zempalaknan bemâbien ma ekŋenan Zelusalem mka temanengatnan timmet timkot mme msat katan palaknan bemâge.

Zet ŋoteknan teman kapigogan Nembayelen Muluwin zenup kapiyet kejan talip:

1:1–5:42 Dapmelange kuknangat yanbembenganalen zezapatnan
6:1–9:31 Dapmelange ekŋenmagen sisipenpen sokbembenganalen zet
zapatnan

9:32–12:35 Pitayan Kawawangalen Zet Zapat Dolaknan Penan zemkawan
bemti naman Zuda am mama kemak bukŋen zemyuŋguŋuŋan

13:1–14:24 Pâlan Kawawangalen Zet Zapat Dolaknan Penanjan timti set
 njanjan yanbem megeyelen zet zapat
 15:1–41 Dapmelange njanjan ekjengalen an damun ekjenan ondekek njanjan
 Zelusalem mka teman ondebien
 16:1–18:23 Pâlan Kawawangalen Zet Zapat Dolaknan Penanjan timti set mepme
 sek zut beye
 18:24–21:14 Pâlan Kawawangalen Zet Zapat Dolaknan Penanjan timti set
 mepme sek tuk beye
 21:15–28:31 Pâl atamti peme Loma mkaen zelen tasâtmege

Zisasiyan moti Emetak Ten zempeme togotat zetik mge

1 ¹⁻² Tiopilas an notn, neŋ ewejan tipman baen papia kum gawan
 ke Emetak Tenan Zisas winde same egaŋ kwitnan kwitnan mti
 ombemindendenanjanane nânâ zikat indamkwage keyet Zapatnan ma
 mulupgat yanjan zikat indamti msat katan mekoti mulupman mimiyet
 mulup belinan bemindemti kululun mowege keyet zapatnan kum gama
 ekbanan. ³ Âpme Zisas amnan sindem sameti kume gakime bewienan
 bangat gilik zem wati kasup 40 kegek ewe msalen kapiyegak mamti
 Ombemindendenanjanane kan sambe sokbemenzilimimindamti mange. Mneti
 ekjenan pe penan wageyan main ma yek kegek zemti keŋ zut mbiekgapmti
 egaŋ yanjan zemkawan bem indamti Kawawangalen zemâtâtât katnanen
 mama keyet zapatnan kegekak diindoye. ⁴ Âpme kan nangat ondek tati
 Zisasiyan Ombemindendenanjaneyet zeye, “In Zelusalem mka teman kapi ku
 peme tapme mebeŋ. In kapiyak tatnepeme neŋ ewejan kwileki nen Bienan
 indandayet zetik mge keyet zapatnan zema nâmbien ke sokbemindawe.
⁵ Nâip, Zânan am tu etanjan manzulutindemtan yan kan belaknik kapi
 mamopme Kawawanjan Emetak Ten ingat kenjan bemindewe.”

Zisasiyan kululun mowege

⁶ Zisasiyan Ombemindendenanjanemak Olip kalaŋan mot ondek
 tati Ombemindendenanjaneyan Zisasiyet yankwesiwen, “Amobotnan,
 geŋ alak Israel am mange ndaondak ndemti ningalen Amobotnanjan
 teman bemane nin Itali msalen amobotnanjan Loma mka teman tazin egat
 kandanjan ewe ku tabanup?”

⁷ Kegok yankwesime Zisasiyan zeye, “Bienan kwitnan kwitnan ke mme
 sokbembeyelen wundenjan tasainan kanaan beye ke ewe tazingat in eneyet
 keyet tatnayan kwesip yangut ke ingalen kwitnan kwitnan yek. ⁸ In belak
 kapi tatnepeme Emetak Tenan kopme in ke time winde indame nâgât
 zet zapat zenze an bemti Zelusalem mkaen ma Zudia msalen mka sambe
 tapmezinen ma Samalia msalen mka sambe tapmezinen ma msat sambe
 zet zapatn zempalaknan beme peleanjan bem mekobe.”

⁹Zisasiyan zapat kekok diindomti tapme Kawawayan mme Zisasiyan elen belej bemti kululujen mopme Ombemindendenyanjane ekjenan ektitipen tatnepeme zanza nenan koti utuk kekme eekpin mbien.

¹⁰⁻¹¹ Mopme ekjenan kululujen gwaenegak ektitipen tatnepeme keyegak an zut melakandun satnanan ekjenmagen sokbem tati zewun, “Galili mkaengatan an, in kwilekiyet zikalin kululujen gwaenen negak ekpeme mowepme talip? Zisas in taekme indemti kululujen mowelep ek maneti sepeman kebonak ewe gilik zemkopme ekbep.”

Zudayet munduman Matiasiyen tatagat ombempewien

¹² Kegok zeme namti ekjenan Olip Kalan ke katipemti Zelusalem mkaen gilik zemti mebien. Olip Kalanangatnan Zelusalem mkaen mametemenen set tungupman ke maelinan butnan etan mametemen. ¹³ Meti Zelusalem mka temanen patan zemti mot mundumin matatemien keyegak an kwilin kapigogan motabien:

Pita,
Zan,
Zems,
Endulu,
Pilip,
Tomas,
Batolomiyu,
Matiyu,
Zems, Alipiasiyet nemunan,
ma Saimon, itnanan an mange Zilot ekjenmak mange ekmak
Zuda, Zemsiyet nemunan an kegogan tapmambien.

¹⁴ An ekjen ke ma Malia Zisasiyet manan ma imbi notnan ma Zisasiyet meninane ekjenan ken kwep bemti dundundu mulup kan katan omten mamkwatemien.

¹⁵⁻¹⁶ Kan katan kekok maondak metne peme bamgat ondedak ngat am namkinpepenmak 120 kegogan tapme Pitayan ondedagen ke watati zeye, “Dapmeninngne, ewenan tipman baenen Kawawangalen Emetak Tenan Zudasian Zisas kasa ekjen zemsokbemindame atawep keyet zet zapatnan Dewit zemsokbemsame zemkawan beye keyet penanan ilak sokbeme ekbenn ke. ¹⁷ Zudas ek ningalen mangaengatan Zisasiyan iknan mulup ninmak mimiyelel namti ombempeyeyangut egan kilen beye.”

¹⁸ (Keyepmti egan myungungungalen tosanen ke timti msat kwitiye. Msat ke kwitimti msatnanen ke met anzamti dilin zem tokumti kambaknan epeeme tipman wiselepman alak zemti zupman kwawege. ¹⁹ Kogok mme Zelusalem mka temanen am sambe tabien ekjenan Zudasian zapatnan ke namti msat keyet kwitnan ilinangat zelinaset Akeldama zewien, zet ke ningalen zeleset gilik zewanegen, Sip Sombem kekok benak).

²⁰Âpme Pitayan Kawawangalen zet zapat itnayan Sam papiaen zet tazin ke mti pigok zeye,

“‘Mkanan npegat belak tabe an nenan ke ku tabe.’ (Sam 69:25)

Âpme Sam iknan keyegak zet nen pigok tazin, ‘Mulupmangut an nenan tonan bemti mbe.’ (Sam 109:8)

²¹⁻²²Keyepmti nin Zuda egat munduman an nen Zân tu zululut anan mulup mge keyetnan yanbemti kwat Zisas Kawawangal kululun wati moge. Kan tungupman ke ninmak mamkwati kwitnan kwitnan sambe bee ekmâtâpme delan zemâge. An kebon aikmann ninmak mamti Zisas wawatnangalen zet zapat kapi zemkawan bewe.”

²³Pitayan kekok zeme an zut idaikbien. An nen kwitnan Zosep Balsabas manzemtemien ma iknan keyak kwitnan nen Zastas ma an nengat kwitnan Matias. ²⁴⁻²⁵Idaikidemti dundundu mulup mti zewien, “Amobotnan, gen am ningat kenngangat yan nanâmâtâdik. Keyepmti gen an zut kapiyet nâmane an kwiyan Zuda an mama mgasik mâti metneti keyet dopman timti gakiye. Egat munduman tati egan Zisasiyan mulup zet ndaye ke mimiyet nânik beme aik ndamane eksenup.”

²⁶Kegok dundumti eknenan takaset zut teepman nen pemkwepman nen mti butnan baen angalan tati butnan etan zenzelim peme kwatapme Matiasian teepman sen mge keyepmti egan Zudasiyelen mundum ke time Ombemindendejan ewe 12 munduminan egan kwapme kekok beye.

Pentikos Kendoyet Emetak Tejan kululunengatnan toge

2 ¹⁻²Nup kan katan Pentikos Kendoyet Kawawangat sâpe sâpe bumbuyet kwitnan kwitnan timti bulun belan mmekoti mambemtemien ke beme am nâmkijpepemak eknenan mka kejan kwegat ondek tatnepeme keyegak kululunengatnan tâgâ kwisaknok teman penan kumtoti eknenan mka tabienen ke kwisaknanan bemisik tage. ³Kwisak kokume ekbienan tanam nambalam kebonan am tabien katan eknenmagen pelean beme tapmâge. ⁴Emetak Tejan kejinan bemisik indemti zet sambe kejinan bemindeye katan yanbemti zet nen nenaset zemâbien.

⁵Âpme Zuda am sambe mulupgapmti msat sambe mekoti mamtemien eknenan Kawawangat zetnan kandan mamamtemien. Eknenan kendo keyet koti keyegak tapmambien. ⁶Yan Emetak Tejan toge kan keyet am eknen keyan tatnâme kwisak teman takume pe kwilekian tapm zemti wejin mepme kwaweti ekme Zisasiyet nembajane eknen Emetak Tejan nânâ indame eknenan zet zapat dolaknan tazeme am sambe keyan nâme zelinan esemten tazeme nâmâtâpmâbien. ⁷Meluwan mamanan kekok mme eknenan nâmtemtem teman mti zewien, “An eknen zet nen nenaset tazeip an eknen kapi Galili msalengatnan etan. ⁸Nin msat katan met ambesomti ekngalen zet nâwenn zet keyegak ikngat ikngat

kapi zigoset nâmti zeme nâmâtâpmann delaŋ zein. ⁹Nin bepi msat sambe kapigogatnan kopmobenn: Palitia, Mídia, Elam Mesopotamia msalengatnaŋ, Zuda, Kapadosia, Pontas, Esia, ¹⁰Pilisia, Pampilia, Izip ma Libia msat ilindiŋ ke Sailini msat keyet sokŋanik. Ninmagengatnaŋ am notnaŋ Loma mka temangatnan kopmâbien. ¹¹Ma Zuda am penaŋ ma am Zuda mangaen tususuaŋ ma notnaŋaŋ Kilit ma Alebia msat sambe keyetnan kopmâbien. Kawawaŋaŋ an ekŋen kapimagen menok temaŋ mme ekŋenaŋ am sambe nin bepi ninangat zetnnaset Kawawaŋgalen zet zapatnaŋ pi zemâtâtndame tuluaŋ telaŋ penaŋ weyaŋ nâmâtâtnup.” ¹²Ekŋenaŋ ke ku weyaŋ ekmâtâti nâmtemtem mti ilinak zenâ zenâ mti zewien, “Kwitnaŋ kwitnaŋ kapi yaŋaŋ zigoset sokbein?”

¹³Mme am notnaŋ ekŋenaŋ an nâmkijpepeŋinmak ekŋengat zet kanzowak mti zewien, “Ekŋen tu katikŋaŋ niyoyaŋ keŋin kileŋ beme zet kilom kilom tazeip.”

Pitayaŋ am ekŋengat zet zeye

¹⁴Âpme Ombemindendeŋaŋ ¹¹ ekŋenaŋ ilinsakwep watati Pitayaŋ am sambe penaŋ tabien ekŋengat kwizet kumti pigok diindoye, “Zuda am notnne ma amkup notnaŋ koti Zelusalem mkaen tadik, in wakŋin weyaŋ beme neŋ kwitnaŋ kwitnaŋ tasokbein kapiyet yaŋaŋ zema weyaŋ nâit. ¹⁵In nâme nin kapiyaŋ tu katikŋaŋ nimti keŋŋ kileŋ tabein mene kekok otnâmndeip. Yangut yek. Pi ewe tambuaŋ 9 kilok etaŋ pimak. ¹⁶⁻¹⁷Muluwaŋ kapi sokbembeyelen Kawawaŋgalen golaŋ zenze an Zoel egaŋ kapiyet eweŋan baenen Kawawaŋgalen Zet Itnaŋanen pigok zeme nâmti meluwaŋ kapigok mge,

‘Kan bududuk beme neŋ nemunambaŋine ekŋenaŋ neŋmagen bangat zigok sokbeweyet zet timti zemkawaŋ bemâbep. Ma nambaŋine zomolim notnaŋ ekŋen zikalin mitima meluwaŋ mamanan notnaŋ ekbep ma ailip ekŋen kwitnaŋ kwitnaŋ notnaŋ kieset zikat indama ekbep ma Emetakŋ Teŋ msat sambe am keŋinan bemisik indewap. ¹⁸Ma kan keyet sisiliŋ animbinne ekŋen Emetakŋ Teŋaŋ keŋinan mulat indema ekŋenaŋ neŋmagen bangat zigok sokbeweyet zet indama zemkawaŋ bemâbep. ¹⁹⁻²⁰Neŋ kululuŋen ma msalen menok notnaŋ kapigok mma sokbemâbe. Msalen tep temaŋ zime kasak temaŋ kwaikbe ma am sipmaŋ kileŋ mulapmebep ma kululuŋen neŋ kasup zikatnan mma sopsop kuwe ma eyonga zikatnaŋaŋ ŋamaŋ sip nembon beme Amobotnaŋaŋ kopme oloŋen mimi keyet kanaŋ ke bewe. ²¹Kegok sokbeme an ŋenaŋ Amobotnangat kwitnanen dunduwe beme egaŋ aŋgalaŋpewe.’

(Zoel 2:28-32)

²²Israel am notnne, in zet kapi tatnâme zema nâit: Kawawaŋaŋ ikŋaŋ Zisas Nasalet mkaengatnaŋ mulup same egaŋ inmagen menok kwitnaŋ

kwitnaŋ mzikat indamkwapme ekmâtâbien. ²³Ewaŋan tipman baen Kawawaŋaŋ iŋŋaŋ ke mimiyeleŋ nâmâtâtpeye keyet kataŋ inmageŋ sokbeme in an bekaŋaŋ mimi penaŋ eŋŋengat belinan beme eŋŋenaŋ tewen kumasasok peme tati gakiye. ²⁴Yangut gakikiyeleŋ windeyaŋ ku atam tage. Kawawaŋaŋ mme gilik zem wati gakikiyeleŋ nukŋaŋ sambe beye gaipeme weŋge. ²⁵Keyet Dewilaŋ eweŋan Zisasiyet zetnaŋ kapigok zemkawaŋ beye,

‘Neŋ Amobotnaŋ ekma zimoseŋnnaŋ kwesiŋ matazin. Egaŋ nâgât betn penaset tazingapmti kwilekiŋen nukŋaŋaŋ ku naikbe. ²⁶Egaŋ neŋ gakikiengatnaŋ mme wapma mama kanzizit nanayet zetik mnengeyet webem mayap. Keyepmti neŋ nâma dolakŋaŋ penaŋ beme zetn oloŋen palen manzeyap. ²⁷Geŋ ek ketalatpemane am gakikiŋaŋ mundumen ku tabe. Ma geŋ Nemundi Teŋ ek pemane gakimti sekŋaŋ msalen ku sambuwe. ²⁸Geŋ mama kanzizitgalen set zikat nawanen. Âpme gâgât monzalamdan neŋ oloŋen temaŋ penaŋ mbap.’

(Sam 16:8-11)

²⁹Notnne, neŋ yeŋŋ sokŋ Dewit egat zet pigok penaŋ zemkawaŋ bema nâit. Ek ilak itnaŋaŋ gakime bewien yaŋ bewien ke am zaimaŋ sosok tapme maeknup. ³⁰Ek golaŋ zenze an mamkwapme Kawawaŋaŋ egat zetik mpemti kapigok zemkatik bempeye. In sokdine eŋŋenmagengatnaŋ an ŋen aikma egaŋ nâlen Amobotnaŋ mundumm ke tiwe. ³¹Ke nâmti eweŋanak tipman baen Kilaisiyaŋ gakimti wabeyet zetnaŋ pigok zeye,

‘Kawawaŋaŋ am gakikiŋaŋ eŋŋengat tuŋguwinaŋ peme wemti sekŋaŋaŋ ku sambuwe.’

(Sam 16:10)

³²Zet keyet kataŋ Zisas ek Kawawaŋaŋ gakikiengatnaŋ mme wapme nin Zisas walep elak penaŋ ekmâtâbenn. Keyet zapaŋaŋ kapi manzemkawaŋ benup. ³³Egaŋ wati moti Kawawaŋaŋ betnaŋ penaset moti tapme Kawawaŋaŋ Zisasiyet Emetak Teŋ peme totogat zetik mpeye keyet kataŋ Emetak Teŋ peme toti ninmak tati mulup mme in alak egat yaŋaŋ kapi sokbeme egip. ³⁴⁻³⁵Dewit sekŋaŋ melesiŋ kululuŋen ku moge yangut zet belak kapigok etaŋ zeye,

‘Kawawaŋaŋ nâlen Amobotnaŋaŋ pigok dunduye, “Kot betn penaset tot tapmane neŋ kasandine maŋge kwep bemindema geŋ windeŋin mtoidewanik.”’

(Sam 110:1)

³⁶Keyepmti Isael am in pigok nâmkatik beseip, in Zisas an yomengatnaŋ ndatititiet koge an ke tep palen kume gakiye. Kilais ek ke Kawawaŋaŋ alak mtati Amobotnaŋ onzempeme tazin.”

³⁷Pitayaŋ zet kekok zeme amnaŋ nâmtemtem mti Pita ma ombemindendeŋaŋ an notnane notnaŋ pigok indayaŋkwesiwiŋen, “Notnne, nin zigok penaŋ mmann ŋep penaŋ besem?”

³⁸Zeme Pitayaŋ pigok diindoye, “In kwep kwewaŋ bekaŋaŋin eknâmti yomengatnaŋ gilik zemti Zisas Kilais nâmkŋipemti egat kwitnanen tu

zulutme Kawawaŋaŋ ingat yomin katikpewe. Kegok mme Kawawaŋaŋ in Emetak Teŋ taolet m indawe. ³⁹Ilin ma nemunambaŋine ma am msat sambe tapmelip kapi Amobotnaŋ Kawawaŋgat zetnaŋ nâmti ekmagen kobep kataŋ egaŋ Emetak Teŋaŋ indandayet zetik mpeye ke indawe.”

⁴⁰Pitayaŋ zet kekok diindomti ewe tusumti golaŋ zet pigok diindoye, “In am myungungunjin temaŋ ekŋenmagen peme tapme keŋin gilik zemti kobep. Am bekaŋaŋ ekŋen ke Kawawaŋaŋ indawaletbe nâip!” ⁴¹Kegok zeme kasup keyegak am 3000 mee kogaŋ Kawawaŋgalen zet zapat dolakŋaŋ nâmti nâmkŋipeme tu zulutindeme Kilaisiyelen am mange ekŋenmagen tusuwien.

Am nâmkŋipemak ondedakŋin ma mama mimiŋin kwep dolakŋaŋ wemkwage

⁴²Âpme am ekŋen kapi ombemindendaŋ ekŋenaŋ Kawawaŋgalen zet zapat dolakŋaŋ mandiindom kwatemien. Mti keŋ kwep penaŋ bemti tambuŋalem niniyet ma dundundu mulup mimiŋet mene mene maondaktemien.

⁴³Âpme Kawawaŋaŋ ombemindendaŋ ekŋengat palesetgatnaŋ menok sambe penaŋ mgeyepmti am sambe ekŋenaŋ nâmtemtem palen mamkwabien. ⁴⁴Am nâmkŋipemak ekŋenaŋ keŋ kwep bemti kwitnaŋ kwitnaŋin sambe bee temakwep apalak tim nimwiaŋ wiaŋ mmamkwabien. ⁴⁵Ma ekŋenaŋ msalin mkaŋin ma kwitnaŋ kwitnaŋin sambe bee ketalasime amnaŋ keyet tosaŋaŋ mânep indame timti ondek bemti naman ilinagak olat zeme kataŋ kalaŋ indame matimtemien.

⁴⁶Ekŋenaŋ tambu misa kataŋ Zuda am ilinaŋgalen sesewat mka teman ilindiŋ maondaktemien. Ondekpemtati naman kalaŋti mka ŋen mka ŋen mekoti meu time kwawepme ilindiŋ kalaŋ kumnimti oloŋen palen tati tambuŋalem manimetemien. ⁴⁷Mama mimi dolakŋaŋ kekok mkwati Kawawaŋ kwizet buŋamaŋ mwati sesewatsamkwapme am notnaŋaŋ ke egomti ekŋenmagen tusumti nâmkŋippe aikme Amobotnaŋ Kawawaŋ ikaŋgalen manŋeen ke matusum indemtan.

Pitamak Zânaŋ an setnaŋ bekaŋaŋ ŋen weyaŋpewun

3 ¹Kan ŋeniyet Pitamak Zân egeŋaŋ 3 kilok dundundu kanaŋ beme Zuda am ilinaŋgalen sesewat mka teman dundundu mulup msât mowebun. ²Âpme an ŋen setnaŋ wesin mamkeŋ keboŋ sokbembenaŋ an ke notnaneyaŋ tambu msa luaen luenzamti kot Zuda ilinaŋgalen sesewat mka temaŋ keyet “Setokwakwat Dolakŋaŋ” manzemtemien keeset peme tati ekme am sambeyaŋ sesewat mka temanen mobot totot mme indikti mânep milawatgat mawekumindamtan. ³⁻⁴An keyaŋ tati idikme Pitamak Zân egeŋaŋ sesewat mka teman mowesât mmalu idikti kegogak mânep milawatgat idawekume egeŋaŋ ek eksememuŋ mtati Pitayaŋ

pigok dunduye, “Geŋ pien ndikbak!” ⁵⁻⁶Mme an setnaŋ bekaŋaŋ egaŋ wa kwileki ŋen nasâpmilup mene zemti elenjemoidikme Pitayaŋ egat zeye, “Nit mânep milawat mene ŋen ku tatndain. Kwewetaŋ tatndain ke gasâpmilup. Zisas Kilais Nasalet mkaengatnaŋ egat kwitnanen zeyapgat wati met!” ⁷⁻⁸Kegok zemti betnaŋ penaset betname setnaŋ ŋandoŋaŋ dolakŋaŋ beme sakwep elen beley bemti wat mutututi mebekokot mti egetmak ilinsakwep sesewat mka temaŋ keŋan moti set mamaŋaŋgat oloŋen mti palam mobot totot mti Kawawaŋ zemesewatpeye. ⁹⁻¹⁰Âpme an keyaŋ set tapmamti Kawawaŋ tasesewatsame am sambeyaŋ ekti nâmtemtem mti zewien, “Sesewat mka temaŋ ‘Sekekek Dolakŋaŋ’ manzeip ke totati mânep milawatgat ndawekumti matazin wa an ikaŋaŋ kapimak zemti nâmtemtem mbien.”

Pitayaŋ am Kawawaŋgalen zet zapat dolakŋaŋ diindoye

¹¹⁻¹²An keyaŋ Pitamak Zân egetmagen met ilinsakwep mka keŋan ŋen kwitnaŋ Solomon makumtemien ke mame amnaŋ indikti buluŋ bililiŋ ilinsakwep ekŋenmak ke met ondektati nâmtemtem temaŋ mti tapme Pitayaŋ am ke indikti pigok diindoye, “Am in kapi kwilekiyet an wesin dolakŋaŋ bep keyet ektemtem mti nit ŋandem tatndigip? Kwitnaŋ kwitnaŋ ke ndangat windenidaŋgat ma teŋ mamandangaŋ mamaŋaŋ ku aiksolut. ¹³Nit yeŋsokŋne Abalaam ma Aisak ma Zekop mee ekŋengalen Kawawaŋ egaŋ Nemuŋaŋ Zisas ek Amobotnaŋ mwat onzempemti winde temaŋ saye. An ke in zemkumti kasa kuku an ekŋengat belinan beme ekŋenaŋ wati amobotnaŋ Pailletmagen mepme egaŋ yomaŋ ŋen ku aikti belak zempeme mebegalen mgeyangut in zekaŋkaŋ mti kume gakikiyet zewien. ¹⁴In An Teŋ ma Kwatetepmaŋ ek bamkumpemti amobotnaŋ Pailletgat kwizet kaliaŋ kumti an bekaŋaŋ am indom enzilili ke nâmpeme inmagen totogat zewien. ¹⁵Mti in An mama toŋaŋ ek kume gakiye yanggut Kawawaŋaŋ gakikiengatnan mme gilik zem wage. Nin an keyet zet zapatnaŋ manzempalakŋaŋ benup. ¹⁶Keyepmti nit Zisasiyaŋ ikaŋaŋ winde ndame nit nâmkinŋepemak tati ikaŋaŋgat kwitnanen an kapi mmalu dolakŋaŋ bemti ingat zikalinan tapme taegip kapi.

¹⁷Notnne, neŋ ŋep nâmindeyap in ma amobotnaŋine in Zisasiyet yaŋaŋ ku nâmtiyepm ek yomepiŋangut belak kegok msawien. ¹⁸In meluwaŋ ke mme Kawawaŋaŋ golaŋ zenze anane ekŋengat zeme ekŋenaŋ Kilais sindem nâmeti gakikiyet zet zapatnaŋ dolakŋaŋ papia itnaŋanen meluwaŋ mkwabien ke penanaŋmak beye. ¹⁹Keyepmti in yomengatnaŋ keŋin gilik zemti Kawawaŋmagen kopme egaŋ mama mimiŋin bekaŋaŋ ke katikpemt i gilik zemindatime in sek welelaŋin kwawepme mambep. ²⁰Zisas Kilais ke Kawawaŋaŋ ninmagen peme kokogat ombempeye. Yaŋ maneti zempeme ninmagen kapi toge. ²¹Zisasiyaŋ Bipmaŋgalen mowegeen keyegak mame Bipmaŋaŋ msat kululuŋ pi asekti naman

alakñaŋ mme sokbemâbe keyet zetikñaŋ eweñaŋ golaŋ zenze anane teŋ zemindeme ekñaŋ keyet zapatñaŋ esemteŋ zemkawaŋ bemâbïen. 22 Golaŋ zenze an ekñaŋ keyet tunguwinaŋgatñaŋ ñen Moses egaŋ zet kapigok zemsokbeye,

‘Amobotñaŋ Kawawaŋaŋ inmagengatñaŋ nolin ñen mwat onzempeme egaŋ neŋ golaŋ zenze an mamayap keyet kataŋ mamti zetñaŋ zeme nâmti gawepuwep. 23 Golaŋ zenze an keyelen zetñaŋ am notñaŋaŋ gawepumti ekmagen ku tusuwep beme Kawawaŋgalen mangeengatnan zemindeme zupman meti walelet aikbep.’ (Zii Zet 18:15, 19)

24 Âpme eweñaŋ tipman baenen golaŋ zenze an Samuel ma notñaŋ egat bamaŋ mamkwabïen ekñaŋ kan kapi sokbembeyet zetñaŋ papïaen meluwaŋ mkwabïen. 25 In golaŋ zenze an ekñengat nemunambaŋine in kapiyet Kawawaŋaŋ yeŋsokñin Abalaamak tususu mti egat zetik pigok mpeye ke toñaŋ in bewep. Kawawaŋaŋ egat pigok zeye,

‘Neŋ gâlen mangaengatñaŋ an ñen egat pembenangapmti msalen am sambe talip ekñenmagen kwitñaŋ kwitñaŋ dolakñaŋ mimindawap.’ (Sokbembe 22:18)

26 In kapiyepm Kawawaŋaŋ eweñaŋ nâmâtâtî Nemuñaŋ Zisas zempeme kot msalen kapi sokbeye ke in ñeñaŋ mama mimi bekananengatnan indapmukulem mti gilik zemindatitïyet kegok mge.”

Pitamak Zânmaŋ mka katikñaŋ idewien

4 1-3 Pitamak Zânaŋ ke tati animbi zet kegok diindomambe tapmalu sâpe sâpe bumbu an ekñaŋ ma Zudayelen sesewat mka temangalen an tipdakutum ekñengat ñeñaŋin ma zii zet zikat indanda an ekñaŋ kopmâbïen. Ekñaŋ kotati ekme Pitamak Zânaŋ Zisasiyaŋ wage ma am gakikiñaŋaŋ wabep keyet zapatñaŋ animbi sambe tadiindom kwapmalu ekñaŋ keyet nâme ñep ku beme indatimti zemidosât nâmbienangut msat gasi beyeyepmti belak idatimti met mka katikñaŋ sekek idewien. 4 Yangut am egetgalen zet nâmti notñaŋaŋ nâmkïñpepe aikti Zisasmagen tusume am nâmkïñpepemak sambe penaŋ temakwep 5000 mee kogok beye.

Pitayaŋ an damuŋ ekñengat monzalamanan Zisasiyet yaŋaŋ zemkawaŋ beye

5-7 Msa msame sâpe sâpe bumbu an ñeñaŋ ma sesewat mka temangalen an damuŋ notñaŋ ma zii zet zikat indanda an ekñaŋ meti sâpe sâpe bumbu an ñeñaŋin temaŋ Anas ma egalen mangaengatñaŋ am notñaŋ ma Kaipas ma Zân ma Aleksandia ma sâpe sâpe bumbu an notñaŋ ekñenmak temakwep Zelusalem mka teman ondekti Pitamak Zân tunguwinan onzemidemti pigok idayaŋkwesiwien, “It winde kwiyaŋ ma

kwiyet kwitnanen ma meluwan zigok penan mti an wesin kapi mmalu dolaknan beyan?"

⁸⁻⁹Idayan kwesime Pitayet kenanen Emetak Tejan zet same zelin dopman pigok gilik zemindaye, "Sâpe sâpe bumbu an nenan nne ma sesewat mka temangalen an damun nne in nit awesin ke zigok penan mti mmalu dolaknan bep keyet yanan penan nâsâgât ndayan kwesimti talip. ¹⁰Keyepmti nit zemkawan bemalu in ma Israel am ilinsakwep yanan nâmâtâlît. Zisas Kilais Nasalet mkaengatnan e in tewen kumasasok peme gakime bewien. Yan Kawawanan naman gakikiengatnan mme wageyan main. Egat kwitnanen an wesin kapi seknan mmalu dolaknan beyanan kapi tapme taegip. ¹¹An Zisas keyet Kawawangalen Zet Itnananen baen meluwan kapigok miminan tazin,

‘Mka walalat an eknenan tepum nen bekanan zemti peme mewengayan alak tepum keyan mka tepuman kalinan penan bemti mka atam tazin.’ (Sam 118:22)

¹²Kawawanan msalen an nenan am nen yomengatnan gilik zemti indatitiet winde nen ku saye. Egan Zisasiyan mulup ke mimiyet nâmti ek etan saye."

¹³Zet kebon kebon etan tazemalu am tabienan nâmti zewien, "An zut kapiyan nânâ mka temanen ku mebun. Zisasmak belak mamtemunangut nânâ kabon kapi deeset tiwunan kingagapi pi nâmtalati tazelup." Zemti nâmtemtem penan mbien. ¹⁴Apme eknenan an setnan bekanan weyan pewun ke egetmak ilinsakwep tapme indikti zet dopman nen gilik zemindandayet nâme nep ku beme peme tage. ¹⁵Kegok zemti tabienan yek beme eget zemideme zupman towepmalu ilinak tati pigok zenâ zenâ mbien, ¹⁶"An zut kapi zigok mimidasenup," zem zenâwien? "Egelan menok ke msokbemalu Zelusalem mkaen animbi sambeyan keyet zapatnan ilak nâme delan zep keyepmti nin nep ku iyan indendeyelen bein." ¹⁷Zem mbienan yek beme zewien, "Yegat mulup ewe tusum mmalu am sambeyan nâmbegapmti nin zemkingagat zet zemann egelan keyet kingati Zisasiyet kwitnan ewe ku mpalaknan bewalup."

¹⁸Kegok zemnâmpmti naman idazemtetime mka kenanenak mowepmalu pigok zewien, "It am nen ewe Zisasiyet yanan nen ku zemzikat indawalup." ¹⁹Kegok zeme Pitamak Zân egelan zewun, "Nit zet kapi zemalu ilin opem nâit. Ingalen zet gawepumti Kawawangalen zet pen pemalu toweme keyet Kawawanan nigat nâme zigok bewe? ²⁰Nit Zisasiyet mulupmangat yanan sambe be ekmâtâpmalu delan zeye. Keyepmti kwizapatnan kapi belak atam pemalu ku tabe." ²¹Egelan kegok zemalu an nenan eknenan zemkingagat zet notnan ewe tusumdiidomti belak ideme toti mebun. Am sambe eknenan muluwan ke ekti Kawawangat sesewatsawien keyepmti an teman teman eknen keyan kwindemti an zut ke kwileki nen ku miidawien. ²²An wesin Pitamak

Zânmak menok temanj egat palen mti weyanpewun. An ke nup kananj 40 sehempein.

Am nâmkijpepemaganj dundundu mulup katiknanj mbien

²³Pitamak Zânaj amobotnanj ekjenanj katikideme egelanj nâmkijpepemak am nolitne ekjenmagen koti ondedagen sâpe sâpe bumbu an ma sesewat mka temanjalan an damun notnanj ekjenanj zet zewien keyet zapatnanj mimindawien. ²⁴Âpme ekjenanj zet ke nâmti kejinj ondek kwep bemti Kawawanjat pigok dunduwien,

“Amobotnanj, geŋ kululuŋ msat ma nembu temanj ma kwitnanj kwitnanj sambe mamaŋanmak wemezin kapi mmame sokbem mâge.

(Kisim Bek 20:11; Sam 146:6)

²⁵Geŋ ningat yeŋsokŋ Dewit mulup andi Emetakdi Teŋanj keŋanj m elenj beleŋ beme zet kapigok zeye,

‘Zigogat am Zuda mangaen ku sokbembenaŋ ekjenanj Amobotnanjat ŋenzinziŋ mti kusât tapmip? Ma pe kwilekiyet am ekjen kapiyanj ondeki kwitnanj kwitnanj yaŋanj yaŋepiŋ kapi msâgât tazenâip?

²⁶Msalen an damun sambe ekjenanj Amobotnanj Kawawanj ma Nemunanj Kilais egetmak âsâgât keŋ kwep bemti zenâ zenâ tapmip.’

(Daniel 9:24)

²⁷Dewilaŋ zeye keyet katanj amobotnanj Elotmak amŋane Isael ekjenmak am Zuda mangaen ku sokbembenaŋmak amobotnanjin Paillet ekjenanj mka temanj kapi temakwep bemti Kawawanj geŋ Zisas mulup andi teŋ ke pemane am yomengatnan ndatitijet ombempemti zempemane koge ek kume gakikiyet mulupmanj penaŋ sukwep mbien. ²⁸Geŋ eweŋan baen mulup andi kemagen kwitnanj kwitnanj ke sokbembeyet zemkabewanan keyet katanj sokbemsaye. ²⁹Yaŋ alak pi naman nin Zisas mâti mamann amnanj ningat kasa tapminndaip keyet Amobotnanj geŋ kasa keyet keŋan winde ndamti ndamukulem mmame nin kiŋgagapiŋ gâlen zet zapadi dolaknanj kapi ammagen windeŋambeŋ zemkawanj bemann zet zapadaŋ palaknanj bewe. ³⁰Kawawanj, geŋ mulup andi teŋ, Zisas egat mti winde ndamane nin am zawatmak ekjen mmann alik bewep ma nemundi Zisas egat kwitnanen nin menok yaŋanj igak igak mbanup.”

³¹Kegok dundum delaŋ zeme mka ondek tapmambienjen ke titok temanj mti mekwapme Kawawanjalan Emetak Teŋanj am tabien bee keŋinan topme ekjenanj kiŋgagapiŋ elenj beleŋ bemti zet zapat dolaknanj am keŋan windeŋambeŋ penaŋ zemkawanj bemebien.

Nâmkijpepemak ekjenanj kwitnanj kwitnanjin apalak timambien

³²Zisas nâmkijpepeŋanj am ekjenanj ondeki keŋ kwep bemti milawalin mee toŋan toŋan ku timamkwabien ekjenanj milawalin belak apalak timamkwabien. ³³Kegok taindame ombemindenenaŋ ekjenanj

Zisas gakikiengatkan wage keyet zapatnaŋ windenjanben am ekjengat zemkawaŋ bewien. Âpme am nâmkijpepemak ekjengat tunguwinan Kawawaŋgalen keŋ taolelaŋ bemisik tage. ³⁴Ekjenmagen ŋenaŋ ola olat palen ku manŋe. Ekjenanŋ msalin mee tage ke an ŋenaŋ kwitime mânep ke mti met ombemindenderaŋ an ekjengat belinan mambemtemien. ³⁵Âpme ekjenanŋ ke timtati am ŋenaŋ kwileki ŋengat olati kot zeme kataŋ milombinjanengatkan ke timtati maindatemien.

³⁶Âpme kan keyet an ŋen Zosep ombemindenderaŋ ekjenanŋ kwitnaŋ Banabas manzemtemien. (Banabas kwit keyet yaŋaŋ, An Zemgwatnaŋ Mimi.) An ke Liwaiyelen manŋeengatkanŋ msatnaŋ Saipalasiyetnaŋ. ³⁷An keyaŋ msatnaŋ an ŋeniyet zeme kwitime mânep ke mti kot ombemindenderaŋ ekjengat belinan beye.

Ananiasmak imbiŋaŋ Sapila egetgalen zapat

5 ¹Awembiŋ zut ŋen mamamtemun apmaŋ kwitnaŋ Ananias imbiŋaŋ Sapila egeŋaŋ keŋgak msalit butnaŋ ŋen tosayet zemalu amnaŋ kwitiwien ^{2,3}yangut mânep piwan timti imbiŋaŋmak zenâmti keŋ kwep bemti mânewit butnaŋ enzilim pemti butnaŋ etaŋ apmaŋaŋ mti met ombemindenderaŋ ekjenmagen beme Pitayaŋ mânep ke ekti zeye, “Ananias, geŋ kwilekiyet Sadaŋaŋ keŋdi myungume mânep msadangat tosaŋaŋ tinak ke butnaŋ buzak enzilimpemti butnaŋ etaŋ mti kot Emetak Teŋ tatetipenik? ⁴Geŋ msadi keŋgak nâmti belak pemane gitangat zapat tadak. Ma an keyaŋ msadi kwitime mânepdi giti timti kwilekindi ŋen msât nâmti mbek piwan? Geŋ kwilekiyet mânep ekti keŋdi punpun mme keŋgak mnak. Geŋ wa nin ku tetindenak; Kawawaŋ tetipenak nâniki!” ⁵Zet keŋgak zeme Ananiasiyaŋ nâmti keyegak tokutumti gakime am notnaŋ tabien ekjenanŋ ekti kiŋgabien. ⁶Âpme an zomolim notnaŋ tabien ekjenanŋ moti egat sekŋaŋ sâgaŋ sumunŋti met am sumen bewien.

⁷⁻⁸Ke mti belaknik tatnepeme Ananiasiyet imbiŋaŋaŋ apmaŋgat zapat nânâpiŋ belak kwawopme keyegak Pitayaŋ egat zeye, “Msatgalen mânep kapi etaŋaŋ apdaŋ mti kobep?”

Zeme imbiŋaŋaŋ zeye, “Ilak buke etaŋ keyalak ke mkobepmak.”

⁹Zeme Pitayaŋ zeye, “Abdimak it kwilekiyet Emetak Teŋ tetipepeyet keŋit kwep belut? Nemba zomolim set tokwakwalen talip ekjen kaimaŋ abdi mmet beyo yaŋ geŋ keŋgak gapmet beseip!” ¹⁰Kegok zeme imbiwan setnaŋ kandaŋaŋ ke tot gakiweme an nemba zomolim tabien ekjenanŋ mka keŋaŋ kwati sekŋaŋ mti apmaŋ bewien keyet solonan mebewien. ¹¹Kegok mme am nâmkijpepeninmak manŋe ma am notnaŋ ekjenanŋ zapat ke nâmti zemkiŋgagat omba penaŋ mbien.

Ombemindenderaŋ ekjenanŋ menok sambe mkwabien

¹²⁻¹³Ombemindenderaŋmak am nâmkijpepemak ekjenanŋ keŋ kwep bemti sesewat mka temaŋ keŋaŋ ŋen Solomon manzemtemien

ke maondaktemien. Mti tokwati am tunguwinan menok sepem igak igak mme ekti am notnanaŋ nâmkîŋpepemak ekŋengat nâmindeme mobotnaŋ beme ekŋenmak tususâgât manâmtiemien yangut Zuda amobotnaŋ notnaŋgat makingatemien. ¹⁴ Yangut mulup ke ewe tusum mmepme animbi sambe penanaŋ Zisas nâmkîŋpemti ombemindenderaŋ ekŋengalen manŋeen omba penanaŋ metusumâbien. ¹⁵ Âpme ombemindenderaŋ an ekŋenaŋ menok sambe mme kwizet buŋamaŋaŋ mekopme nâmti keyepm am ekŋenaŋ noline zawat sek sindemak indaluanzam timti Pitayaŋ kasuwen kwawepme weŋaŋaŋ ekŋengat paleset kwawepme dolakŋaŋ beseip zemti ekŋen set ganzenan sin yangemindeme toti selen dombem tapmebien. ¹⁶ Âpme Zelusalem mka temaŋ keyet sokŋanik mka tapmege keyet am sambe penanaŋ ekŋenaŋ kegogak noline zawat sek sindemak ma we bekananaŋ keŋinan tatatnaŋ indatimti kopme Pitayaŋ weyaŋindeme dolakŋaŋ bemâbien.

Ombemindenderaŋ sisipeŋpeŋ mimindawien

¹⁷⁻¹⁸ Mulup dolakŋaŋ kegok tapm mepme sâpe sâpe bumbu an sambe ekŋengat ŋeŋaŋin ma notnane Sadusi notnaŋ ekŋenaŋ ilinsakwep ombemindenderaŋ ekŋengat nâmbekambemindemti keyegak wati met indatamti mka katikŋan meindeme ¹⁹⁻²⁰ tatnepeme tambu sutnan Kawawaŋgalen enselaŋ toti set kwaletindemti zupman indatimtoweti zeye, “In meti sesewat mka temaŋ keŋan moti animbi mama mimi alakŋaŋ kapiyet zapatnaŋ ewe tusumti diindoseip.” ²¹ Ombemindenderaŋ ekŋenaŋ zet ke nâmti toti met tambuŋan penanaŋ sesewat mka temanen moti animbi zezapat diindomâbien. Âpme sâpe sâpe bumbu an sambe ekŋengat ŋeŋaŋin ma notnane ekŋenaŋ Zuda am ekŋengalen amobotnaŋ sambe ekŋenaŋ kopme ondektati ombemindenderaŋ zelen indendeyet nâmti zet beme mekopme an ŋeŋaŋ notnaŋ zemindeme mka katikŋaŋ meti ombemindenderaŋ ekŋen indatim kopme amobotnaŋ zimoselinan tati yaŋaŋin zenzeyet nâmti zemindeme mebien. ²² Am indatisât mebien ekŋenaŋ mka katikŋaŋgalen an damuŋ ekŋen ilinsakwep damuŋ mti tapme moindaikti mka katikŋaŋ set mâtâti keŋan moti ekme ombemindenderaŋ ekŋen ŋen ku tabiengapmti meti zewien, ²³ “Nin met patanaŋ zemti set damuŋ ekŋen bee nsakwep sekekek kaliŋaŋ tapme ekti set mâtâti moekmann ombemindenderaŋ ekŋenaŋ keŋan ku talo.” ²⁴ Zet kegok zeme nâmti sâpe sâpe bumbu an sambe ekŋengat ŋeŋaŋin ma sesewat mka temangalen antipdakutum ekŋengat ŋeŋaŋin ekŋenaŋ ombemindenderaŋ ekŋenaŋ kwawabien ke zeme nâmti nâmtemtem temaŋ mbien. ²⁵ Tazem timatnepeme an ŋeŋaŋ patanaŋ zemkwati zeye, “An in mka katikŋan met kek indeyo ekŋen piwan kwawaloyaŋ sesewat mka teman daen moti animbi Zet Zapat Dolakŋaŋ Penanaŋ tadiindoip.” ²⁶ Zeme nâmti sesewat mka temangalen damuŋ mimi egat ŋeŋaŋinaŋ an notnaŋ

ndatime sesewat mka temanen meti nin mot ekñengat zet zenepemann amnañ nanzañañ ndoiseipmagen zemti kinñapenñ met ombemindendenañ ekñen zesewak sewak mimindemti indatkobien.

**Ombemindendenañ ekñenañ an damuñ temañ temañ
ekñengalen ondedagen tati zet kinñagapiñ zewien**

²⁷Indatim koti amobotnañ ondedagen indat koindeme ekñengat tunguwinañ tapme sâpe sâpe bumbu an sambeyet ñeñañinañ pigok indayañkwesiye, ²⁸“Nin an kapiyet kwit zapañañ am ekñenmagen zempalakñañ ku bembeyet zemkulumindewan. Âpme in Zulusalem mkaen am zapat ke ewe zempalakñañ bemti an Zisas ke kuwien e nin kukunañnok manzemndoip.”

²⁹Zeme Pitamak ombemindendenañ notnañ ekñenañ dopmañ pigok gilik zem zewien, “Nin amgalen zet gawepumti Kawawañgalen zet kulumann ñep penañ ku bewe. ³⁰In Zisas tewen kumti masasokpeme gakiye yañgut yeñsokñnemak ningalen Kawawañañ buteme wageyañ ewe alik mamain. ³¹Âpme Kawawañañ mme wapme wapmoti ikañgatañ betnañ penaset Amobotnañ peme tati Israeal am yomengatnañ keññ gilik zemann ndatitiyet mulup zet eyo saye. Keyepmti Israeal amnañ Zisasmagen yom zemkawañ bemann egañ yomm katimndendeyet damuñ matazin. ³²Nin zet tazenuwen pi wa kwitnañ kwitnañ notnañ sokbemâpme eknâmâtâben ke manzemkawañ benup. In Kawawañgalen zet gawepumti mame Kawawañañ Emetakñañ Teñ ikañgatañ keññ taoletnañgapmti tewalañ indaye egañ in zet sambe kapi zemkawañ bemindame kegogak ekmâtâbep.”

³³Zet kegok zeme an ñeñañ ekñenañ nâmti keññ bekañañ penañ beme ombemindendenañ ekñen indome gakikiyet zenâ zenâ mbien.

Gamalieliyañ notnane notnañ zemkulumindeye

³⁴Amobotnañgalen ondedak keyet keñañ an ñen Gamaliel ek an zii zet zikat indanda. An ke am sambeyañ nâmpeme mobotnañ penañ mambemtan. Egañ watati, “Ombemindendenañ ekñen belaknik zemindeme zupman baen towewegat,” zeye. ³⁵Zeme ombemindendenañ ekñen zemindeme towepme ilinak tati amobotnañ sambe ekñengat zeye, “In an ekñen kapi kwileki ñen mimindasâgât nâseip beme weyañnâmâtâtati mseip. ³⁶Itnañañ tipman baen an ñen kwitnañ Teudas egañ wati, ‘Neñ amobotnañ,’ zem mme am 400 kegogañ ekmagen met wetekumti manepeme an ke kume amñane ekñenañ kalañ mekopme ondedak nin takwage ewan yek beye. ³⁷Ya naman bam an ñen Zuda zeme ke Galili mkaengatnañ egañ gapmanan am kwilin bemtiti mulup mge kan keyet am notnañ Zudayañ zet kelakñañ mimindeme koti ek mâti meti amobotnañ notnañ mtoidesâgât mme ekñenañ ek kegogak kume gakime mañgenane ekñen indomkume kalañ

mekobien. ³⁸Keyepmti in am ekjen kapi indondopiŋ belak indeme talit. An ŋenaŋ ŋenaŋ bemti tapm beween mulup tabep kapiyaŋ ŋep towembe. ³⁹Âk Kawawaŋaŋ ikŋaŋ ŋenaŋ beme tapmip beme in m aleme yek bewe. Mneti nin Kawawaŋgalen mulupgat kasa mbanupmagengat eksewanup!”

⁴⁰Kegok zeme an ŋenaŋ notnaŋ tabien ekjenaŋ nâme ŋep beme ombemindendeŋaŋ ekjen ewe indazemtetime mopme sindiwaŋ indomti Zisasiyet kwizet buŋamaŋ ewe tusumti ku zenzeyelen zemkulumindemti zemindeme ⁴¹toti met Zisasiyet kwizet buŋamaŋgapmti katikŋaŋ bemtati sindem ma sakambuk time keyet Kawawaŋaŋ nâme ŋep beyeyepmti oloŋen mti ⁴²kan kataŋ sesewat mka temanen ma am nâmkiŋpepemak ekjengalen mka kataŋ ondekmeti Zisas Kilaisiyet kwizet buŋamaŋ ewe zempalakŋaŋ bemebien.

An 7 indaombemindeme ombemindendeŋaŋ indamukulem mti segeset mulup mbien

6 ¹Kan keyet am nâmkiŋpepemak maŋge temaŋ penaŋ sokbemti mambien keyepmti am Glik zet manzemtemien ekjenaŋ zewien, “In am zet Ibulu manzeip in kan kataŋ meu ma milawat makalaŋkuip kataŋ ningalen kwambet notnaŋ dolakŋaŋ ku maweyaŋindeip.” Kegok zemti zetnaŋ belaknik bugan sokbeye. ²Keyepmti ombemindendeŋaŋ 12 ekjenaŋ nâmkiŋpepemak am ekjen ondekindemti zewien, “Nin segalen bandimgat yayaŋ mti Kawawaŋgalen buŋam zapat zenze mulup pemann toweme ŋep ku bewe. ³Keyepmti notnne, in ilinangat tunguwinangatnaŋ an nânâŋinmak ma an kwizet buŋamin dolakŋaŋ Emetak Teŋaŋ keŋinan bemisik matazin. Ekjen keboŋ indik mâtâti an 7 indaikti kopme nin segalen bandim mulup maminup kapi ekjengat belinan bemann ekjenaŋ mbep. ⁴Âpme nin dundundu ma Kawawaŋgalen zet zapat ammagen zemzikat indanda mulup etaŋ mbanup.”

⁵Zet ke zeme nâmkiŋpepemak am ekjenaŋ nâme ŋep beme an 7 kapigok indaikbien:

Stiwen ek an nâmkiŋpepeŋaŋ kaliŋaŋ ma keŋanen Emetak Teŋaŋ bemisik matatan.

Ek ma Pilip

ma Polokolasimak

Naikena

ma Taimonmak

Pamenas

ma Nikolas an kapi Antiok msalengatnan egaŋ Zuda am ekjenmak eweŋan kot tusumti am nâmkiŋpepemak bewien an ekjen kegok indaikbien. ⁶Mti an ekjen kapi ombemindendeŋaŋ ekjenmagen indatimepme ekjenaŋ belin ŋokŋinan bemti dundum indemti mulup ke belinan bemindewien.

⁷Kegok mme Kawawangalen zelan meti Zelusalem am m elen belen bemindeme Zisas nembarjane ekjenmagen tatusumepme sambe penaj beye ma sâpe sâpe bumbu an notnaj sambe ekjenaj nâmkijpepe aikti ekjenmagen metusumâbien.

Zuda am ekjenaj Stiwen zet muluwen pewien

⁸Stiwen ek Kawawangalengatnaj ken taolet ma windeyan bemisik tapme am sambe tunguwinan menok kwitnaj kwitnaj sambe mge.

⁹Kegok mme Zuda am notnaj msalin yanaj pemti Silia ma Aleksandia ma Silisia ma Esia msalen met mamañanaj koti sesewat mka ñen kwitnaj “Am Lala” ekjengalen manzemtemien ke kot tusumti mamamtemien ekjen keyan yanbemti Stiwenmak zet mmot mtot mbien.

¹⁰Âpme Kawawangalen Emetak Teñaj Stiwen nânâ dolakñaj same zet tazemañge keyepmti an notnanaj egalen zetgat windenaj ñep ku mtopepeyelen sepem tabemañge. ¹¹Keyepmti ekjenaj am notnaj zet dâsuki notnaj bemzenzeyet zet kelakñaj buzak set mimindeme ekjenaj zet dâsuki pigok zewien, “Penañ, nin tatnâmann egañ Mosesimak Kawawañ egetgat zet mobotnaj tapmmañge.” ¹²Ekjenaj kok zemti am notnaj ma sesewat mka temañgalen an damuñ notnaj ma zii zet zikat indanda an notnaj ekjengat kenjin walapme ekjenaj zelin nâmti kot Stiwen wati ondedak temanen mebien. ¹³Ekjenaj am notnaj Stiwenget bemzenze zet notnaj zenzeyet zemindeme ekjenaj ondedagen meti sekñaj bemzenze zet notnaj sambe Stiwenget ewe pigok zewien, “Kan sambe an kapiyan sesewat mka kapiyet ma Mosesiyelen zii zet zemtalalat zet manzeme eknup. ¹⁴Nin tatnâmann egañ zet ñen ewe pigok zeye, ‘Zisas Nasalet mkaengatnaj egañ sesewat mka temañ bekapi kumasek muti Mosesiyañ mama mimi notnaj zikat ndaye ke egañ mguluk gilik mme naman sepemañ ñen bewe,’ ” kok zeye. ¹⁵Âpme am notnaj amobotnaj ekjenmak ondedak temanen tapmambien ekjenaj Stiwen zimoseñaj ekme Kawawangalen ensel ekjengalen zimoselin keboñ beme weyañeksememuñ mtapmambien.

Stiwenaj amobotnaj ondedak temanen tapmambien ekjengat zikalinan zet zapat dolakñaj zemkawañ beye

7 ¹Âpme sâpe sâpe bumbu an ñeñanaj Stiwenget pigok yanñkweyiye, “Amnañ gâgât zet sambe tazeip kapi penañ ma dâsuki ze zemane nâmbi?”

²Yanñkwesime Stiwenaj pigok zeye, “Bipnotnne, neñ pigok zema nâit. Yensockñ Abalaamañ ewe Alan mka msalen mebepiñ Mesopotamia msalen mame busatnaj toñaj Kawawañaj sokbemsamti pigok dunduye,

³‘Neñ msat ñen zikat gama geñ amdine ma msadi kapi katikpemti ke mepmambanik.’ (Sokbembe 12:1)

⁴Zemti zempeme Abalaamanj nâmti keyet katanj Kalidia msat ke pemti met Alan mkaen matatan. Mka ke Silia msat keyet kejan tazin. Ya ke met manepeme bipmaj e gakime naman Kawawañanj zempeme mka ke pemti msat ñen kot tiye yañ msat timpeye keyegak nin matatnup. ⁵Wa msat ke egat penañ ku saye ma msat butnañ bugar ku ketalasim saye yek. Egan nembañepiñ manje yangut Kawawañanj maneti msat ke ekmak nembañane indandayet zetik mimindeye. ⁶Mti Kawawañanj zet ñen ewe kapigok dunduye,

‘Injokdine ekñenanj nup kan 400 pi msat tungupman belak mamti amgat sisiliñ mulup etañ mti ola olat palen ma sek sindem palen mambep.’ (Sokbembe 15:13)

⁷Mti Kawawañanj zet ñen ewe pigok zeye,

‘Am manje kwiyañ sisiliñ mulup an etañ indatimti mambep ekñen ke neñ dopmaj mutumindamti gilik zemindatima koti msat kapi mamti neñ etañ sesewatnamti mambep.’ (Kisim Bek 3:12)

⁸Kok zemti egañ Abalaamak tususu mge keyet piliñanj Abalaamgat nemuñanj ñen sokbeme sekñanj butnañ antitiyet zempeye keyepmti Abalaam manepeme nemuñanj Aisak sokbemapme kasup 8 beme Aisakgat sekñanj butnañ antimpeye. Âpme Aisakgat nemuñanj Zekop sokbeme Aisagañ Zekop sakam kegogak mpeye. Yanaman Zekopgat nembañane 12 sokbewien ekñen bee Zekowañ sakam kegogak etañ mimindeye.

⁹Âpme yeñsokñne an 12 keyañ meniñin isikñanj Zosep biwinañ gogot penañ mampemtan keyepmti ekpeñpeñ mpemti an ekñenmagen beme mânep indamti Izip msalen wapmeti sisiliñ an peme mamtan ¹⁰yangut Kawawañanj ekmak tati nukñanj sambe keyet kejan mukulem mti nânâ dolakñanj same mulupmaj dolakñanj mme Izip am ekñengalen amobotnañ Palaoyañ egomti nâmpeme ikñangalen kwitnañ kwitnañ damuñ mti Izip amgalen amobotnañ eyo mamtan. ¹¹Kan keyet meuyet kambenj temañ Izip msalen ma Kenan msalen sokbem weme yeñsokñne ekñenanj meuyet penañ timabien. ¹²Kegok tapme Zekowañ nâme amnañ Izip msalen meu tapme takwitip kegok zeme nâmti nembañane zemindeme meu kwitisât Izip msalen mebien. Met kwitimti kot e nime delañ zeme ¹³naman sekñan ewe mepme meniñin Zosewañ yañañanj datnaneyet zemâtâtindame amobotnañ Palao egañ Zosepgat sipbutnane nâmâtâtindeye. ¹⁴Âpme Zosewañ datnaneyañ met biwin Zekop aiikokogalen zeme ekñenanj met biwin aikti amñane notnañ indaaikti kobien ekñen am 75 kogañ ¹⁵koti Izip msalen ke maneti Zekowañ gakiye. Âpme Zekopgat nemuñane ningat yeñsokñne ekñenanj ewe Izip msalen keyegak maneti kegogak gakimâbien. ¹⁶Gakime injokñine ekñenanj indatim met Sikem msat Abalaamanj am sumgat nâmti Emo ekñengalen msat butnañ ñen kwitiye ke maindabemtemien.

¹⁷Âpme Kawawaŋaŋ Abalaamgat zetik mpeye keyet kanaŋ dangome Israel am ekŋenaŋ Izip msalen omba penaŋ ¹⁸sambelenŋti mame Izip amobotnaŋ alaknaŋ ŋen sokbeye keyaŋ Zosewaŋ mamti mulup dolaknaŋ mkwage keyet yaŋaŋ ¹⁹kandati ningat yeŋsokŋne ekŋenmagen meluwaŋ mgasik penaŋ mti zeme mulup temaŋ penaŋ mamtemien. Âpme amobotnaŋ alaknaŋ keyaŋ yeŋsokŋne ekŋenaŋ nemuŋine indatimti met zupman indeme gakikiyet zemkatik bemindeme nempa an timti met tuyen matimemetan. ²⁰Kan keyet Moses nempa okak sokbeye ek sek sepemaŋ dolaknaŋ penaŋ. Âpme mamaŋ bipmaŋaŋ eyonga tuk pi mkaŋinan ke buzak enzilimpeme tapme matatemien. ²¹Tapmetneti met suasebeen peme weme tuyen mebeme Palaoyet nambaŋaŋaŋ metneti aikti nempa ke mkot toŋaŋ bemti ekdamuŋ mme ²²bugaŋ sememe Izip am ilinaŋgalen mama mimiŋinaŋgalen nânâ ke ma zet zemusuwewet zenze ke zemzikat sam mme egaŋ zet zemâtâti mulupmaŋ dolaknaŋ mkwage.

²³Mosesiyaŋ ke manepeme nup kan 40 mee kok beme Israel am notnane bugaŋ meindidigalen ²⁴nâmti indiksât selen tapmetneti ekme Izip an ŋenaŋ Israel an ŋen takume ekti Mosesiyaŋ notnaŋ Israel ke mukulem mpemti Izip an bee kume gakiye. ²⁵Mti Mosesiyaŋ Israel am maŋgeŋene kapiyaŋ kapigok nâip nâŋge. Kawawaŋaŋ nâgât pembedaŋ nnaŋgapmti gilik zemndatiwe. Nâip nâŋge yaŋgut ekŋenaŋ kekok ku nâmbien. ²⁶Naman mise ŋen ewe indiksâgât meti ekme Israel an zulaŋ ilidak taâmalu idikti idasubemti zeye, ‘In sip kwewaŋ kwilekiyet taâlup?’ ²⁷Zeme an aŋkuk ŋeŋaŋ yaŋbemti mge egaŋ notnaŋ takumaŋge e peme tapme Moses âtâpeme mepme ŋenzinziŋ msamti zeye, ‘Geŋ kwiyaŋ nin ndadamuŋ mti zemdelan zenze mulup mimiyet zemgeye?’ ²⁸Geŋ saŋen Izip an ŋen kumane gakiyan ewan alak naman neŋ nâmane gakikiyet nâmti kot tazenik?’ ²⁹Kegok zeme nâmti Mosesiyaŋ Izip amobotnaŋ egaŋ zapat kapi nâmti nowemagen zemti kiŋgati Midian ekŋengalen msalen kunzuŋmet ke mamti imbiŋaŋ msat keyetnaŋ wati mame nemuŋanet yumuŋ zut sokbewun.

³⁰Egaŋ Midian msalen ke meti nup kan 40 kekok mame delaŋ zeme kan tuŋgupaŋ keyet Sainai Kalaŋ kandaŋaŋ msat tuŋgupaŋ am piŋan ke mame Kawawaŋgalen enselŋenaŋ tep ŋotekŋan tep tazime keyet keŋaset sokbemsaye. ³¹Mosesiyaŋ tep ke tazime yaŋaŋ ekmâtâsâgât nâmti mululumti sokŋan tapmetnepeme Amobotnaŋaŋ Mosesiyet pigok dunduye, ³²‘Moses, neŋ yeŋsokdine Abalaam, Aisak ma Zekop ekŋengalen Kawawaŋ.’ Zeme Mosesiyaŋ zet ke nâmti kiŋgati sebelan diŋdiŋ mti mot eegat nâmtemtem mti belak kusumti tage. ³³Âpme Amobotnaŋaŋ zeye,

‘Geŋ msat imti tadik ke kambuk penaŋ keyet setwewedi gulumm.

³⁴Neŋ Izip msalen aminne sisipeŋpeŋ mimindame sek sindem

temañ palen tati si kemberj mname nâmti indamukulem
msât kwatolap. Keyet geñ wati Izip msalen meti indatim kot.'

(Kisim Bek 3:7-10)

³⁵ Kawawañan zet kekok zeme Mosesiyan kingaga e yañan kapigogat. Egan Izip msalen daen mame Israel am ekñenan ek kingati zewien, 'Geñ kwiyan ningalen amobotnan ma damuñ temañ geye?' Zeme kunzuñti koge an ke naman tep ñotekñan tep tazime Kawawañgalen enselan tep keñan sokbemsame ke ekti kusumtapme Kawawañan Israel am ekñengat amobotnanjin onzempemti zempeme meti Israel am ñeñan bemindemti indatim kokogat mege. ³⁶ Izip msalen meti indatimkosât tati Izip msalen menok sepemañ igak igak mme amobotnan Palaoyañ ekti kingatindeme selen indatimeti nup kan 40 pi Nembu Ñamanen ma msat tungupman mee pi menok sepem igak igak mti indatimti koge. ³⁷ Kopmambe Mosesiyan Israel am pigok diindoye, 'Bam Kawawañan ningat tungupmnanñatnan notn ñen mti onzempeme neñ golan zenze an mayapnok mambe.' ³⁸ Âpme Mosesiyan indatimti met msat tungupman ondekindeme tapme egan iñjak Sainai Kalañan mowepme ensel egan zet zapat dunduye. Mme Mosesiyan zet mamañanmak ke nâmtimtoti nin dindome nâmâtâbenn.

³⁹ Yangut weñsokñne ekñenan Mosesiyelen zetgat wisat mti bamkumpemti nânâñinan gilik zemti naman Izip msalen mesâgâlak manâmtiemien. ⁴⁰ Âpme Mosesiyan kalañan ke moti ewe ke mame Israel am ekñenan Elongat zewien, 'Geñ ningat kawawañ ñen weyañnda. Mosesiyan Izip msalengatnan ndatim kot msat tungupman pi kilom ndemti deset melep e nin ku nânupgat geñ ke mimndamane keyan ñeñan bemndame naman gilik zemti Izip mkaenak mebanup.' ⁴¹ Zeme egan makau nembrañ weñan ñen ke betnañan weyañpeme weme bepme luwañin ke ekti oloñen mti sâpe sâpe bum samti age silik temañ msawien. ⁴² Mobotnan kekok mme Kawawañan indikti pigok nâmti bamkumindeye. Ekñenan kasup eyonga ma wenzimgat ñep sesewatsasayelen nâmti kekok mge. Muluwañ keboñ keyet golan zenze an ekñenan Kawawañan Israel am ekñengat zet pigok zeye ke mtati Kawawañgalen Zet Itnañanen meluwañ kapigok mge,

'Israel am, in msat tungupman nup kan 40 mambien kan keyet in sipsip ma makau kumti sâpe sâpe ke nâgât buwien? ⁴³ In kawawañin nopiom Mâlok ek sesewatsamti egalen sesewat mka mzalañ walalatnañ ke luanzamti mamaip. Ma in kawawañin wenzim Lapan ke sesewatsamti egat weñan weyañpeme weme luanzamti mamaip. Keyepmti neñ zemindema Babilon mka temañ ke sebempemti naman beñan daen mebep.'

(Aizaya 63:10; Zelemaia 19:13; Amos 5:25-27)

⁴⁴ Eweñan weñsokñne ekñenan msat tungupman mamtemien ke ekñenan Kawawañ penañgalen sesewat mka mzalañ ke gapum mamti

egat masesewatsamtemien. Mka mzalaŋ ke Kawawaŋaŋ iŋkaŋ Moses sokbemsamti mka mzalaŋ zigok walalagalen keyet wenjaŋ zikat samti zemâtâtsaye keyet kataŋ walabien. ⁴⁵Bam yeŋsokŋne ekŋenaŋ biwine ekŋenmagen sesewat mka mzalaŋ ke mgapumti Zosuayaŋ ŋejaŋ bemindeme kasaen mepme Kawawaŋaŋ iŋkaŋ indamukulem mti kasaŋine indamâpme mepme msat kapi indaye. Âpme sesewat mka mzalaŋ ke matakwatnepeme Dewit amobotnaŋ sokbeye. ⁴⁶Âpme Zekopgalen Kawawaŋaŋ Dewit keŋ sewakŋaŋ mpeme nâmti Kawawaŋgat sesewat mka ŋen walalagat nâmti Kawawaŋgat yaŋkwesiye yaŋgut Kawawaŋaŋ ku nâmpeye. ⁴⁷Maneti bam Dewitgat nemuŋaŋ Solomonan Kawawaŋgalen sesewat mka ke walage.

⁴⁸Yaŋgut Amobotnaŋ Temaŋ Penaŋ kululuŋen main egaŋ sesewat mka amnaŋ walalatnaŋ keyet keŋaŋ ku matazin. Kegogapmti Kawawaŋaŋ iŋkaŋ pigok zeme golaŋ zenze an Aizayaŋaŋ meluwaŋ pigok mge, ⁴⁹‘Amobotnaŋaŋ pigok zein, “Kululuŋ ke nâlen mundumm penaŋ ke tati msalen belak setnnaŋ etaŋ maimtalap. Keyepmti in nâlen mka pe sepemaŋ ziboŋ penaŋ walabep? Ma neŋ mundumm ziboŋanen penaŋ tot kâtnâm tabap? ⁵⁰Neŋ betnnaŋ kwitnaŋ kwitnaŋ ke ku mban ma?”’

⁵¹In an keŋin katikŋaŋ penaŋ Kawawaŋgalen zet wakŋinaŋ nânâ nâmtiŋgut keŋinan penaŋ ku mambeip. Mti itnaŋaŋ yeŋsokŋineyaŋ mamtemienok in Emetak Tejaŋ inmagen mulup msâpmme in kan kataŋ belak maâtâpeme mezin. ⁵²An Tejaŋ tojaŋ sokbembeyelen zet golaŋ zenze an ekŋenaŋ manzemkwatemien ekŋenmagen ŋen aŋgalaŋ pewien? Sokŋine ekŋenaŋ an keboŋ sambe penaŋ indomwalet mkwabien. Yaŋ maneti an iŋkaŋ ke sokbeme am in kapiyaŋ kume gakiye. ⁵³In Kawawaŋgalen zii zet ensel ekŋenaŋ indawien ke nânâ nâmtiŋgut makuluip nâip!”

Zuda am ekŋenaŋ Stiwen nanzaŋaŋ kume gakiye

⁵⁴Stiwenan zet kekok diindome an ŋejaŋ ondedagen tabien ekŋenaŋ tiwin kwasime egat ŋenzinziŋ temaŋ penaŋ mbien. ⁵⁵Mme Stiwen Emetak Tejaŋ keŋanen bemisikme zikatnaŋ kululuŋen gwaen ekme mopme Kawawaŋgalen busatnaŋ keŋaŋ Zisasiyaŋ Kawawaŋgat betnaŋ penaset tapme ⁵⁶ekti zeye, “Kululuŋen gwaen egit! Neŋ kululuŋ ŋandeme Kawawaŋgat Nemuŋaŋ am mamaen sokbeye egaŋ Kawawaŋgat betnaŋ penaset tapme egaŋ!”

⁵⁷⁻⁶⁰Kegok zeme am sambe tabien ekŋenaŋ wakŋin bekekti zet oyak oyak temaŋ mti wati ekmagen windembemti met âtâpeme mebe kokot mti tetimti Zelusalem mka temaŋ solonan baen topemti an ŋejaŋ ekŋenaŋ kolowin sakŋaŋgatnaŋ gulumti an zomolim Sâl egat kandaŋaŋ bempeme tapme ekŋenaŋ yaŋbemti nanzaŋ mâtâti kume an notnaŋaŋ indamukulem mti kume egaŋ kusumtati Amobotnaŋ Zisasiyet pigok

dunduye, “Amobotnaŋ Zisas, geŋ nâlen emetakŋ mi!” Kegok zemti tot pedondom tati kwizet temaŋ penaŋ kumti zeye, “Geŋ an ekŋen tatnoip kapiyelen myungungunjin katipe.” Kegok zemti wembekatnaŋ topme gakime Sâlaŋ ke tati ekti keyet nâme dolakŋaŋ penaŋ beye. Âpme sesewat mka temaŋgalen an damuŋ ekŋenaŋ gilik zem meti sâpe sâpe bumbu an ŋeŋaŋ temaŋ egat zapaŋaŋ met zeme nânge.

Sâlaŋ am nâmkîŋpepemaŋ ekŋengat kasa mimindaye

8 ¹⁻² Âpme an notnaŋ Zisasyelen mama mimi mâti mamtemien ekŋenaŋ nâmtalat meti Stiwegat sekŋaŋ mti am sumen mmet bemti ambembesi temaŋ mbien. Kan keyet penaŋ yaŋbemti am nâmkîŋpepemaŋ Zelusalem mkaen mamtemien ekŋen kasa kasa mimindame ekŋenaŋ kalaŋti Zudia ma Samalia msalen mekopme ombemindendaŋ ekŋenaŋ etaŋ Zelusalem mkaen matatemien.

³ Âpme Sâl egaŋ setetekŋaŋ palakŋaŋ beme ŋeŋaŋ bemti animbi nâmkîŋpepemaŋ indawaleti ekŋengalen mka kataŋ moti indatime kwawepme mka katikŋaŋ timet maindemtan.

Piliwaŋ Samalia msalen zet zapaŋ dolakŋaŋ am zemkawaŋ bemindaye

⁴ Kegok mti am nâmkîŋpepemaŋ indamâpme ekŋenaŋ msat sambe lala bubuk mekoti Zet Zapaŋ Dolakŋaŋ Penaŋ msat sambe zemkawaŋ bemâbien. ⁵ Âpme Piliwaŋ Samalia am ekŋengalen mka ŋande temaŋ ŋengat pataŋ zemti am Kilaisiyelen Zet Zapaŋ Dolakŋaŋ Penaŋ zemkawaŋ bemindame ⁶ am sambe ekŋenaŋ zetnaŋ nâmti tikŋaŋgat mbien. Ma kwitnaŋ kwitnaŋ mamananam mti ⁷ am we bekaŋaŋinmak sambe tabien ekŋen we bekaŋaŋin indapmâpme am keŋangatnaŋ kwati ŋakŋak mti kunzuŋbien ma am sambe notnaŋ selin belin wesin mee pi mme dolakŋaŋ bemâbien. ⁸ Keyepmti mka keyelen am ekŋenaŋ Pilipgat oloŋen mti Kawawaŋgat kwizet buŋamaŋ mwabien.

⁹ Âpme mka temaŋ keyet keŋan an ŋen mamtan kwitnaŋ Saimon egaŋ ke mamti aŋkambuk mulup nup kan sambe penaŋ mamtan. Mti egaŋ ikŋaŋgat sekŋaŋ mmoti, “Neŋ amobotnaŋ mayap,” zeme animbi sambeyaŋ egat nâmpeme mobotnaŋ mambemtan. ¹⁰ Egaŋ kegok mme amobotnaŋ ma tototnaŋ ekŋenaŋ Saimongat zetnaŋ nâme mobotnaŋ beme zewien. “An kapiyaŋ Kawawaŋmagen Winde Temaŋ manzeip ke timti mamin.” ¹¹ Âpme egaŋ aŋkambuk mulup nup kan sambe penaŋ mti mamkwage keyepmti am ekŋenaŋ egat nâme mobotnaŋ penaŋ mambemtan. ¹² Kegok mti manepeme Piliwaŋ met pataŋ zemti animbi sambe Kawawaŋgalen zemâtâtât katnanen mama keyet yaŋaŋ ma Zisas Kilaisiyet yaŋaŋ zemkawaŋ bemindame nâmti nâmkîŋpepe aikme tu zulutindeye. ¹³ Âpme Saimon egaŋ kegogak zet nâmkatik bemti nâmkîŋpepe aikme tu zulutpeme Pilipgat kandaŋan mame Piliwaŋ kwitnaŋ kwitnaŋ mamananam mme ekti nâmtemtem mamtan.

¹⁴Âpme Samalia am ekñenaj Kawawangalen zet zapat nâmti mkatik bewien keyet zapatnaj Zelusalem mka teman ombemindenderaj ekñenmagen mepme nâmti ekñenaj Pitamak Zân zemideme ¹⁵Samalia msalen mepataj zemti am nâmkijpepemak ekñenaj Emetak Tejmak bembeyet nâmti Amobotnangat dundum sawun. ¹⁶Tipman baenen ekñenmagen Emetak Tejaj ku toge belak Amobotnaj Zisasijet nâmkijpeme egat kwitnanen tu etaj zulutindewien. ¹⁷Keyepmti ombemindenderaj zut egelaj belit ñokñinan bemti dundumalu Emetak Tejaj tot keñinanen bemisikme ¹⁸Saimon an keyaj tati ekme ombemindenderaj zut keyaj amgat belit ñokñinan bemti dundumalu amnaj Emetak Tejmak tabeme indikti egaj winde ke kwitisât met mânepmaj timti egetmagen koti zeye, ¹⁹“It winde tapmilup ke neñ namalu neñ kegogak am notnaj betnnan ñokñinan bema Emetak Tejmak bewep.” ²⁰Zeme Pitajaj pigok gilik zemsaye, “Geñ nâmane Kawawangalen taolet takozin kapi mânewan ñep kwititiyelen bein? Keyepmti geñ mânepdi tipeñ teziñ ñande towebanik! ²¹Geñ ñoktik bekanaj kegok nânik keyaj nitmak tusumti mulup kabon kapi ñep ku mimiyele. Kawawangaj ñoktikdi kegok tazin ke ekti nâme bekanaj bein. ²²Keyepmti geñ otnânândi bekanaj taotnânik ke pemane tapme keñdi gilik zemti Amobotnaj Kawawangat dundum samane egaj nânândi bekanaj keyelen yom katipewe. ²³Geñ mama mimi bekanaj kebon kebon keyaj keñdanen gak zemti tazin keyepmti nit mulup dolakñaj kapi tapmmalu geñ ndikti eyak penaj tapmmane gigup.”

²⁴Zemalu Saimonaj egegat zeye, “Ililagak nâgât mti Amobotnangat dundumalu egaj napmukulem mneme kwitnaj kwitnaj zelup keyaj neñmagen ku sokbemâbe.”

²⁵Egelaj Kawawangaj egetmagen mulup zigok mge keyet zapatnaj ma Amobotnangalen Zet Zapat Dolakñaj Penaj Samalia am zemkawan bemindamalu delañ zeme Zelusalem mka teman mesât mepmambe sele selen mka isisikñaj notnaj indaikmeti am Zet Zapat Dolakñaj Penaj diindom diindom piyan mekun.

Itiopia msalengatnaj an ñen Piliwan Zet Zapat Dolakñaj zemkawan bemsaye

²⁶Âpme Kawawangalen ensel egaj Pilipmagen koti zeye, “Geñ wati toti Zelusalem mkaengatnan Gaza mkaen mesât mamelip set keeset mâti mesenik.” ²⁷Zeme nâmti Piliwan set ke metneti selen an ñen Itiopia msalengatnaj aige. An ke Itiopia imbi mobotnaj Kandasi egalen mânep ekdamuñ mamtan. Egañ Zelusalem mka teman Kawawangat sesewat mulup met mti ²⁸gilik zemti mkanaj mesât kalisiñaj mototati mepmambe ²⁹golañ zenze an Aizayayelen meluwan ke tapmaj mepme Emetak Tejaj Pilip zempemti zeye, “Geñ kalis tapmezin kainde met aikti an kemak

melit.” ³⁰⁻³³ Zeme Piliwan winde bemti met soknan ke meti nâme an keyan golan zenze an Aizayayan papia pigok kuye ke tapmaiŋ manŋe,

“Ekŋenanŋ sipsipnok kume gakikiyet wati kolip. Ekŋenanŋ sipsip zupmaŋ elenŋesâti wati kopme kwitnaŋ ku makuin sepem keŋgak an ke wati kopme egaŋ yeye ŋen ku mŋe. Ekŋenanŋ omba penaŋ mtopemti zetnaŋ esemteŋ zemdelan zenzepiŋ belak kume gakiye keyepmti nin egat iŋsokŋane ŋen ku mamame indiknup.”

(Aizaya 53:7-8)

Âpme Piliwan zet ke nâmti yaŋkwesime, “Zet ke maiŋti zigogak penaŋ nâmti zenzenaŋ keyet yaŋaŋ bugan tatnânik?”

Yaŋkwesime an keyaŋ pigok zeye, “An ŋenaŋ zet kapiyet yaŋaŋ ku zemâtâtname neŋ nenak etaŋ zigoset yaŋaŋ nâmâtâbak? Keyet kwati neŋmak kapi totati zet kapiyet yaŋaŋ weyaŋ zemâtâtname nâmbi.”

³⁴ Zemtetime motapme amobotnaŋ keyaŋ Pilip pigok yaŋkwesime, “Geŋ zemane nâmbi an papia kuye kapi iŋnaŋgat nâmti kuye ma anŋengat nâmti kuye?”

³⁵ Yaŋkwesime Piliwan golan zenze an keyelen zet ke mtati Zisasiyelen Zet Zapat Dolaknaŋ Penaŋ kemak pepap bemti zemkawaŋ bemsame ³⁶ mepmambe amobotnaŋ keyaŋ zeye, “Tu pi tazingat geŋ neŋ tu zulutneneyet nâmane ŋep beme zulutnesenik?”

³⁷ [Zeme Piliwan zeye, “Geŋ Zisas Kilais ilak penaŋ nâmkinaŋpenik beme zenik keŋgak ŋep mimiyeŋen.”

Zeme an keyaŋ zeye, “Zisas Kilais ek Kawawaŋgat Nemunaŋ penaŋ e ŋep nâmkinaŋpeyaŋ.”]

³⁸ Zemti mulup anaŋ zeme kalis atam tapme Pilipmak amobotnaŋaŋ tuyen toweti Piliwan tu zulutpemt ³⁹ ilisakwep kaiŋan kwati keyegak Amobotnaŋgalen Emetak Teŋaŋ Pilip wati mepme amobotnaŋ keyaŋ Pilip ŋen ku ege. Mti egaŋ setnaŋ mesâgât nâmti kogeŋ ke mâti keŋ oloŋen palen mege. ⁴⁰ Âpme Pilip wapmeti Azotus mka msalen met peme egaŋ mka temaŋ notnaŋ ke tokwapmeti am Zet Zapat Dolaknaŋ Penaŋ diindom diindom meti Sisalia mka msalen met patan zeye.

Sâliyan keŋaŋ gilik zeye

9 ¹ Âpme Sâlaŋ am Amobotnaŋ Zisas mâti mamamtemien ekŋen indikti timti indapmâtindome gakikiyelen mulupmaŋ temaŋ penaŋ mamimtan keyepmti egaŋ sâpe sâpe bumbu an ŋeŋaŋ temaŋ ekmagen meti ² zemâtâtât papia ŋen same mti Damaskas mkaen Zuda ilinaŋgalen sesewat mka isisiknaŋ kataŋ meti animbi Amobotnaŋ Zisasiyelen set alaknaŋ mâti maip ekŋen indatimatimti kokogat yaŋkwesime sâpe sâpe bumbu aniyaŋ zemâtâtât zet kapigok kumsaye. An ma imbi ekŋenanŋ Amobotnaŋ Zisasiyelen mama mimi alaknaŋ kapi mâti maip beme egaŋ ŋep indatimti belin zamtimti Zelusalem mkaen indatim kobe.

³Kegok kumsame mti Damaskas mka sokɽanik mepme kululuɽengatnaɽ busatnaɽ temaɽ penanaɽ toti egat palen mbusatnaɽ bemti tage. ⁴Kegok mme egaɽ msat palen tot kutum wemti tati nâme zet ɽen kapigok sokbeye, “Sâl, Sâl, geɽ kwilekiyet neɽ napmât giɽgiɽ penan mti nawalesât mulupmaɽ temaɽ tapmnik?”

⁵Zeme Sâliyaɽ pale kaim wepeɽ tati yaɽkwesiye, “Amobotnaɽ, geɽ kwi?”

Zeme Amobotnaɽnaɽ zeye, “Neɽ Zisas, geɽ napmât giɽgiɽ mti nawalesât maminik kapimak. ⁶Keyet geɽ wati mka temaɽ daen mepmanengut bam an ɽenaɽ mulupdi zigok mbanik ke zemâtâtgame nâmbanik.”

⁷Âpme Sâlmak am notnaɽ mebien ekɽenaɽ muluwaɽ ke ekti weɽin mepme zetpiɽ belan diliɽ zem tati nâme zet ke sokbeye yaɽgut ekɽenaɽ am penan ke ku ekbien. ⁸Âpme Sâlaɽ wati zikat eksâgât olapme am notnane ekɽenaɽ betnamti Damaskas mkaen mebien. ⁹Ke mepeme kasup tuk pi zikatnaɽ beɽan piyaɽ tu meu mee ninipiɽ; belak mawemtan.

¹⁰Âpme Zisas nâmkiniɽepeɽan an ɽen kwitnaɽ Ananias zeme ke egaɽ Damaskas mkaen ke matatan. An keyet Amobotnaɽnaɽ kie kienok sokbemsamti Ananiasiyet pigok kuye, “Ananias!”

Zeme Ananiasiyaɽ zeye, “Amobotnaɽ, neɽ pine talap.”

¹¹Zeme Amobotnaɽnaɽ pigok dunduye, “Geɽ wati Set Teɽ manzeip keeset meti Zudayelen mkaen moti an ɽen Tasas mkaengatnaɽnaɽ dundundu mulup tapmgat moti aiksenik. An keyet kwitnaɽ Sâl. ¹²Egaɽ tati geɽ kie kienok gikme geɽ ekmagen meti bedaɽ ɽokɽanen bemane zikatnaɽ ewe dolakɽan beme ekmâtâlep.”

¹³Amobotnaɽnaɽ kegoɽ dundume nâmti Ananiasiyaɽ ke nâme nukɽan beme zeye, “Amobotnaɽ, am sambe ekɽenaɽ an keyet yaɽan pigok manzeme nâyaɽ. Egaɽ Zelusalem mkaen amdine geɽ gapmâtmaip ekɽen ke egaɽ sambe penan maindawalezin. ¹⁴An ke sâpe sâpe bumbu an ɽeɽanaɽ nâmpemti papia same mti Damaskas mka temaɽ pien animbindine geɽ sesewatgamti mandundumganup. Nin setn betn zamti mka katikɽan ndatimti mesât kozan.”

¹⁵Zeme Amobotnaɽnaɽ zeye, “Geɽ ɽepgat met an ke nen mulup an aikman. Egaɽ nâgât kwizet buɽamm mti am Zuda maɽgeen ku sokbembeɽan ma amobotnaɽine ma Islael am ekɽenmagen meti zemkawaɽ bemnewe keyet geɽ met ekti zikatnan weyaɽpe. ¹⁶Âpme nenn egaɽ kwizet buɽamm mmamti sek sindem tiwe keyet set zikat sama ekbe.”

¹⁷Zeme Ananiasiyaɽ mka zemâtâtpeye ke esemteɽ met aikti mka keɽan moti betnaɽnaɽ Sâl ɽokɽanen bemti zeye, “Sâl notn bekan, Amobotnaɽ Zisasiyaɽ selen baen sokbemgame ekdak. Egaɽ neɽ kot zikadi mma ewe eegalen zemneme kolap. Egaɽ geɽ zikadi ekti Emetak Teɽmak bembeyet tazein.” ¹⁸Zeme keyegak zikatnaɽ keɽangatnan aɽgala galaɽnaɽ pâpman

nemboŋ piyaŋ doloŋ zem topme zikatnaŋ weyaŋ ekti wati zeme Zisasiyet kwitnanen tu zulutpemti ¹⁹bam tu meu same nimti windeŋaŋ timti ²⁰keyegak Zuda am ilinaŋgalen sesewat mka sambe meti Zisasiyet yaŋaŋ zempalakŋaŋ bemti pigok zeye, “Zisas ek Kawawaŋgat Nemunaŋ penaŋ.”

²¹Kegok zeme nâmti amnaŋ nâmtemtem mti zewien, “An kapiyaŋ Zelusalem mkaen daen an kwitn kapi kumti sesewatsame egaŋ indom walet mammnaŋ naman pien koti kegogak animbi kwit keyegak kumti masesewatsaip. Ekŋen kapi belin zamtimti sâpe sâpe bumbu an ŋeŋaŋ ekŋenmagen indatimti mesât koge e wa an ikŋaŋ kapi manzeegit?”

²²Yaŋgut Sâlaŋ Zet Zapat Dolakŋaŋ Penaŋ ke windeŋaŋbeŋ zemti amgat Zisas ek Kilais keyet yaŋaŋ weyaŋ diindomti zemâtâpme am Zuda Damaskas mkaen matatemien ekŋenaŋ zet ŋen dundunduyet olati ŋeŋin penaŋ zime ²³ekŋenaŋ ilinak ondedak mti Sâl kume gakikiyet zemtâwien. ²⁴Zuda am ekŋenaŋ kegok zemti tambuyet ma msayet mka temaŋ keyet set biman baen damuŋ mtati Sâl topme kusenup zemti tapme egaŋ zapalin ke nânge. ²⁵Kegok mme Sâlgat notnane Zisas nâmkŋepepeŋaŋ ekŋenaŋ tambusutnan buzak Sâl suasembeen weti kimbata enzujaset tegan timtati peme âlâlâlân zupman baen toweti mege.

Sâlaŋ Zelusalem mka teman mege

²⁶Sâl egat yaŋaŋaŋ manâmtemien keyepmti egaŋ Zelusalem mkaen gilik zem meti am Zisas nâmkŋepepeŋaŋ ekŋenmak ondeksât mme ekŋenaŋ egat nâme Zisasiyet kasa mamm wan an kapi nâmbien keyepmti ek kŋingatpeme ²⁷Banabasiyaŋ Sâl tetimti ombemindendeŋaŋ ekŋenmagen meti Amobotnaŋaŋ Sâl Damaskas selen sokbemsamti zet dunduye ma Sâlaŋ Damaskas mkaen moti Zisasiyet yaŋaŋ windeŋaŋbeŋ penaŋ zemâtâge keyet yaŋaŋ zemkawaŋ bemindame ekŋenaŋ nâmtât peme ²⁸ekŋenmak ke tati egaŋ Zelusalem am nâmkŋepepemak ekŋengalen ondedakŋinan kan kataŋ meti Amobotnaŋgat kwizet buŋamaŋ windeŋaŋbeŋ manzempalakŋaŋ bemtan. ²⁹Mti Zuda am Glik zet manzemtemien ekŋenmak Sâlmak zet zapat dolakŋaŋgat zet mmot mtot mti Zuda Glik zet manzemtemien ekŋengat ŋeŋin zime set ŋen aikti Sâl kume gakikiyet nâmbien. ³⁰Âpme am notnane notnaŋ Zisas nâmkŋepepeŋaŋ ekŋenaŋ zapat ke nâmti Sâl wati Sesalia mka teman topeme Tasas mkaen mege.

³¹Âpme Zudia ma Galili ma Samalia msalen am Zisas nâmkŋepepeŋaŋ mänge mambien ekŋenmagen sisipeŋpeŋaŋ ku sokbeye keyepmti ekŋengat tunguwinan sewakŋaŋaŋ weme Emetak Teŋaŋ indapmukulem mimindeme nâmkŋepepeŋ gweŋ gweŋ kumti Amobotnaŋgat kandaŋaŋagak mambien. Âpme Am notnaŋ Emetak Teŋaŋ keŋin m eleŋ beleŋ beme ekŋenaŋ kot am nâmkŋepepemak ekŋenmagen tusume indama kume omba penaŋ beye.

Pitayan Lida mkaen an wesin njen mme dolaknan beye

³²Pitayan msat katanj Zet Zapat Dolaknan Penan mandiindom metneti Zisas namkinpepejanj Lida mka msalen mamtemien eknenmak kegogak met mamti Zet Zapat Dolaknan Penan diindoye. ³³Eganj mka keyetnanj an njen kwitnanj Inias ek setnanj wesin bembenganj nup kan 8 pi eganj set mee bugan mebepinj belak mkaen milam mawemtan. ³⁴Yanj Pitayan an ke meekti pigok dunduye, “Inias Zisas Kilaisianj mme dolaknanj benik keyet gejanj wati sindi weyanj kutumbe.” Zeme eganj keyegak pututuk zemwati sinanj bekan kutum bemti mebe kokot mge. ³⁵Pitayan muwanj kegok mme Lida am ma Selon am eknenanj an wesin wati mepme ekti Amobotnanj Zisasiyet namkinpewien.

³⁶Âpme naman Zopa mka msalen imbi njen namkinpepejanjmak mamtan kwitnanj Tabita kwitnanj njen Glik zeleset Dokas makumtemien. Eganj kan katanj am sambe bee kejanj taolet mimindamti am bekopsat notnanj ola olat palen mamtemien eknen indapmukulem mti maweyanjindemtan. ³⁷Âpme Pitayan ewe Lida mka msalen keyegak mame kan keyegak imbi keyanj zawat temanj mti gakime tuyanj seknanj zulutpemt met mka kejanj saknan gwaen mopeme wenje. ³⁸Âpme Zopa mka ke Lida mka keyet sokjanit matatan. Keyepmti Zopa am namkinpepemak eknenanj Pita Lida mkaen kotazin zeme namti eknenanj Zopa an zut zemideme meti Pitayet zewun, “Lida am eknenanj nit gejanj gaikti sakwep mebegat zemndeme gaikmesâgât kolup.” ³⁹Zemalu Pitayan milawatnanj bekan mutuwetit egetmak Zopa mkaen mebien. Met patanj zeme keyegak wati Dokas mka kejanj njen teduknan gwaen peme weme tapmambien ke wati mopme imbi kwambet sambe eknenanj Pita bembuluntati Dokasiyanj alik mamti kâlâwin teepmanj ma kwitnanj kwitnanj notnanj sambe selim indamâge ke zikat samti si kundundu tapmambien. ⁴⁰Mme Pitayan am eknen ke zemindeme zupman towepmâpme igak tot pedondom tati Kawawangat dunduye. Dundum delanj zemti zimosetnanj imbi gakikinanj tage keeset ekti zeye, “Tabita wat!” Zeme imbi gakikinanjanj belak zemti Pita waekme ⁴¹Pitayan met betname am namkinpepemak ma imbi kwambet eknen indakumtetime kwapmâpme Dokas mme alik beye ke zikat indame ekti olojan temanj penanj mbien. ⁴²Âpme keyet zapatnanjanj Zopa animbi sambe bee nâme delanj zeme am sambe penanj Amobotnanjat namkinpewien. ⁴³Mme Pitayan an njen Saimon songom seknanjanj kwitnanj kwitnanj notnanj maweyantan an keyelen mkaen kan teepmanik mawemtan.

Kawawangalen ensel njenj Konelias sokbemsaye

10 ¹Sisalia msalen Loma an njen mamtan kwitnanj Konelias. Ek kasa kuku an 100 ekjengalen an damujan. Eknen keyet amnanj “Itali

ekɲengalen kasa kuku an” manzemtemien. ²Koneliasiyaŋ Kawawaŋgat nâme mobotnaŋ beme ek mâti mamtan. Keyepmti egalen mkaen animbi mamtemien ekɲenaŋ ilinsakwep Kawawaŋgat masesewatsamtemien. Âpme Konelias egaŋ ikɲaŋ Kawawaŋgat mene mene penaŋ mandundum samtan. Mti Zuda animbi bekopsat notnaŋ indapmukulem omba penaŋ mamimtan. ³Koneliasiyaŋ kegek mamimkwatnepeme kan ɲeniyet Kawawaŋgalen ensel ɲenaŋ gasiyet 3 kilok keyet kie kienok sokbemsamti egat kwitnanen kumti zeye, “Konelias!”

⁴Zeme Koneliasiyaŋ ensel ekti weŋaŋ mepme eksememuŋ mtage tageyaŋ yek beme yaŋkwesiye, “Amobotnaŋ, zigok ze zemanê nâmbi?”

Zeme Amobotnaŋaŋ zeye, “Taolet mimindi ma dundundundi Kawawaŋmagen ilak mopme nâp. ⁵Keyet geŋ an ɲen zempemane Zopa mkaen meti an ɲen kwitnaŋ Saimon ma ikɲaŋ keyegak kwitnaŋ ɲen Pita manzeip ke wati koti kapi koseip. ⁶An ke opmaŋ Saimon songom sekɲaŋaŋ milawat weyeyaŋ egalen mkaen tazin. An keyelen mka nembu ganzenan penaŋ baen matazin.” ⁷Kawawaŋgalen ensel egaŋ kegek zemti galaŋ zemepme Koneliasiyaŋ mulup anenet zut ma kasa kuku an ɲen mkaŋaŋ ekdamuŋ mmamti egaŋ Koneliasmak ilizuzut Kawawaŋgat nâme mobotnaŋ beme mamamtemun. ⁸An ekɲen ke zeme kopme zet weyaŋ zemâtâtindame nâmti Pita wasâgât Zopa mkaen mebien.

Pitayaŋ kie kienok muluwaŋ mamanamaŋ ɲen ege

⁹Ekɲenaŋ selen ke tapmetne peme tambume tambuyet eyo tusumti tapmetne metnepeme msat msame met Zopa mkaen patan zewien. Âpme Pitayaŋ kan keyegak tambuŋan dundundu mulup msâgât mka dukɲan gwaen mowege. ¹⁰Opmaŋgat imbiŋaŋaŋ meu ewe tabume Pitayaŋ mowege keyepmti egaŋ meuŋaŋgat wiselepmaŋ alaŋaŋ beme kan keyet kie kienok kwileki ɲen pigok sokbemsame ege. ¹¹Kululuŋ gwaen ɲandeme saŋgum temaŋ wakɲaŋ zulak zulak piyaŋ kululuŋ keŋangatnan peme Pitamagen âlâlâlân piyaŋ toge. ¹²Saŋgum keyet keŋan zit sepem igak igak ma nombe sepem igak igak ma age sepem igak igak piyaŋ misik tapme toge. ¹³Âpme zet ɲen kapigok sokbeye, “Ele Pita, geŋ wati ekɲen kapi kumaŋti ni.”

¹⁴Zeme Pitayaŋ zeye, “Amobotnaŋ, neŋ kwitnaŋ kwitnaŋ kabon kapi niniyet zemkulumnenaŋaŋ keyepmti ɲep ku kumaŋti nsap.”

¹⁵Zeme zet ewe pigok sokbeye, “Kawawaŋaŋ mme dolakɲaŋ bein ke geŋ keyet mgasik zenzepiŋ.” ¹⁶Muluwaŋ kegek sokbemsame sek tuk beme ekme beewan naman gilik zemti melesiŋ kululuŋenagak mowege.

¹⁷Âpme Pitayaŋ muluwaŋ kie kienok ege keyet yaŋaŋ nânâyet nânâ mulup temaŋ tapmme kan keyegak Koneliasiyaŋ am zemindeme kobien. Ekɲenaŋ Saimon Pitayet timati amgat mezeme mka zemâtâtindame nâmti met egalen mkaen setokwakwalen tati ¹⁸zewien, “Saimon Pita mka kapi tazin ma yek?”

¹⁹Âpme Pitayan ewe muluwan keyet yaŋaŋ nâsâgât nânâ mulup teman tapmepme Emetak Teŋaŋ pigok dunduye, “Pita nânik, an tugaŋ baen gâgât kot tatimalip. ²⁰Keyet geŋ totindaikti taŋga taŋgandi kutum weti ekŋenmak mebegat nâmane nukŋaŋ beme nâmtemtem ku msenik. An ekŋen ke nenn zemindema gaiksâgât kolo.” ²¹Âpme Pitayan gwaengatnan toti sekekek mâfâtî ekŋenmagen zupman toweti zeye, “An in kapiyaŋ nâgât tatnatimapmo? In kwilekiyet kolo ze zeme nâmbi?”

²²Zeme pigok dunduwien, “Kasa kuku an ŋeŋaŋ Konelias ek Kawawaŋ sesewatsamti mama teŋ mame Zuda am ekŋenaŋ egat nâme dolakŋaŋ mambein. Ek Kawawaŋgalen ensel teŋ egaŋ geŋ gati egalen mkaen mepmann geŋ zapat dundumane nânâyelen dundume nâmti zemndeme geŋ gaiksâgât kotnup.” ²³Kegok zeme nâmti Pitayan an ekŋen ke mkaen indatim moti timbum muluŋti indatime wembienan msame wati mesât mme Zopa am nâmkîŋpepeŋaŋ notnaŋ ekŋenaŋ Pitamak an tuk kobien ekŋenmak ilinsakwep mebien. ²⁴Ekŋenaŋ Sisalia msalen mesât tapmetnepeme msat tambume tambuyet eyo metnepeme msame msayet meti Sisalia mkaen pataŋ zewien. Âpme Koneliasiyaŋ am sipbutnane kwep ma am notnane notnaŋ zeme kopme eweŋanak ondekti ekŋengat posi tapmambien. ²⁵Keyepmti Pitayan set kwaleti mka keŋan mopme Koneliasiyaŋ kandaŋan sokŋanik met pedondom samti zemesesewatpeye. ²⁶Âpme Pitayan pigok dunduye, “Konelias wat! Neŋ keŋogak geŋ nembon mkaengatnaŋ amnegak.” ²⁷Pitayan ekmak zet zenâmambe ilisakwep mka keŋan motneti am sambe tapme indikti ²⁸Pitayan ekŋengat pigok diindoye, “In Zuda am nin am notnaŋ belakŋaŋ ekŋenmak metati zapat zenâ zenâ mimi ma ekŋenmagen metatat keyet zemkatik bembenaŋ tazin ke ilin nâip. Yaŋgut neŋ Kawawaŋaŋ kie kienok sokbemnamti an ŋeniyet bekaŋaŋ ŋep ku zenzeyelen dinomti zemneme inmagen kapi kola. ²⁹Keyepmti in nâgât zet beme mege ke nâmti inmagen kokogalen nâmtemtem ku mban. Keyepmti in yaŋaŋ eneyet nazemtetiyo ze zeme nâmbi?”

³⁰Zeme Koneliasiyaŋ dunduye, “Neŋ muluwan ŋen pigok sokbemname ekti manepema kasup ilak tuk mezin keyet zema nâmbak. Ne gasiŋeniyet 3 kilok mee kok beme dundundu mulup tapmma an ŋen melakanduŋaŋ satnaŋ penaŋ puyuk peyak piyaŋ sokbemnamti ³¹pigok dinoyan, ‘Konelias, Kawawaŋaŋ dundundundi ma taolet mimindi ke ekti gâgât nâmgeme dolakŋaŋ penaŋ bein. ³²Keyepm geŋ Zopa mkaen am zemindemane an ŋen kwitnaŋ Saimon Pita ke tetim koseip. An ke opmaŋ Saimon songom sekŋaŋaŋ milawat weyeyaŋ egalen mka nembu ganzenan ke mawein kegok zemâtâtnap.’ ³³Keyepm neŋ an tuk kapi zemindema geŋmagen kopmien. Âpme geŋ zetn gawepumti kodak keyepm neŋ gâgât nâma dolakŋaŋ bein. Kawawaŋgat zimosetnaŋ ondekti tatnupgat geŋ Amobotnaŋaŋ zet zigok zemkawaŋ bem game timti kodak ze zemâtâtndamane nâsenup.”

Pitayan Zet Zapat Dolakñan Penan diindoye

³⁴Zeme Pitayan yanbemti pigok zeye, “Kawawan egan am segeset nâmdeme mobototot ku mambein ke nâmkîñpeyap. ³⁵Yanguť msat sambe am kwi ekñenan Kawawangat kandan meti mama mimi teñ penan mti mamaip. Am ekñen keyet Kawawan tikñan manâmindein. ³⁶Am sambe nin kapiyelen Amobotnan Teman Zisas Kilais ek nâmkîñpenti Kawawangmak mama sewakñan mmamayet Kawawan ikñan keyet zetnan Isael am ninmagen zemkawan bemndaye e in nâmtalip. ³⁷Zânan am tu zuluti Kawawangmak tusumti mama keyet yanjan diindom kwage. Keyet sekñan gwaen Zisasiyan Galili msalen yanbemti kwitnan kwitnan nukñanbeñ mpeme keyetnan Zudia msat sambe bee eyo palakñan bemekoge. ³⁸Âpme Zisas Nasalet mkaengatan ek Kawawan winde ma Emetak Teñ same egan Zuda mka katan mekoti am keñ taolet mimindaye ma Sadañan am mme wesin bembenan ma am notnan keñin mme yungume mamtemien ebon ebon e Sadañ mâpme mepme mme dolakñan bewien. Kawawan ekmak tati mukulem kekok mme mulup temañ temañ sepem kekok mkwage. ³⁹Âpme Zuda am ningalen msalen ma Zelusalem mka temanen kwitnan kwitnan mge ma zet zemkwatnapeme Zuda am ekñenan ñenzinziñ mti tep palen kumasasok peme gakiye ke nin ekmâtâbenn. ⁴⁰Âpme sekñan sumen met beme sumen ke kasup tuk wenepeme bamgat Kawawan mme gilik zemti wati sokbemndam galañ mkwage. ⁴¹Wa ke am belakñan ekñenmagen penan ñen ku sokbeye. Egan gakikiengatan gilik zem wati am zapatnan dolakñan zenze am Kawawan ewenandaige nin etañ sokbemndame nin ekmak meu nimti zenâ zenâ kwep mbenn. ⁴²Âpme Kawawan ek mmoti am gakikinañ ma alik mamanup ningalen zemdelañ zenze an onzempeye. Egan mosâti nin ikñangat zet zapatnan ke nin am msat katan zemkawan bemindandayet mulup zet ndamti moge. ⁴³Âpme am ñenan egat nâmkîñpewe beme Kawawan egat pembenangat mti yomin zulutindewe. Ewanan golan zenze an ekñenan zet kekok zemkwabien.”

Koneliasiyelen mange ekñenan Emetak Teñ tiwien

⁴⁴Pitayan zet kekok diindomambe tapme Emetak Teñan toti am nâmti tapmambien ekñangat keñinan gak zemti tage. ⁴⁵Âpme Zuda am nâmkîñpepemak notnan Zopa mkaengatan Pitamak mebien ekñenan ekme Kawawan am Zuda mangen ku sokbembenan ekñenmagen eyo Emetak Teñ indame ⁴⁶ekñenan zet ñande igak igak zemti Kawawangat kwitnan mwat zemsesewatpeme ekñenan indikti nâmtemtem temañ mbien. ⁴⁷Âpme Pitayan zeye, “Nin ilak Emetak Teñ timti Zisas Kilaisiyet kwitnanen tu zulubenn keyepmti am ekñen kapi kekok Emetak Teñ ilak tiyo. Âpme nin naman kwilekiyet Zisas Kilaisiyet kwitnanen tu

zululugat angalan indesenup?” ⁴⁸ Kegok zemti Konelias iknan ma amnane eknen bee Zisas Kilaisiyet kwitnanen tu zulutindeme Pita angalanme kasup mulup mimi notnan pi eknenmak ke ewe tati Zet Zapat Dolaknan Penan diindomkwage.

Pitayan iknangat yanan am namkinpepenmak ekngat diindoye

11 ¹ Ombemindendeng notnane notnan ma am namkinpepenmak Zudia msalen mambien eknenan am Zuda mangeen ku sokbemberan eyo Kawawangalen Zet Zapat Dolaknan namti mkitik zewien keyet zaptan mme nambien. ² Keyepmti Zuda am namkinpepemak Zelusalem mkaen mamti am sekjin butnan antitiet zet windejan mamimtemien eknenan Pitayan am eknen ke sekjin butnan antitipin belak indemti gilik zemkopme ekti name nen ku beyeyepmti Pita mtopemti pigok zewien, ³ “Gen kwilekiyet am Zuda mangeen ku sokbemberan sekjin butnan ku antitinan ekngengalen mkaen met mamane eknenan tu meu kilen game mti manimtemanan.”

⁴ Kegok zeme Pitayan kwitnan kwitnan sambe am eknen kaimdemagen sokbemandaye keyet yananen baengatan nan yambemti pigok zemati zemkawan bemandaye. ⁵ “Nen Zopa mkaen dundundu mulup tapmma kie kienok Amobotnanan muluwan kapigok zikat name ekban. Kuleki nen sangum teman kebon busilinan zulak zulak pian kululun gwaengatan alalalan nenmagen totapme ⁶ ne kenan baenen weyan ekbanen keyet kenan songom didikngatanan sepem igak igak ma nombe sepem igak igak ma age sepem igak igak pian kenan beke misik tapme ekban. ⁷ Apme nenmagen zet nen kapigok sokbeme namban, ‘Pita, gen wati kwitnan kwitnan kenan tazin ke tim anti ni!’

⁸ Apme nen zet ke namti zewan, ‘Amobotnan, nen kwitnan kwitnan zemkolumnenenan ma bekanan kebon ku maniap, yek penan.’

⁹ Kegok zema kululungatanan zet nen ewe kapigok sokbeme namban, ‘Kawawangalan kwitnan kwitnan mme dolaknan bein ke gen ku zemtalat.’ ¹⁰ Zet kegok sek tuk zeme nama naman kwitnan kwitnan beewan gilik zemti sembe melesin kululun mowepme ¹¹ keyegak an nen Sisaliayetnanan an tuk kapi zemindeme nen naiksagat mka nen matatemanen ke kot tapme ¹² Emetak Tenan nagat pigok dinoye, ‘Gen toti am kot talip eknen kemak mebegat namtemtem ku msenik.’ Kegok zeme nen toindikti eknenmak mesat mma am namkinpepemak an ⁶ eknenan napmat meti nsakwep kasa kuku an nenan Konelias egalen mkaen mowepmann ¹³ engan zapat kapigok dinndoye, ‘Nalen mkaen Kawawangalen ensel nenan kwati pigok dinop. Gen am zemindemane Zopa mkaen meti an nen kwitnan Saimon Pita ek wati kopme ¹⁴ engan zet zeme namti gen ma mangendine in namkinpepe aikme Kawawangalan in yomengatanan gilik zemindatiwe.’ ¹⁵ Apme nen Zet Zapat Dolaknan Penan

diindomambe tapma ewejan Emetak Terj ninmagen toge sepem kegogak ekjenmagen topme ¹⁶nerj kwitnanj kwitnanj ke ekti Amobotnanjanj zet pigok zeye ke otnâmban, ‘Zânanj animbi tu etanj zulutindeye âpme nerj Emetak Terjanj kerjnan bemisikindewap.’ ¹⁷Keyepmti nin Amobotnanj Zisas Kilais nâmkijpepmi zet zapatnanj dolaknanj zemkawanj bemindamann eganj nin Emetak Terj ketalasim ndaye sepem kegogak eganj Emetaknanj Terj ketalasim indame nerj bukabojanj zigok Kawawangat zemkulumpewak.”

¹⁸Kegok diindome ekjenanj zet ke nâme penanj beme Kawawangat zemesewatpemi pigok zewien, “Kawawanganj am Zuda manjeen ku sokbemberjanj ekjen kegogak yomengatnanj kej gilik zenze aikti mama kanzizit keyet tojanj bembeyet eyo tatnâmindein.”

Antiok mka teman Zet Zapat Dolaknanjanj palaknanj beye

¹⁹Stiwen kuwien kan keyet am nâmkijpepmak Zelusalem mkaen mambien ekjenanj ke ekti sekjin zime msat katanj kalaŋti kilenj mekobien. Notnanjanj bejanj Pinisia msalen mepmâbien ma notnanjanj Saiplas msalen mepmâbien ma notnanjanj Antiok mka teman mebien. Kegok mekoti Kawawangalen Zet Zapat Dolaknanj Zuda am ewejan meti msat ke mamaŋanj ekjenmak ilinak etanj zenâ zenâ mti mamamtemien. ²⁰Yangut am nâmkijpepmak notnanj Saiplas msalen ma notnanj Sailini mka teman Zuda am nâmkijpepmak mambien notnanj ekjenanj Antiok mka teman meti am Zuda manjeen ku sokbemberjanj ekjen kegogak Zisasiyelen Zet Zapat Dolaknanj Penanj diindome ²¹Amobotnanjgalen windeyanj ekjenmagen sokbemindame am sambe penanjanj nâmkijpepe aikti Amobotnanjgalen tusumâbien.

²²Keyet zet zapatnanj Zelusalem mka teman met patanj zeme nâmti Banabas zempeme eganj Antiok mka teman meti ²³indikme Kawawangalen kej taoletnanj ekjenmak tapme indikti nâme dolaknanj beme kerjnanj Amobotnanjgalen ewe kaliŋanj bemtatagat nâmti animbi sambe zemgwatnanj mimindeye. ²⁴Banabas ek an dolaknanj nâmkijpepenanj teman ma Emetak Terjanj egat kejan bemisik matatan. Keyepmti Zet Zapat Dolaknanj Penanj zeme am sambe penanjanj nâmti nâmkijpepe aikti Amobotnanjgalen ewe tusumâbien.

²⁵Âpme Banabasiyanj Talasas mkaen Sâl eksâgât meti ²⁶meaikme ilisakwep gilik zemti Antiok mkaen koti Antiok mkaen animbi nâmkijpepenanj sambe ekjengat tunguwinan ke nup kan kwep mamti am Zet Zapat Dolaknanj Penanj diindom zikat indam mammtemun. Âpme kan keyet am Kilais nâmkijpepenanj ekjenanj yanjbemti kwilin Kilaisiyelen am manje ke kuwien.

²⁷Kan keyet golanj zenze an notnanj ekjenanj Zelusalem mka teman katikpemi Antiok mkaen kobien. ²⁸Âpme golanj zenze an kobien

ekjengat tunguwinangatnaŋ an ŋen kwitnaŋ Agabas. Ek Emetak Tejaŋ zet keŋanen bempeme egaŋ ondedak temaŋ ŋeniyet motati msat sambe kamberŋ temaŋ sokbewe keyet zet zapatnaŋ diindoye. Yaŋ maneti Loma amobotnaŋ Kolodiasiyaŋ mange kan keyet zetnaŋ zeye keyet penaŋaŋ sokbeye. ²⁹Keyepmti am nâmkijpepemak ekjenaŋ Zudia am nâmkijpepemak noline indamukulem mimiyet zenâmti ³⁰am kwep kwewaŋ mânwin taindaye kataŋ sepem minok ondek bemti Banabasimak Sâl zemideme egelaŋ mânep ke timti Zudia msalen am nâmkijpepemak ekjengalen an ŋeŋaŋine mambien ekjenmagen mmebun.

Elolaŋ Pita mka katikŋan mepeye

12 ¹Âpme Elolaŋ yaŋbemti am notnaŋ nâmkijpepemak indom walet mti notnaŋ belak mka katikŋan timet indeye. ²Elolaŋ zeme kasa kuku an ekjenaŋ Zems Zângat datnaŋ ek wanam kukŋaŋbeŋaŋ omeseleme gakiye. ³Egaŋ muluwaŋ mgasik kekok mme Zuda am ekjenaŋ set keyet nâme dolakŋaŋ beme indikti keŋin wapme Pita kekokak Aŋgalalaŋ Kendoyet atamti mka katikŋan mepeye. ⁴Pigok nâmti mepemti kasa kuku an 16 kapi indeme damuŋ mammtatemien. Ke tapme nin Aŋgalalaŋ Kendo kapi tapmann delaŋ zeme naman keyegak tusumti Nupmamaŋ Yispiŋ Manimtemien Kendo ke yaŋbemtati keyet kuma gakiwe zemti wati mepeye. ⁵Âpme am nâmkijpepemak ekjenaŋ Kawawaŋaŋ Pita mka katikŋanen mukulem mpepeyet dundundu mulup mene mene mkwabien.

Pitayaŋ mka katikŋangatnan kwatoge

⁶Elolaŋ Pita wati zelen onzempepeyelen kanaŋ saŋen nokŋan tapme tambu keyet kasa kuku an zulaŋ nembet nembet tati damuŋ katikŋaŋ mmalu egetgat tunguwidan sen katikŋaŋ zulaŋ zampepeŋaŋ beye melesin tawemange. Âpme kasa kuku an notnaŋ ekjenaŋ setokwakwalen baen damuŋ katikŋaŋ mti tapmambien. ⁷Âpme keyegak Amobotnaŋgalen ensel ŋenaŋ mka keŋan ke belak sokbemtapme busatnaŋaŋaŋ mka keŋaŋ bee mbusatnaŋ bemti tage. Âpme Kawawaŋgalen ensel keyaŋ Pita butemti zeye, “Pita, sakwep wati dendaŋ tat!” Zeme Pitayaŋ dendaŋ pututuk wapme setnaŋ betnaŋ sen katikŋaŋaŋ zampepeŋaŋ ewan belak puluk pilik pemti topmâge. ⁸Kegok mme Kawawaŋgalen enselaŋ Pitayet zeye, “Pita, geŋ bitimdi weyaŋ zamti set wewedi weti melakanduŋdi teepman mti pemane topme napmât kot.” ⁹⁻¹¹Zeme Pitayaŋ zeye kekok mti Amobotnaŋgalen ensel ke mâti ilisakwep kasa kuku an notnaŋ ekjenaŋ setokwakwat ŋeŋaŋ gwaen damuŋ mti tapmambien ke topmalu set ikŋaŋ dâlân zeme toti met namaŋ sekekek ŋen towepmalu e kekok ikŋaŋ belak dâlân zeme toti eyetnan met kimbatgalen sekek aen temaŋ

ke mepmalu belak ikɲaŋ etaŋ ɲandeme zupman baen toti mka temanen meibun. Amobotnaŋgalen enselaŋ Pita wati kwitnaŋ kwitnaŋ mmege ke Pitayaŋ nâme kapi penaŋ tapmiap ma belak kie kien tapmiap mene kegek otnânge. Selen metneti Amobotnaŋgalen ensel egaŋ galaŋ zemti mepme Pitayaŋ keyegak keŋaŋ teŋ peme nâmti pigok nânge, “Penaŋ sukwep pi neŋ nâmtâtâlap. Amobotnaŋaŋ ensel ɲen zempeme toti egaŋ Elotgalen belengatan ma Zuda am ekɲenaŋ neŋmagen kwitnaŋ kwitnaŋ mnasâgât mimien keyetnan naŋgalaŋti natozin.”

¹²Egaŋ kegek otnâmti keŋaŋ yayaŋ kwapme met Zângat mamaŋ Malia egalen mkaen memoge. Am nâmkɲepemak sambe ekɲenaŋ egalen mkaen ke ondek tati Pitayet nâmti dundundu mulup tapmmambien.

¹³Âpme Pitayaŋ moti setokwakwat zupmaset baen kwat set toŋtoŋ takume mulup imbi nemba kwitnaŋ Loda egaŋ am pe kwiyaŋ set toŋtoŋ kwatakuin zemti eksâgât koti ¹⁴Pitayet zet ɲandaŋaŋ nâmti segeyak mti set kwalelepiŋ belak mka keŋaŋ gwaen meti am notnaŋ tabiengat pigok diindoye, “Pitawan kolewaŋ kamba tazin.”

¹⁵Zeme ekɲenaŋ zewien, “Keŋdi kileŋ beme tazenik! Pita pi mka katikɲan daen tazin.”

Zeme egaŋ zekaŋkaŋ mti zeye, “Penaŋ sukwep ek kamba kotazin.”

Zeme ekɲenaŋ zewien, “Bati ke ensel ɲenaŋ mene kotapme ekti kotazenigat.”

¹⁶Âpme Pitayaŋ ewe set toŋtoŋ giŋgiŋ kupen tapme ekɲenaŋ meti set kwaleti ekti weŋin mepme zezebaŋbaŋ omba mbien. ¹⁷Âpme Pitayaŋ ekɲenaŋ zet temaŋ temaŋ ku zenzeyelen nâmti belak belan sesepman mti zemkulumindeye. Mti egaŋ Amobotnaŋaŋ mka katikɲaŋgatan gilik zemti aŋgalaŋ peye keyet zet zapat mimindamti zeye, “In meti Zems (Zisasiyet meniaŋ) ekmak am notnane notnaŋgat zet zapat kapi met miindaseip.” Kegok zemindemti toti naman msat butnaset ɲen mege.

¹⁸Âpme tambuŋan penaŋ kasa kuku an ekɲenaŋ wati Pitayet ekme yek beme weŋin mepme zewien, “Ege! Pita pi zigoset melep?” Zemti tokwatimabienan yek beme zet beme ¹⁹Elotmagen mepme egaŋ nâmti kasa kuku an notnaŋ ewe zemindeme Pita aiikgalen tokwat timabienan yek beme kasa kuku an ¹⁶Pita damuŋ mti tabien ekɲen met indatimti zet muluwen met indeme zet zesât olabiengapmti Elotgat mezeme egaŋ zemdelan zemindeme Pitayet munduman ekɲen ke indome gakiwien. Elolaŋ Zudia msat pemti Sisalia mka msalen topmaneti gilik zem kokogat nâmti towege.

Amobotnaŋ Elot gakiye

²⁰Kan keyet Elolaŋ Taia ma Saidon animbi ekɲengat ɲenzinziŋ temaŋ mimindeye. Keyepmti animbi sambe mka keyetnaŋ ekɲenaŋ temakwep bemkoti meluwaŋ damuŋaŋ Balastas ekmagen mot zet zemti ɲenzinziŋ

kapi yek bembeyelen nâmti egaŋ indatimti amobotnaŋ Elotmagen mepme zelin weyayaŋgat nâmti zet kelakŋaŋ mpewien. E yaŋaŋ kapigogaŋ ekŋenaŋ Amobotnaŋgalen msalen ke meti meu makwitimtemien keyepmneti egaŋ setnaŋ bekekme olati meuyet gakiwanupmagen zemti yayaŋ mti muluwaŋ kegek mbien.

²¹⁻²² Âpme Elolaŋ yaŋkwesisinŋin keyet dopmaŋ gilik zemindandayet nâmti kan bemindaye ke daŋgome amobotnaŋgalen miak miak sopmaŋ ke mti amobotnaŋgalen mundumen mototati zet tadiindome am sambe ekŋenaŋ kaliaŋ temaŋ kumti zewien, “Zet kapi dolakŋaŋ penaŋ Kawawaŋaŋ manzein keyet kataŋ penaŋ tazein.” ²³ Kegok zemsesewatpeme Elolaŋ ikŋaŋgat nâme mopme Kawawaŋgat nâme tototnaŋ beye keyepmti kan keyegak Amobotnaŋgalen ensel egaŋ nâmbekam bempeme binaŋ keŋanen imkume gakiye.

²⁴ Kegok mme Kawawaŋgalen zelaŋ windenaŋbenŋ palakŋaŋ bemti msat kataŋ mekoge.

²⁵ Âpme Banabasimak Sâl egeŋaŋ Zelusalem mka temanen mulup zemidendaŋ ke mmalu delaŋ zeme egeŋaŋ Antiok mkaen mesât mti Zân Mak ek wati ilinsakwep mebien.

Banabasimak Sâl Kawawaŋgalen mulup mimiyet zemideme mebun

13 ¹ Antiok dapmelange keyet keŋan golaŋ zenze an ma an zikat indanda kapigogaŋ mambien: Balabas ma Simion an sopmaŋ makumtemien ma Lusias Sailini mkaengatnaŋ ma Manaen ekmak amobotnaŋ Elotmak egeŋaŋ ilisakwep zenzelim mamti same mbun ma Sâl am ekŋen kogaŋ ke mamti mulup mamtemien. ² Ekŋen keyaŋ meu zemkulumpemti Kawawaŋmagen keŋin ondek bemti sesewatpemti tapmambien. Âpme Emetak Teŋaŋ ekŋengat zeye, “In Banabasimak Sâlmak ideme egeŋaŋ neŋ mulup mimiyelen nâmti zewan ke met mbalup.”

³ Ekŋenaŋ meu zemkulumpemti dundundu muluwen an zut eget ke Kawawaŋaŋ mulup keyet ombem idep nânâyet tati eksokbemti belinan ŋokŋidan atamti mulup ke mimiyet zemgwatnaŋ mimidamti ideme mebun.

Saipalas msalen Kawawaŋgalen Zet Zapat Dolakŋaŋ zemkawaŋ beye

⁴ Emetak Teŋaŋ zemideme egeŋaŋ meti Selusia mkaen toweti waŋga ŋen mti msat nembu tungupman tageen kwitnaŋ Saipalas ke meti ⁵ egeŋaŋ mka ŋotakŋaŋ Salamis ke mot patan zemti Zuda am ekŋengalen sesewat mka tapmege kataŋ meti Kawawaŋgalen Zet Zapat Dolakŋaŋ zemkawaŋ bewun. Zânaŋ eget idamukulem mti ilinsakwep mulup mbien.

⁶ Ekŋenaŋ msat ke meti Zisasiyelen Zet Zapat Dolakŋaŋ zempemalu mane mane nembet daen mka ŋen Papos ke patan zemti mka keyetnaŋ

Zuda anġkambuk ñen aikbun. Kwitnañ Bal Zisas an keyañ iġnañgat, “Neñ golan zenze an” kogok manzemtan. ⁷An keyañ msat keyelen gapman ñeñañ kwitnañ Selegias Pâlas an kemak notn notn mmamtemun an ke nânâñañ temañ penañ. Amobotnañ temañ keyañ Banabasimak Pâlañ Kawawañgalen Zet Zapat Dolakñañ dundumalu nânâyet nâmti idazemtetime kobun. ⁸Yanġut anġkambuk Bal Zisas kwitnañ ñen Glik zeleset Elimas makumtemien an keyañ amobotnañ temañ egañ Sâlmak Banabas egeñañ Kawawañgalen Zet Zapat Dolakñañ ke zemalu nâme penañ ku bembeyelen timyape yape zet notnañ dunduye. ⁹Yanġut Sâl kwitnañ ñen Pâl manzemtemien an ke Emetak Tenġalen windeyañ keñanen misik tapme Elimas zikat memun ektati zeye, ¹⁰“Sadañgat nemunañ, geñ mama teñ keyet kasa mpemti am tetimaemae omba mimindamti Kawawañgalen zet pi imkwatamane belakñañ penañ mambein. Geñ mama mimi bekanañ ke geñmagen omba penañ gak zem tazin nânik! ¹¹Keyepmti alak Amobotnañ Kawawañañ betnañañ zikadi enzunġeme beñañ besem. Âpme geñ kasup ñen eekpiñ mane pemane kan sambe mebe.”

Pâlañ zet kegok zeme keyegak sakwep zanza keboñañ tot Elimasiyet zikatnañ bekekme tambusosok beme Elimas zikatnañ eksât olage. Mti, “An ñen aikma napbetnamti set zikat name mebi,” zemti olati bemanzat mege. ¹²Muluwañ kegok sokbeme gapman an ñeñañ keyañ Amobotnañ Zisasiyelen windeñañ temañ ke ekti nâmtemtem temañ mti Zisasiyelen zet keyet nâme penañ beme Zisasiyet nâmkiñpeye.

Pâlmak an notnañ Pisidia msalen meti Antiok mka teman mulup mbien

¹³Pâlmak am notnañ ekmak mebien ekñañ Papos mka ke peme tapme wañga ñen mti Pampilia msalen Pelga mka temanen ke mebien. Âpme Zânañ ekñen katikindemti igak Zelusalem mkaen gilik zemti koge. ¹⁴Âpme ekñañ Pelga mka ke peme tapme naman Pisidia msalen meti Antiok mkaen ke mulup mti manepeme Sabat tagonġo kan ke beme Zuda am ekñengalen sesewat mkaen motati ekme ¹⁵ekñañ Mosesiyelen zii zet ma golan zenze an ekñañ zet kuwien ke maiñ mepme delañ zeme sesewat mka keyet ñeñañ ekñañ Pâl ma amñane mototabien ekñengat pigok indayañkwekiye, “Notnne, in animbi kapi zemġwatnañ mimindendeyelen zet ñen mti talip beme kwatati diindome nâit.” ¹⁶Zeme Pâlañ wati belañ sesepmañ mti zeye, “Israel am ma am notnne Zuda manġeen ku sokbembeñañ in Kawawañgat masesewatsaip, in wakñin weyañ bemti tapme zet kapi zema nâit. ¹⁷Israel am ningalen Kawawañ egañ yeñsokñne ekñen iġnañgat zapat penañ indaombemindeye. Yañ ekñañ Izip msalen lueñ mamti omba penañ sokbem sambelenġi mame Kawawañañ Kenan msalen indatimti kosât tati egañ Izip amobotnañ Palaomagen menok sepem igak igak mme ekti kiñgatnâmindeme

Izip msat pemti mebien. ¹⁸Selen msat tungupman indatim kopme ekjenan mobotnan msamkobienangut egan sewakjan mti indadamun mamimkotnepeme nup kan 40 bepi set tungupman ke delan zeye. ¹⁹Kan keyet Kenan msalen am mange 7 bepi Kawawanan indaasekti ekjengalen msat ke yensokjne ekjengat indame ekjenan msat ke tojan bemti mame ²⁰nup kan 450 kekok delan zeme keyet baman gwaen Kawawanan zemdelan zenze an notnan indaakme ekjenan mamti amgat zelin namti maindamusuwat indemkwatnapeme golan zenze an Samueliyan sokbemti mulupman mkwage. ²¹Zuda mange ekjenan amobotnanin nen aikgat zeme Kawawanan Benzamingalen mangeengatnan an nen Kis egat nemunan Sal ek aikindame egan Amobotnan mulup mti indamamkwatnepeme nup kan 40 pi delan zeye. ²²Yangut naman Kawawanan iktan zempemti mundumanen Dewit ek nampepe amobotnan tapme zeye,

‘Nen Zesiyet nemunan Dewit ek ekma dolaknan penan beme keyepmti amobotnan mamayelen namti aiga. Egan nalen nottik ke mati keyet katan mulupman mbe.’

(1 Samuel 13:14; 15:23, 26, 28; 16:1, 13)

²³Kawawanan amobotnan Dewit egat soknan nen sokbemti Israel animbi sambe yomengatnan gilik zemti indatitiet Israel am zetik mimindeye keyet penan Zisasiyan kot sokbeye. ²⁴Ewan Zisasiyan mulupman ewe mimipin tapme Zan tu zululut anan nenan yanbemti Israel am ekjen mama mimin bekanan ke katikpemt ke gilik zenze aikme tu zulutindendeyet zetnan windenanben diindom kwage. ²⁵Zanan Kawawanan mulup zempeye ke mmepme ilak delan zenzeyelen bududuk beme am pigok indayankwesiye, ‘In nagat name kwi mambeyap? Wa in name nen an nen kokogalen damun mamip ke bein? An iktan ke ewe bam daen takozin an bekebon beke nen bukabonan elenn sama time nen ku bewe.’

²⁶Ip notnne Abalaamgat insokjane ma notnne Zuda mangeen ku sokbembenan Kawawan masewatsaip ingat pigok zema nat, an yomengatnan gilik zemndadagat zenzenan e ninmagen sokbembeyet namti zenzenan. ²⁷Yan an ke sokbeme Zelusalem animbi sambe ma an nenanine ekjenan an yomengatnan gilik zemndatitiet koge elak an kapi kekok nanapi ma ekjenan katnan kendo katan golan zenze an ekjenan an kapiet meluwan mimin mamai kwatnup ke an kapi e namatatapi belak etan ekandatpemt kume gakiye. Kegok mme golan zenze an ekjenan zet meluwan mbien bee penanmak etan bemage. ²⁸Zuda am ekjenan an keyelen myungungunan nen gakikiyelen katan ku aikbien yangut ekjenan egat nenzinin etan mpemt amobotnan Pailelan zemdelan zeme kume gakikiyet zekakan penan mbien. ²⁹Kegok mme golan zenze an ekjenan an kapi muluwan kapigok msameti

kume gakikiyet zetnaŋ eweŋan meluwaŋ mkwabien keyet kataŋ am ekŋenaŋ tewen kumasasokpewienan mâtâpmti am sumen met bewien³⁰ yangut Kawawaŋan am sumengatnan mme gilik zemti wage. ³¹Âpme am nâmkîŋpepemak notnaŋ ekmâti Galili msalengatnan Zelusalem mkaen mebien. Ekŋen kemagen Zisasiŋan gakikiengatnan gilik zem wati sokbemenzilim sokbemenzilim mamkwatan. Am ekŋen keyaŋ keyet zapaŋnaŋ am diindom kwabien. ³²⁻³³Kawawaŋan yeŋsokŋne ekŋengat Nemuaŋ penaŋ peme totogat zetik mimindeye keyet penaŋan elak ningalen kanen kapi Nemuaŋ Zisas gakikiengatnan mme wage keyepmti Banabasimak nit inimagen kapi Zet Zapat Dolaknaŋ ke mti koti tazelup. Keyet zapaŋnaŋ Kawawaŋalen Zet Itnaŋan Sam tuŋgupaŋ zut keyet keŋan meluwaŋ kapigok miminaŋ tazin,

‘Geŋ Nemunn penaŋ alak neŋ gâgât Bipdi penaŋ beyap.’ (Sam 2:7)

³⁴Zisas gakikiengatnan gilik zemti wageyaŋ ŋen ewe gakimti ku sambuwe. Keyepmti Kawawaŋan keyet zet kapigok zeye,

‘Neŋ Dewitmagen zetik mban keyet penaŋ kwitnaŋ kwitnaŋ dolaknaŋ in indamâbap.’ (Aizaya 55:3)

³⁵Naman Kawawaŋalen Zet Itnaŋan Sam iŋnaŋ keyegak pemaŋ ŋen naman pigok zein,

‘Geŋ Andi Teŋ ek kileŋ pemane msalen ŋep ku sambuwe.’ (Sam 16:10)

³⁶Amobotnaŋ Dewitgat yaŋan pigok nânup. Dewilaŋ Kawawaŋalen am mambien ekŋenmagen Kawawaŋan mulup zempeye ke ekŋengat tuŋguwinan mmeti gakime seknaŋ mti yeŋsokŋ notnaŋ indabewien mundum keyegak mebeme seknaŋan msalen ke sambuye. ³⁷Yangut Zisas ek Kawawaŋan mme gakikiengatnan gilik zem wage. Ek seknaŋ msalen ke ku sambuye. ³⁸Keyepmti notnne in pigok penaŋ nâseip. Nin ingat zet sosok zemkawaŋ bemti kapigok manzenup. Yom delaŋ zenzeyelenset e Zisasmageset etaŋ tazin. ³⁹Mosesiyelen zii zet sambe ke gawepumti mame Kawawaŋan keyet mti yomin ku makatipein yek. Am sambeyaŋ Zisas ek kwep nâmkîŋpemengut Kawawaŋan egat mti yomin ŋep makatipein. ⁴⁰Golaŋ zenze an ŋenaŋ Kawawaŋan zet kapigok zeme nâmti meluwaŋ pigok mge. Ke penaŋan inimagen sokbewemagengat weyaŋ eksemti mambep. Kawawaŋan ekŋengat pigok zeye,

⁴¹‘In nâip, neŋ nuknaŋ temaŋ inimagen sokbewe keyet zapaŋnaŋ diindomaŋut in zetn nâme pepesut mambein ma neŋ am ŋen zempema koti zapat keyegak diindome e kegogak zetnaŋ nâme pepesut beme neŋ mamimtotneip. Keyepmti neŋ kwitnaŋ kwitnaŋ nuknaŋbeŋ penaŋ inimagen sokbembeyet zewan ke pema kopme in ekti kîŋgati gakim temebep!’ ” (Habakuk 1:5)

⁴²Pâlaŋ zet kekok zeme delaŋ zeme Banabasimak egelaŋ toti kwawesât mmalu animbi sambeyaŋ zewien. It kot Sabat tagoŋgo kan ŋen tabanuwen zet iŋnaŋ kapiyegak ewe tusumti zemâtâpmalu

nâmbanup. ⁴³Kegok zemti sesewat mkaengatan asek toti Zuda am ma am Zuda mangeen ku sokbemberaŋ Zudayelen nâmkinjaŋpepe keyet katan nâmkinjaŋpenti mamaŋaŋ ekŋenaŋ Pâlmak Banabasimak idapmât mepme egeŋaŋ gwatnaŋ zet diindomti Kawawaŋgalen keŋ taoletnaŋ ekŋenmagen weme ekŋenaŋ eegalen mulupmaŋ mti mamayet diindowun.

⁴⁴Naman Sabat tagoŋgo kanaŋ ŋeniyet mka temaŋ keyelen animbi sambe penaŋaŋ Kawawaŋgalen zet nâsâgât sesewat mkaen kwaweti bemisik tabien. ⁴⁵Âpme Zuda sesewat mka keyet keŋaŋ ŋeŋaŋ mambien ekŋenaŋ ekme animbi sambe penaŋaŋ kwaweti weme indikti nâmbekam bembe mimindemti ekŋenaŋ Pâlmak Banabas egegat zelit windeŋaŋ mtoidendeyet nâmti zemtalalat zet zewien. ⁴⁶Kegok mme Pâlmak Banabasiyaŋ zet windeŋamberŋ ewe pigok zewun, “Israel am in zet kapi ŋeŋaŋ diindome nânâyelen zenzeŋaŋangut in bamkumpemti mama kanzizit mama keyet wisat mnup zeipgapmti ŋep nit in katimindemti am Zuda mangeen ku sokbemberaŋ ekŋenmagen etaŋ mulup mmann nâmbep. ⁴⁷Amobotnaŋaŋ pigok zemndeye,

‘Neŋ am Zuda mangeen ku sokbemberaŋ ekŋenmagen busatnaŋ mti mebegat zemindeyap. In msat sambe tapmezinen mekoti animbi indapmukulem mimindeme nâgât nâmkinjaŋpeme neme Kawawaŋaŋ yomengatan gilik zemindatiwe.’ ”

(Aizaya 49:6)

⁴⁸Âpme am Zuda mangeen ku sokbemberaŋ ekŋenaŋ zet ke nâmti oloŋen temaŋ mti Kawawaŋgat wisikŋ zewien. Âpme am mama kanzizitgat zapat bembeyet Kawawaŋaŋ eweŋaŋ nâmindeye ekŋenaŋ zet zapat dolakŋaŋ nâmti nâmkinjaŋpewien.

⁴⁹Mme msat keyet keŋaŋ Amobotnaŋ Zisasiyelen Zet Zapatnaŋ Dolakŋaŋaŋ palakŋaŋ bemti mekoge. ⁵⁰Yangut Zuda am sesewat mka keyet ŋeŋaŋ mambien ekŋenaŋ mka keyelen imbi kwizet buŋamin temaŋ Kawawaŋgat mandundumtemien ma an ŋeŋaŋ notnaŋ ekŋengat keŋin walapme ekŋenaŋ Pâlmak Banabas idapmâpme msat ke pemti belakŋaŋ mekun. ⁵¹Egeŋaŋ Aikoniam mka msalen mesât tati mama mimiŋin bekaŋaŋ ke timti mamayet nâmindemti selidaŋgalen kakalakŋaŋ ke kapupmalu mka keyegak topmâpme mekun. ⁵²Âpme naman am notnaŋ Zet Zapat Dolakŋaŋ ke nâmti Zisas nâmkinjaŋpewien ekŋenaŋ oloŋen palenagak mame Emetak Teŋaŋ ekŋengat keŋinan bemisik tage.

Pâlmak Banabasiyaŋ Aikoniam mka temanen mulup mbun

14 ¹Egeŋaŋ Aikoniam mka teman ke meti muluwaŋ sepemaŋ kapigok mbun. Egeŋaŋ Zuda am ekŋengalen sesewat mkaen moti Zet Zapat Dolakŋaŋ setnaŋmak weyaŋ bemti zemâtâpmalu Zuda am ma Glik am sambeyaŋ Zisasiyet nâmkinjaŋpepe aikmâbien. ²Âpme Zuda am notnaŋ Zisasiyet ku nâmkinjaŋpewien ekŋenaŋ wati am Zuda mangeen ku sokbemberaŋ notnaŋ zet kelakŋaŋ mimindeme ekŋenaŋ

nâmkijpepemak am ekjengat njenzinzi mimindawien. ³Pâlmak Banabasiyaŋ kan teepmaŋnik Aikoniam mkaen ke ewe nâmisim mamti Kawawaŋgalen Zet Zapat Dolakŋaŋ winderjamber penaj zemkawaŋ bewun. Âpme Amobotnaŋaŋ ikŋaŋ winde idame menok mbun. Keyepmti animbi sambeyaŋ Kawawaŋgalen keŋ taoletnaŋ keyet penajaŋ ekti nâmtentem mti zet keyet nâme penaj etaŋ beye. ⁴Keyepmti mka keyet keŋanen animbi sambeyaŋ kalaŋ kumti notnaŋaŋ met Zuda am Zisasiyet kwizapatnaŋgat kasa mamimtemien ekjenmak tabien ma notnaŋaŋ epeemti Pâlmak Banabas egetmak metabien.

⁵Âpme Zuda am ma am Zuda mangeen ku sokbemberjaŋ ekjen ma njenajine ekjenaŋ ondekti keŋ kwep bemti Pâlmak Banabas nanzaŋaŋ idome gakikiyet zemtâwien. ⁶⁻⁷Âpme egelaŋ zet ke nâmti kunzuŋ naman Likonia msalen mka isisikŋaŋ wemegeen ke Kawawaŋgalen Zet Zapat Dolakŋaŋ zepemalu mane mane met mka ŋande temaŋ temaŋ zut Lisitalamak Delebe ke pataj zewun.

An wesij njen dolakŋaŋ beye

⁸Âpme Listala mkaen ke an njen mamkeŋ setnaŋ wesij sokbemberjaŋaŋ ke tapme ekbun an ke set mebe kokot bugan ku mamimtan penaj. ⁹Yaŋ Pâlaŋ zet tazeme an keyaŋ totati zet ke nâmambe tapme Pâlaŋ zikat memuj an ke ekti nâŋge, “An wesij kapi nâmkijpepejaŋ jej tazin yaŋ nej jej mukulem mma dolakŋaŋ besem nâyaŋ.” ¹⁰Kegok nâmti an keyet zet pigok zeye, “Geŋ wat mutututi sedaŋ imti tat.” Zeme keyegak sakwep pututuk wati dendaŋ mebe kokot mge.

¹¹Pâlaŋ muluwaŋ mamananaj kegok mme am sambeyaŋ ekti Likonia ilinaŋgalen zeleset ŋakŋak mti zewien, “Nin nopiom zut masesewatidanup piwan am nemboŋ bemti kwatolulaŋ pi tungupmnan tapmalup.” ¹²Zemti Banabas egat kwitnaŋ nopiom Zeus kuwien. Âpme Pâl ek zemâtâtât an keyepmti egat kwitnaŋ nopiom Elemes kuwien. ¹³Nopiom Zeus egalen sesewat mka temaŋ ke mka temaŋ keyet ganzenan daen matatan. Yaŋ sesewat mka temaŋ keyet sâpe sâpe bumbu an njenaj makau ma tep katnaŋ dolak dolakŋaŋ ke timti an zut egegat sâpe sâpe bumidasâgât met ambepelet timti mka temaŋ keyelen kimbat setokwakwalen koge.

¹⁴Kegok mme Banabasimak Pâl egelaŋ zapat ke nâmti weŋit mepme kâlâwit kumendelet muti windenjitbeŋ am sambeyet keŋan meti kwizet ŋagak pigok kuwun, ¹⁵“Am in pi kwilekiyet muluwaŋ kapigok penaj kapi tapmip? Nit an in talip kabonjak! Nit Zet Zapat Dolakŋaŋ kapi zemalu in nâmti kwitnaŋ kwitnaŋ belakŋaŋ kapi time mepme gilik zemti Kawawaŋ penaj mamaŋaŋmak ekmagen mebegalen nâmti manzenup. Kawawaŋ nit zapatnaŋ tazelup kapiyaŋ msat kululuŋ ma nambu ma kwitnaŋ kwitnaŋ sambe weme eknup bepi mme sokbeye. ¹⁶Kan tipman

baenen am Kawawaŋaŋ nâmindeme belak kileŋ lala bubup mamkwabien. ¹⁷Yanŋut Kawawaŋaŋ am ekŋenaŋ nikseipmagen zemti ku enziliye. Egaŋ kululuŋen mamti am keŋ sewakŋaŋ mimndamti map ma muluwinan kwitnaŋ kwitnaŋ mme dolakŋaŋ sokbeme manimwiaŋti oloŋen palen mamanup.” ¹⁸An zulaŋ zet mulup temaŋ kegok mti zekaŋkaŋ mti zemkulumindeme sâpe sâpe bumidasât tapmambien e naman peme tage.

¹⁹Kegok mme Zuda am notnaŋ Antiok ma Aikoniam mka metatatnaŋ ekŋenaŋ animbi Zuda maŋgeen ku sokbembeŋaŋ notnaŋ keŋin walapme ekŋenaŋ Pâl nanzaŋaŋ kumti wa gakip nâmti sekŋaŋ mandamti tot mka temaŋ ganzenan baen totpeme ²⁰weme nâmkŋipepemak am ekŋenaŋ kot ondekti mti mebene zemtapmnepeme egaŋ wat indikti met mka temanenak ke mowenŋeyaŋ msame wati Banabas ilisakwep Delebe mka teman ke meti ²¹Zet Zapat Dolakŋaŋ am ekŋengat zemkawaŋ bemalu am sambe ekŋenaŋ koti Zisasiyelen maŋge bemâbien. Âpme egelaŋ bam gilik zemti ewe Listala, Aikoniam, Antiok am nâmkŋipepemak wilingim indik indik mebun. ²²⁻²³Zisasiyelen maŋge ekŋen nâmkŋipepeŋinaset zemgwaŋnaŋ mimindem mimindem mti animbi keyet ŋeŋaŋine eyo aikindemti tu meu zemkulumpemti belak tati ekŋengat dundundu mulup mti Amobotnaŋgat betnanen indem indem mmebun. Mti pigok zemebun, “Nin msalen sisipeŋpeŋ palen kapi mametneti bam Kawawaŋmak mama kanzizit gwaen tatagalen zemndendeŋaŋ manup.”

²⁴Kegok mti egelaŋ Pisidia msat sutnatemaset kumalu balaŋ zeme meti Pampilia msalen patan zemti ²⁵Pelga mka msalen Zet Zapat Dolakŋaŋ zemkawaŋ bemti eyetnan toti Atalia mka msalen met patan zewun. ²⁶Egelaŋ Atalia mkaen ke waŋgaen mopmalu idatimti naman Antiok mkaen kobun. Mka ke am nâmkŋipepemak ekŋenaŋ an zut ke tipman baenen Kawawaŋgalen keŋ taolelaŋ egetmak tati idamukulem mme mulup mimiyet dundum idamti zemidedeŋaŋ ke ilak mdelaŋ zemti kobun.

²⁷Âpme animbi nâmkŋipepemak sambe ekŋen ondek indemti Kawawaŋaŋ mukulem mimideme mulup mammetneti kobun keyet zapatnaŋ ma Kawawaŋaŋ am Zuda maŋgeen ku sokbembeŋaŋ ekŋen eyo nâmkŋipepeyet set mâtâtindeye keyet zapatnaŋ mimindamti ²⁸ekŋenmak ke kan teepmaŋ mamamtemun.

Ondedak temaŋ Zelusalem mkaen sokbeye

15 ¹Zudia mkaengatnaŋ am nâmkŋipepeŋaŋ notnaŋaŋ Antiok mkaen meti am nâmkŋipepeŋinmak mka ke mambien ekŋengat pigok zemzikat indam mti zewien, “In Mosesiyaŋ zet zeye keyet kataŋ sekŋin butnaŋ ku antiwep beme in mama katikŋan ku mebeŋ.” ²Kegok zeme Pâlmak Banabasiyaŋ zet ke nâmti ekŋengat nâme bekaŋaŋ penaŋ beme zelin windeŋaŋ mtopemti zet mmot mtot kan teepmaŋ tapmme

am nâmkijpepemak Antiok mkaengatnaŋaŋ indikti zewien, “In kapi mme nin ekmann ŋep ku bein keyepmti Pâlmak Banabasimak am nâmkijpepemak notnaŋin Zelusalem mkaen meti ombemindendeŋaŋ ma an ŋeŋaŋ notnaŋ ekŋenmagen zet kapi mmepme ekŋenaŋ zemusuwebep.”

³Kegok zemti dâpmealange ekŋenaŋ zemgwatnaŋ mimindemti zemindeme meti Pinisia ma Samalia msat sutnatemaset mepmambe am nâmkijpepemak indaikti pigok diindom diindom mebien. Am sambe ekŋenaŋ nâmkijpepemak bemti ninmak tatusuip. Kegok diindome ekŋenaŋ nâmti oloŋen temaŋ mbien. ⁴Zemambe zemambe piyaŋ mane mane Zelusalem mkaen mot pataŋ zeme Zet Zapat Dolakŋaŋgalen an ŋeŋaŋ ma ombemindendeŋaŋ ma am nâmkijpepeŋinmak ekŋenaŋ indâpmukum indeme motati ekŋenaŋ Kawawaŋaŋ winde indamti indamukulem mimindeme mulup mbien keyet zet zapatnaŋ mimindawien. ⁵Zet zapat sambe mimindame delaŋ zeme Palisi ekŋengalen mangaengatnaŋ an nâmkijpepeŋaŋ notnaŋaŋ wati zewien, “Am Zuda maŋgeen ku sokbembeŋaŋ yaŋ nâmkijpepemak bewien. Am maŋge ekŋen ke zeme sekŋin butnaŋ antim pemti Mosesiyelen zii zet ke zemâtâtindame weyaŋ nâmti gawepume delaŋ zewe.”

⁶Âpme ombemindendeŋaŋ ma dâpmealangeŋine notnaŋ ekŋenaŋ zet ke zemusuwewegat ilinak ondek tati ⁷zet zepeme mebe kokot tapm metnepeme Pitayaŋ watati zeye, “Notnne, am Zuda maŋgeengatnaŋ ku sokbembeŋaŋ ekŋenmagen Zet Zapat Dolakŋaŋ yaŋbem zenze ke Kawawaŋaŋ eweŋan ingat tunguwinangatnaŋ neŋ naombem neme neŋ meti ekŋenmagen mulup mma ekŋenaŋ nâmti Zisas nâmkijpewien keyet yaŋaŋ e ilin nâip. ⁸Âpme Kawawaŋ am keŋinan eek tojaŋaŋ Zuda am ningat eyak mti Emetak Teŋaŋ ndaye. Kegogak egaŋ am Zuda maŋgeen ku sokbembeŋaŋ ekŋengat eyak mti Emetak Teŋaŋ kegogak indaye. ⁹Wa egaŋ ekŋenmagen mulup naman sepemaŋ igak ku mge. Ninmagen mge sepem kegogak ekŋenaŋ nâmkijpepe aikme keŋin mme kwetetepmaŋ beye. ¹⁰Keyepmti in kwilekiyet Kawawaŋ tazemusuwat peip? In am nâmkijpepemak ekŋen kwitnaŋ kwitnaŋ nukŋaŋ keyaŋ biminanen andom indendeyet zetnaŋ sambe ku mit. Itnaŋaŋ yeŋsokŋne tipman baen mamkwabien ma alak nin pi manup nin zii zet ke timanuwaŋgut zet ke ku maŋgawepumann delaŋ penaŋ zein. ¹¹Keyepmti nin kapigok nâmkijpenup Amobotnaŋ Zisasiyelen keŋ taoletnaŋgapmti Kawawaŋaŋ nin ma ekŋen nsakwep yomengatnaŋ gilik zem manndatin.”

¹²Âpme am sambe ondedagen tabien ekŋengat Pâlmak Banabasiyaŋ am Zuda maŋgeen ku sokbembeŋaŋ ekŋenmagen mulup mmalu Kawawaŋaŋ menok sepem igak igak ekŋengat palen mge keyet zet zapatnaŋ mimindame am ekŋen keyaŋ buzak penaŋ diliŋ zem tati tatnâmbien. ¹³Âpme egelaŋ zet ke zemeti zemdelaŋ zemalu Zemsiyaŋ wati zeye, “Notnne, neŋ pigok zema nâit, ¹⁴Kawawaŋaŋ ŋeŋaŋ yaŋbemti

am Zuda mangeen ku sokbembenaŋ notnaŋ ekŋenmagen meti ikŋaŋgat zet zapatnaŋ diindondoyet set weyaŋge keyet zapatnaŋ ilak Saimon Pitayaŋ zeme nâyo ke. ¹⁵Âpme golaŋ zenze an ekŋengalen papiaen meluwaŋ mimiŋaŋ keyaŋ Pitayaŋ zet zep kemak sepem kwep belup. Zet meluwaŋ kapigok mimiŋaŋaŋ tazin,

¹⁶ ‘Amobotnaŋaŋ pigok zeye: Bam neŋ gilik zemkoti Dewitgalen mka etumtoge ewan naman ewe mwat onzempewap.

¹⁷Kegok mma am Zuda mangeen ku sokbembenaŋ animbi sambe ekŋenaŋ wati Amobotnaŋgat timapmat mulup temaŋ mbep. Am ekŋen ke nenn eweŋan nanagat zapat ombem indewan. ¹⁸Amobotnaŋaŋ ikŋaŋ zet keboŋ tipman baen zeye.’

(Amos 9:11-12; Zelemaia 12:15; Aizaya 45:21)

¹⁹Keyepm neŋ kapigok nâyp: Am Zuda mangeen ku sokbembenaŋ notnaŋ ekŋenaŋ keŋ gilik zenze aikti Kawawaŋ nâmkŋipemti ekmagen mepme nin mulup temaŋ ŋen ewe dukŋinan bemindaman ŋep penaŋ ku bewe. ²⁰Nin belak nopiom egat meu bembenaŋ ke ninipiŋ mimiyet ma imbimak set kileŋ ku mamayet ma songom tegan timtapme sipmaŋ keŋanak tatatnaŋ ke ma sip mee ku niniyet zemkululu meluwaŋgut bemann mepme ekbep. ²¹Tipman penaŋ baen yaŋbemti alak pi mamkwatnuwen msat kataŋ sesewat mka tapmezinen kataŋ Sabat tagoŋgo kanen Mosesiyelen zii zet ke maiŋ indamti Kawawaŋgalen zet eyo manzemkawaŋ bemindamkwaliŋ.”

Meluwaŋ kumti Antiok mkaen beme mege

²²Âpme ombemindendenaŋ ma dapmelange ŋenaŋ bembe an notnaŋ ekŋenmak dapmelange sambe ilinsakwep zenâmti an damuŋ zut idaikti Pâlmak Banabasimak ideme mebegalen nâmti an zut idaikbien. An ŋen kwitnaŋ Zuda ma an ikŋaŋ keyegak kwitnaŋ ŋen Balsabas ma an ŋen Sailas eget ke ombemideme an zutmak ilinsakwep Antiok mkaen zemindeme mesât mme ²³meluwaŋ ŋen kapigok kumti indawien,

“Nin noline ombemindendenaŋ ma Zet Zapat Dolakŋaŋgalen an ŋenaŋ bembe ma am nâmkŋipemmak mange pien maip nin nsakwep tati am Zuda mangeen ku sokbembenaŋ nâmkŋipemmak notnne Antiok mkaen ma Silia ma Silisia msalen maip ingat zemsesewatindemti meluwaŋ kapi kumbemann kozin. ²⁴Nin ku nâmann an notnaŋ piengatnaŋaŋ koti zet diindomti keŋin mme yungum temege. ²⁵Keyepmti nin nnak pien ondekti keyet zetnaŋ zenâmti keŋ kwep bemti an damuŋ zut idaikti idemann Pâlmak Banabasimak ilinsakwep kolip. ²⁶An zut Pâlmak Banabasimak kolup egelaŋ Amobotnaŋ Zisas Kilais egat zet zapatnaŋgapm mamaŋit ketalasiwun. ²⁷Âpme an zut Zudasmak Sailas zemidemann kolup egelaŋ eyo tusumti zet zapat dembusek

dolakŋaŋ mimindame weyaŋ nâmbep. ²⁸Emetak Teŋaŋ nin ingat palen nukŋaŋ sambe penaŋ bembeyelen ku nâmti keyepm belaknik pigok gulak bemindesâgât zemnâmti zemtâmpenn: ²⁹In nopiomgalen sâpe sâpe ma songom belak bimanen tegaŋ mzame gakikiŋaŋ ma sip ma imbimak set kileŋ ku mambeŋ beme mama keyaŋ dolakŋaŋ bewe.”

³⁰Zet keŋok kumti indame mti Antiok mkaen met patan zemti am nâmkĩŋpepemak sambe ondek indemti papia ke indawien. ³¹Zemgwaŋnaŋ mimi papia ke indame maiŋ ekti keŋin oloŋen temaŋ beye. ³²Âpme Zudamak Sailas egelaŋ ilit Kawawaŋmagen zet mti zenze an mamtemun keyepmti egelaŋ tusumti zemgwaŋnaŋ zet sambe zemti nâmkĩŋpepeŋin mkatikŋaŋ bem indewien. ³³Ekŋenaŋ Antiok mkaen ke kan teepmanik maneti Zudamak Sailasiyaŋ naman gilik zem ewe Zelusalem mkaen mesât mmalu am nâmkĩŋpepemak ekŋenaŋ Kawawaŋaŋ selen idadamuŋ mimideme mebegat nâmti dundumti mukum ideme mesât mineti naman Sailasiyaŋ asekti tapme Zudayaŋ igak etaŋ mege. ³⁴⁻³⁵Âpme Sailasmak Pâl ma Banabas ekŋenaŋ ilinak ewe Antiok mkaen tati am sambe ekŋenmagen mulup mti Amobotnaŋgalen Zet Zapat Dolakŋaŋ zemkawaŋ tabeme am nâmkĩŋpepemak notnaŋ ekŋenaŋ indapmukulem mti mulup mbien.

Pâlmak Banabasiyaŋ kalaŋti mekobun

³⁶Kasup sambenik ke maneti Pâlaŋ Banabasiyet zeye, “Nit mka ŋande temaŋ kataŋ am sambe Zet Zapat Dolakŋaŋ diindomalulu nâmkĩŋpepemak bewien. Notnaŋ ekŋen ŋep tapmaip manze ewe tokwat indawiliŋgimpemalu mebe.” ³⁷⁻³⁸Kok zeme nâmti Banabasiyaŋ Zân Mak ek tetimti ilinsakwep mebegat zeme Pâlaŋ zeye, “Eweŋaŋ Zân Mak egaŋ nitmak mulup mmetneti belak tuŋgupman Pampilia mkaen metati gilik zemkolep keyepmti ek ŋen ewe ku wapmeselup.” ³⁹Egelaŋ ilidak Zân Makgapmti zet mmot mtot mti kalaŋti Banabasiyaŋ Zân Mak aikme met waŋga mti Saipalas msat ŋetakŋaŋ mebun. ⁴⁰Âpme Pâlaŋ Sailas wapme mesât mmalu am nâmkĩŋpepemak ekŋenaŋ Kawawaŋgalen taolelaŋ egetmak tatagalen dundum idemti ideme mebun. ⁴¹Met Silia ma Silisia msat tuŋgupman kumalu etume meti am nâmkĩŋpepeŋinmak ekŋen zemgwaŋnaŋ mimindem mimindem keyaŋ mebun.

Timotiyaŋ Pâlmak Sailasmak mege

16 ¹Pâlmak Sailas egelaŋ meti Delebe ma Listala mkaen met patan zemti mka keyet keŋanen an nâmkĩŋpepeŋaŋmak ŋen mamtan. Kwitnaŋ Timoti nempa ke Zuda imbi nâmkĩŋpepeŋaŋmak ŋeniyet nemuŋaŋ nempa keyet bipmangut Glik msalengatnaŋ. ²Lisitalamak Aikoniam am nâmkĩŋpepeŋinmagaŋ koti Timotiyaŋ mama mimi

dolakŋaŋ mammtan keyet yaŋaŋ Pâl zemâtâtsawien. ³Âpme Pâlaŋ Timoti melengeŋaŋ wati matokwakwagat dunduye. Âpme msat keyet Zuda am mambien ekŋenaŋ Timoti bipmaŋ Glik msalengatnaŋ ke nâmâtâtpewiengapmti Pâlaŋ Mosesiyelen zii zet tazin keyet kataŋ Timoti sekŋaŋ butnaŋ antimpemtingut wapmebun. ⁴Mka kataŋ meti Zelusalem mkaen daen am nâmkiŋpepeŋinmak ma ombemindendeŋaŋ ŋeŋaŋ notnaŋ ondekti mama mimi kapi mimiyet zemâtâtât zet ke animbi nâmkiŋpepemak ekŋen diindom diindom piyaŋ mebun. ⁵Kegok mme an ekŋen nâmkiŋpepeŋinmak gwatnaŋ mimindeme nâmkiŋpepeŋin katikŋaŋ penaŋ beye. Âpme am mange notnaŋaŋ mama mimi dolakŋaŋ ke egomti kan kataŋ nâmkiŋpepeen tatusum metnepeme am omba penaŋ beye.

Pâlaŋ Masedonia an ŋen kie kienok ege

⁶Ekŋenaŋ Piligia ma Galesia msat tuŋgupman mulup tapmepme Emetak Teŋaŋ Esia msaleset Zet Zapat Dolakŋaŋ am ku diindondoyet zem bekekindeme ⁷ekŋenaŋ Misia msalen met tati keyetnan Bitinia msalen mesât mbienangut Zisasiyelen Emetak Teŋaŋ kegogak zemkulumindeye. ⁸Keyepmti ekŋenaŋ Misia sebempemti Toloas mkaen towebien. ⁹Âpme tambuyet Pâlaŋ kie kienok tati ekme an ŋenaŋ Masedonia msaleset daen tati Pâlgat bepelep pelep mti kwizet kumti zeye, “Geŋ pien kwati nin ndamukulem minnde.” ¹⁰Pâlaŋ kegok ekti wat zeme nin pigok nâmbenn. Kawawaŋaŋ ikŋaŋ Zet Zapat Dolakŋaŋ am ekŋen kaindamagen zenzeyet ndakumtetin kegok zemti wat milawatn mebegalen sakwep weyaŋ bewenn.

Lidiayaŋ nâmkiŋpepemak beye

¹¹Âpme nin Toloas mkaen ke waŋga mti Samoteles mkaen ke met patan zewenn yanaman keyetnan mane mane Niapolis mkaen ke kwati waŋga pemann tapme naman ¹²seleset meti Pilipai mkaen patan zewenn. Ke Masedonia msat temaŋ keyelen mka temaŋ ŋen beke Loma gapman ŋeŋaŋ egaŋ mka ŋotekŋaŋ ke tati am maindadamuŋ mtan. ¹³Mka ke meti manepemann Sabat tagoŋgo kanen beme mka ganzenan tu matatanen ke kapigok zemti towebenn. Zuda am ekŋenaŋ dundundu mulup tu ganzenan tati mamambiekgaŋ toti ekne. Zemti met indikme imbiyaŋ ilinak ondek tapme indikti ekŋenmak ke metotati Zet Zapat Dolakŋaŋ diindowien. ¹⁴Âpme imbi ekŋen keyet tuŋguwinangatnaŋ imbi ŋen kwitnaŋ Lidia ek Tiatila mkaengatnaŋ mulupmaŋ saŋgum ŋamaŋ dolakŋaŋ penaŋ pi selim timti ammagen timepme makwitimtemien. Imbi keyaŋ Kawawaŋat masesewatsamtan keyepmti Amobotnaŋ Zisasiyaŋ keŋan mme eleŋ beleŋ beme Pâlaŋ zet tazeme ŋandemti zikatnanak taekmange. ¹⁵Yaŋ ondedak ke delaŋ zeme imbi keyaŋ tu zulutindendeyet

zeme Pâlmak notnaneyan imbi ke ma egalen mkaen am matatemien ekjen ilinsakwep tu zulutindeme imbi keyan zeye, “In nâme nen penan Amobotnangtat penan nâmkinjpeyap bein beme in nâlen mkaen pien kwapme nsakwep wesenuwangut sajenen indema mebeb.” Zeme moti ekmak ke wembien.

Pilipai mkaen Pâlmak Sailas mka katikjan idewien

¹⁶ Kan njeniyet Pâlmak Sailasiyan dundundu mulup msâgât ondedak mundumen mesât metnepemalu sisiliŋ mulup imbi nempa nenan selen ke kot idaige. Imbi nempa ke we bekananjan kejan tapme egaŋ zet enzililiŋan notnan manzemsokbemtān. Mti zet kwileki njeniyet we bekanan ke yanŋwesime egaŋ penan esemtanjan manŋilik zemsamtan keyepmti animbi nempa ke damuŋ mamimtemien ekjenan mânep milawat teman penan matimtemien. ¹⁷Imbi nempa keyan Pâlmak nin selen ndapmât meti kwizet ŋakŋak mti kapigok tazemaŋge, “An in kapiyan Kawawaŋ Amobotnan teman egalen mulup mti am yomengatanan gilik zemti indatitijet zetnan manzemâtâtindaip.” ¹⁸ Zet kwizet ŋakŋak sepem kegogak kan katan mamimkwatnepeme Pâlan sekjan kanjanjan beme gilik zem we bekanangtat pigok dunduye, “Nen Zisas Kilaisiyet kwitnanen zema we bekanan gen imbi nempa kejanngatanan kwati met!” Zeme keyegak we bekananjan kwati kunzuŋ mege. ¹⁹ Âpme imbi nempa ke damuŋ mti mânep milawat titijet webem mamtemien piwan setnan yek beme ekti imbi nempa damuŋ mamtemien ekjenan meti Pâlmak Banabas idatamti mka tungupmaset idamandamti met amobotnan egalen ondedagen meti ²⁰ zemdelan zenze angat kandanjan moti zewien, “An zut kapi Zuda an yan egelaŋ ningalen mka teman kapi koti mulup notnan mwati mmalu set ke ekmann bekanan tabem temezin. ²¹ Ekjenan koti Zuda ilinangalen mama mimi ke Loma am nin ku mimiyelen ke tazikat ndaip.” ²² Âpme am maŋge teman tabienan nenzinziŋ teman penan nâmidemti met idatamti amobotnan ekjenmagen idatimepme ekjenan egegat kâlâwit mendelet yalom idemti zeme sindiwan ²³ omba penan idome segit duluŋ diliŋ peme idatimti met mka katikjanjan idemti mka katikjanngalen an damuŋ ekjenan an zut ke weyan idadamuŋ katikjanjan mtatagat zemindewien. ²⁴ An damuŋan zet kegok zeme nâmti egaŋ idatimti met mka kejan sutnateman penan ke idemti tep an selemti selit ilizuzut kejan peme topme kemak limbenjan bemti bem zam idemewembun.

²⁵ Yan tambusutnan penan Pâlmak Banabasiyan Kawawaŋtat silik dundundu mti tazemesesewatpemambun. Âpme am mka katikjan indendenjan ekjenan kwisagit ke tatnâmbien. ²⁶ Mme keyegak mâkinan teman penan mme mka katikjanngatat tepumanjan bee mme titokjanmak etaŋ bemâpme setokwakwat sambe bee ilin belak ŋande mâpme delaŋ zeme am selin belinan tek katikjanjanjan zam indeme

mawemtemien e ikñaŋ belak kwalet topmâpme delaŋ zeye. ²⁷Âpme mka katikñaŋgalen damuŋ egaŋ mulugengatnan wati meekme set sambe bee ŋandepēŋ ŋandepēŋ weme ekti endilipeye. Mti wa am mka katikñaŋ kek indendeŋaŋ pi ilak kunzuŋ mâlo zemti ikñaŋgat gemboraŋ ŋilikñaŋ pitakñaŋen yuŋmamange e mandapeme kwapme sekñaŋ ikñaŋ osâgât mme ²⁸Pâlaŋ ekti ŋakŋak penañ mti zeye, “Ai, geŋ sekdi giti walelepiŋ. Nin sambe pi ewe ilindiŋ esemteŋ tatnup.”

²⁹Zeme nâmti egaŋ am ekŋengat zeme taŋam mkot same mka keŋan sebelañ dindiŋ mpeŋ moti Pâlmak Sailasiyaŋ tabunen met kandaŋidan tot pedondom idaye. ³⁰Mti tambu sutnan keyegak mka keŋangatnan idatim beŋgumen toti idatimti mkaŋan mege. Motati an zutgat idayaŋkwesiye, “Amobotnaŋne, neŋ zigok penañ mti mama kanzizitgat zapat bewap?”

³¹Âpme egeľaŋ zewun, “Geŋ ma imbi nemandine in Amobotnaŋ Zisas Kilasiyet nâmkĩnpemtiŋgut mama kanzizitgat zapat bemâbep.” ³²⁻³⁴Kegok zemalu nâmti mka katikñaŋgalen damuŋ egaŋ an zut sindiwaŋ idome segit buyuk beyak bemti liŋgit bemberañ ke zuluti kwasim ideme tati egeľaŋ ek ma maŋgeŋane Kawawaŋgalen Zet Zapat Dolakñaŋ diindomti tu zulutindeme ekŋenaŋ indatimti mkaŋinan moti tu meu nini mundumen ke ideme totapmalu zeme meu bumti idame nimalu naman idatimti kot mka katikñaŋak ideye. Âpme an mka katikñaŋ damuŋ ma maŋgeŋane ekŋenaŋ Zisasiet nâmkĩnpemti Kawawaŋgat zapat bewien keyepmti segeyak mti oloŋen mbien.

³⁵Msat msame tambuŋan an zemdelañ zenze an ekŋenaŋ an tipdakutum notnaŋ zemindeme koti mka katikñaŋgalen damuŋgat zewien, “Geŋ an zut kapi belak kwalet idemane melit!”

³⁶Zeme mka katikñaŋgalen damuŋ keyaŋ koti Pâlŋat zeye, “Zemdelañ zenze an ekŋenaŋ neŋ it belak idema mebegat zeme kolep. Keyepmti neŋ idema met keŋ sewakñaŋ palen mambalup.”

³⁷Zeme Pâlaŋ am zet mti mebien ekŋengat pigok diindoye, “Nit Loma mka mtoŋ penañ yaŋgut in nigat zet esemteŋ zemti yom ŋen aiikpiŋ kegogaŋgut belak kileŋ am zikalinan onzemndemti sindiwaŋ sekŋ bekan kume etim temepme mka katikñaŋ met ndeyo. Yanaman pi in buzak enziliŋti zemndeme mebegat tazeip? Nit ku meselup, yek penañ. Mka kapiyelen Loma an ŋeŋaŋ ilin kotingut ndatimti tot zupman baenen ndeme meselup.”

³⁸Kegok zemalu an tipdakutum ekŋenaŋ nâmti met zemdelañ zenze an ekŋengat zapat ke diindome nâmti endilipemti kiŋgati ³⁹ekŋenaŋ ilin wati mka katikñaŋ meti kemberŋ zet diindomti belak zemindeme mka katikñaŋ ke katipemti zupman toindemti mka belakñaŋ ŋen mebegat zemidewien. ⁴⁰Âpme egeľaŋ toti met Lidiayelen mkaen meti am nâmkĩnpemmak ke indikti zemgwatnaŋ zet diindomti naman msat ŋenŋan mebun.

Pâlmak Sailasiyaŋ Tesalonaika mkaen mebun

17 ¹Âpme Pâlmak Sailas egelaŋ Ampipolis ma Apolonia msat tungupman nesetgatnan met Tesalonaika mkaen patan zewun. Mka eyet keŋan Zuda am ekŋengalen sesewat mka ŋen matatan. ²Pâlaŋ msat notnanen mamimkwatan kegogak sesewat mka ke moti Sabat tagoŋgo kan kasup tuk pi ewe ekŋenmak ke tati Kawawaŋgalen Zet Zapat Dolakŋaŋ ke maiŋti ³yaŋaŋ diindom metneti Zisas Kilais sindem temaŋ timti gakimti wawagat golaŋ zenze an ekŋenaŋ itnaŋaŋ meluwaŋ mbien ke zemkawaŋ bemindamti Zisas ek Kilais penanaŋ gakimti wage. ⁴Kegok zeme Zuda am notnaŋ ma Glik am sambe Kawawaŋ sesewatsamti mamamtemien ma imbi sambe kwizet buŋamin temaŋ ekŋenaŋ zet keyet nâme penaŋ beme Pâlmak Sailas egetmak am sambe penanaŋ kot tusumâbien.

⁵Keyepmti Zuda am notnaŋ ekŋenaŋ nâmbekambemindemti met an bekopsat ma am keŋin katikŋaŋ notnaŋ indatimti ŋakŋak temaŋ mti mka temaŋ keyet keŋan tokwapme am sambe penanaŋ ekŋenmak kot tusumti Zesongalen mkaen ke an zut kot idatimti met an damuŋ ekŋengat belinan idendeyet nâmti kopmâbien. ⁶Koti ekbien aŋ yek beme dopmaŋ Zeson ma am nâmkŋipepeŋinmak notnaŋ indapmandamtimti mka damuŋ ekŋenmagen indatim meti kwizet ŋagak kapigok mmebien, “Msat kataŋ set yungu yungu masokbem mezin. Piwan alak ninmagen sokbeme ⁷Zesonaŋ am ekŋen ke indatimbumuluŋti timbewep. An zut ekmak kot welut keyaŋ Loma amobotnaŋ ewe tapme egat kwizet buŋamaŋ mtopemti naman Amobotnaŋ alakŋaŋ Zisas egat kwizet buŋamaŋ tazempalakŋaŋ tabemelup.” ⁸Zet kegok zeme nâmti mka mtoŋ sambe ma an damuŋ ekŋenaŋ nâmti weŋin mege. ⁹Âpme an damuŋ ekŋenaŋ Zeson ma amŋane notnaŋ ekŋen zet kaŋkaŋ miindame mânep etaŋ beme nâmindeme toti mebien.

Pâlmak Sailasiyaŋ Belea mkaen mulup mbun

¹⁰Âpme tambu keyegak penaŋ am nâmkŋipepemak ekŋenaŋ Pâlmak Sailas ideme tambuyet toti metne metne Belea mkaen met patan zemalu msat ke msaye. Âpme Zuda am ekŋengalen sesewat mkaen amnaŋ tapmowepme indikti setugit melesiŋ keyegak mowebun. ¹¹Msat ke am mambien ekŋen keŋin sewakŋaŋ wa am Tesalonaika msalen maip ekŋen keboŋ yek keyepmti ekŋenaŋ Zet Zapat Dolakŋaŋ eleŋ beleŋ bemti nâmbien. Mti Pâlgalen zet ke penaŋ ma dâsuki zemti kasup kataŋ Kawawaŋgalen Zet Zapat Dolakŋaŋ itnaŋanen maiŋti yaŋaŋ mguluk gilik zemti zenâ zenâ mbien. ¹²Kegok mti Zuda animbi sambe ma Glik an sambe ma Glik imbi kwizet buŋamin temaŋ notnaŋ ilinsakwep nâmkŋipepe aikbien. ^{13,14}Pâlaŋ Belea mkaen meti am

Zet Zapat Dolakŋaŋ zemkawaŋ bemindaye keyet zapatnaŋaŋ elelaŋ Zuda am notnaŋ Tesalonaika mkaen mamtemien ekŋenmagen mepme nâmti ekŋenaŋ Belea mkaen koti tokwati animbi sambe ondek indemti Pâlmak Sailas mtot indendeyet zet kelakŋaŋ mimindeme am keŋin yuŋgum temege. Âpme am nâmkŋepemak ekŋenaŋ Sailasmak Timoti idaŋgalaŋme Belea mkaen ke tapmalu notnaŋaŋ Pâl wati nembu ganzenan baen toti ilinsakwep waŋga mti ¹⁵Aten mkaen mepemti kosât mme Pâlaŋ zet kapigok Sailasmak Timotiyet zemindeme kobien, “In met an zut eget zemideme sakwep penaŋ neŋmagen kobalup.”

Pâlaŋ Zet Zapat Dolakŋaŋ Aten mkaen zemkawaŋ beye

¹⁶Pâlaŋ Aten mkaen ke an zutgat damuŋ tati mka keyet keŋan kawawaŋaŋ dâsuki sambe penaŋ timamti pedondom indamti mame indikti keŋan bekaŋaŋ penaŋ beye. ¹⁷Keyepmti egaŋ kasup kataŋ sesewat mkaen meti Zuda am ma am Zuda mangeen ku sokbembeŋaŋaŋ Kawawaŋgat masesewatsamtemien ekŋenmak zet zenâ zenâ mpemti naman asek toti ekme amnaŋ tambaŋgumen ondek tapme indikti met ekŋenmak Zet Zapat Dolakŋaŋ zenâ zenâ mammetan. ¹⁸Âpme Epikulian ma Sitoik am nânâŋin temaŋ notnaŋ ekŋenaŋ Pâlmagen koti zet yaŋaŋgat zenguluk gilik mmekti notnaŋ ekŋenaŋ ilinak Pâlgaŋ pigok zewien, “An nânâŋapiŋ penaŋ kapiyaŋ nânâ penaŋ ziboŋ penaŋ zikat ndasât belak kot sek mmobot zet tazein.”

Âpme am notnaŋaŋ zewien, “Egaŋ msat notnanen kawawaŋ dâsuki matazin keyet yaŋaŋ kotadinndoin.” Âpme Pâlaŋ Zisasiyelen Zet Zapat Dolakŋaŋ Penaŋ zemeti gakikiengatnan wage keyet zapatnaŋ diindoye keyepmti ekŋenaŋ kegok zemti ¹⁹ondedak mundum temaŋ Aliopagas ke wapmoti am sutnan onzempeme tapme pigok yaŋkwesiwien, “Geŋ animbi sambe zet mamanan aŋaŋ penaŋ tadiindomedik ke weyaŋ zemâtâtndamane nâne. ²⁰Nin gâlen zedi ke eknâman mamanan aŋaŋ penaŋ tabein keyepmti geŋ ewe keyet yaŋaŋ weyaŋti penaŋ zemâtâtndamane nâne.” ²¹(Aten mka mtoŋ ma amkup ekŋenaŋ zet mamanan aŋaŋ ŋen sokbeme ke nâmti naman ekŋenaŋ zet ke eleŋ beleŋ bemti manzempalakŋaŋ mambemetemien.)

²²Âpme Pâlaŋ Aliopagas ondedagen am zikalinan wati mot tati zeye, “Aten animbi sambe, neŋ kapi kopmamti yaŋaŋin pigok taeksokbeyap. In kawawaŋin sambe ekŋengat nâme mobotnaŋ beme masesewatindamelip. ²³Neŋ ingalen sesewat mka sambe mekoti ekma nopiom sambe mti yaloloŋaŋ weme maindikmelap. Mti sâpe sâpe bumbu mundumen moweti ekma meluwaŋ ŋen kapigok mimiŋaŋ tapme maiŋa, ‘Kapi Kawawaŋ ŋen nin ku nânup egalen.’ In Kawawaŋ keyet yaŋaŋ ku nâmti belak etaŋ masesewatsaip. Keyet zet zapatnaŋaŋ alak kapi diindoma nâit. ²⁴Kawawaŋ keyaŋ msat kululuŋ ma kwitnaŋ

kwitnaŋ sambe bekapi mge. Egaŋ msat kululuŋ kapiyet toŋaŋ. Egaŋ amnaŋ sesewat mka walalatnaŋ keyet keŋan ku matazin. ²⁵Ma egaŋ mulup kwileki ŋen msât olapme an ŋenaŋ kwitnaŋ kwitnaŋ timeti mukulem mti ku mampein. Egaŋ ikaŋaŋ am sambe nin mama ma Emetak Teŋaŋ ma kwitnaŋ kwitnaŋ sambe pi maketalasim ndain. ²⁶Egaŋ an kwewetaŋ mme sokbeme ekmagesetgatnan am sek sepem igak igak pi sokbemti msat sambe palakŋaŋ bemti mekobenn. Âpme eweŋan egaŋ am mambep ke nâmtati msat kalaŋ kumti ikaŋaŋgat ikaŋaŋgat ndamti msat ke kan zigok mambanup ke eweŋanak nâmtâtpeye keyet kataŋ mamambanup. ²⁷Kawawaŋaŋ am nin ek timapmetnetingut aiikgat zeye keyepmti nin egat timatmat mulup mbanup beme ŋep aikbanup. Wa ek beŋan ku mamain ninmak sokŋan kapi mamain. ²⁸Zeme an nânâŋaŋ temaŋ ŋenaŋ wati puk zeye, ‘Nin egalen zetnaŋ keyet kandaŋaŋ etaŋ mamti kwitnaŋ kwitnaŋ mti mambanup.’ Âpme inmagengatnaŋ an nânâŋin temaŋ notnaŋ ekŋenaŋ kegogak egat puk manzeip, ‘Nin egat nemunambaŋane nin mama ekmageset matinup ma egalen windeen mamanup ma egaŋ ndadamuŋ mme matatnup.’ ²⁹Nin Kawawaŋgat nemunambaŋane manuwan Kawawaŋgat nâmann nanaŋ ma gol ma silva amnaŋ nâmtâtâti belâŋ weyaŋpepeŋaŋ Kawawaŋ sepem keboŋ ke ku nâmpewanup. ³⁰Kawawaŋaŋ am tipman baen mamkwabien ekŋen ikaŋaŋgat yaŋaŋ daŋan ku nâmbiengapmti myuŋguŋgu sambe mkwabien ekŋen ke zet mulup omba penaŋ ku indaye mama keyelen kanaŋ delaŋ zeye. Âpme alak pi msat kataŋ am sambe yomengatnaŋ keŋin gilik zemti mama mimi bekaŋaŋ ke peme tapme ikaŋaŋmagen kot tususuyet tazein. ³¹Egaŋ kan ŋen beyeyaŋ tazin kan ke sokŋan beweyen am msat sambe mama mimiŋinangat yaŋaŋ msokbemti keyet kataŋ tosaŋaŋ indamobe. Mulup ke mimiyeleŋ an ŋen aikpeye an ke msalen am sambeyaŋ ek nâmtâtpepeyet nâmti Kawawaŋaŋ gakikiengatnan mme wageyaŋ mamain.”

³²Pâlaŋ zet kegok diindome am notnaŋaŋ zet ke nâmti yeŋbien. Âpme notnaŋaŋ zewien, “Kan ŋengat ewe koti zapat zenik kapiyegak dinndomane nâmbanup.” ³³Âpme Pâlaŋ zetnaŋ tazemaŋgeen elak peme tage. ³⁴Âpme am notnaŋaŋ zet ke nâmti Zisas Kilaismak tusumti nâmkipepe aikbien ekŋengat tuŋguwinangatnaŋ an ŋen kwitnaŋ Dionisias ek Kansol ekŋengalen mulup an ŋen. Ek ma imbi ŋen Damalis ma am notnaŋ sambe tusumâbien.

Pâlaŋ Kolin mkaen mulup met mge

18 ¹Egaŋ mulup ke mdelaŋ zemti Aten mka katipemti Kolin mkaen mege. ²Mka ke Zuda an ŋen kwitnaŋ Akwila zeme ke aige. Ek Pontas mkaengatnan yaŋ met Itali msalen manepeme msat keyelen amobotnaŋ temaŋ Kolodias Loma mka teman matatan egaŋ Zuda am

Itali msalen maip ekñenaj msat ke pemti mebe kokogat zeye keyepmti Akwilamak imbiñaj Pilisila ekñenaj Itali msat pemti Kolin mkaen ke alaknik koti mamtemun. ³Animbi zut keyaj muluwit mka walalatgalen sangum katikñaj selimti mamtemun âpme Pâlanj mulupmanj sepemanj kwep keboñak mamimtan keyepmti eganj animbi zut ke idikti egetmak ke tati mânep mulupmanj mka walalatgalen sangum katikñaj ke selim beme amnanj kwititiyet nâmti mamtan. ⁴Mulupmanj ke mmambe tati Sabat tagonjo kan katañ Zuda am ekñengalen sesewat mkaen motati Zet Zapat Dolakñaj keyet yañangtat Zuda am ma Glik ammak zet peme mebe kokot mti eganj nâmkijpepemak bembeyet indapmukulem mamimtan.

⁵Yanj bam Sailasmak Timotiyaj Masedonia msalengatnan gilik zem kopmalungut Pâlanj yañbemti mulup keyegak mti Zuda am ekñengat Zisas Kilais ek Kawawañaj ikñaj ombempemti zempeme toge keyet yañaj zemâtâtindaye. ⁶Yangut am notnanj ekñenaj zetnanj windenaj mtopemti zet mobotnanj msamti zetnanj ku nâmbiengapmti eganj kekok diindoye, “In bam walelet aikbep keyelen yomanj neñmagen ku kobe yek.” Kok zemti kâlâpmanj tetelime kakalakñajanj bululuñ zemtopme zeye, “In kekok mnaipgapmti neñ in indemti am Zuda manjeen ku sokbemberañ ekñenmagen meti mulup mbap.” ⁷Kegok zemti an ñen Titias Zastas egalen mkaen ke meti mawemtan. Âpme an keyaj Kawawañgat sesewatsamti mamtan egalen mkanaj Zuda ekñengalen sesewat mka keyet sokñanik matatan. ⁸Âpme Zuda am ekñengalen sesewat mka keyet damuñ temanj egat kwitnanj Kilispas ek ma egalen sip butnañanen ma am notnanj sambe ekñenaj Pâlgalen zetnanj nâmti Amobotnanj Zisasijet nâmkijpeme Pâlanj tu zulutindaye.

⁹Âpme tambu ñenijet Amobotnañaj Pâl kie kienok sokbemsamti pigok dunduye, “Geñ nâgât zapatn ammagen zenzeyet kiñgati dembusekdi aňgalalanpiñ nâmtalati zemkawañ bewanik. ¹⁰Neñ geñmak tapma an ñenaj wati ku gawalabe mka temanj kapiyet keñan nâlen animbinne sambe penaj talip.” ¹¹Kegok zempeme Pâlanj mka keyegak mamti am ekñen ke Kawawañgalen Zet Zapat Dolakñaj ewe mandiindom zikat indam mkwatnapeme nup kan kwepmak butnanj ñen mege.

¹²Âpme Galio ek Akaia ekñengalen amobotnanj mmonzempewien kan keyet Zuda am ekñenaj Pâlgat keñin kasa beme ilinak zenâ zenâ mti keñ kwep bemti Pâl Galiomagen wapmeti zewien, ¹³“An kapiyanj zii zet keñan mama mimi tazin ke tapme eganj naman animbi sambe indatimti set sepemanj ñen zikat indame Kawawañgat masesewatsaip.” ¹⁴Kegok zeme Pâlanj zet zesât mmangeyanj Galioyanj Zuda am Pâl wakobien ekñengat zeye, “An kapiyanj yom nukñaj penaj ñen zetnanj neñ mimiyeleñok benak ze neñ inmak sewakñaj totati ñep zewanek. ¹⁵Âk pi in zii zelin tazin keyet zet mmot mtot mti zesâti ilinak etanj baen manzemambep ke nâlen mulup yek.” ¹⁶Kegok zemti indamâpme zupman toti ¹⁷ekñen

sambeyan Zuda sesewat mka keyelen damun atamti Galioyelen mka solonan met kwapem penan kume Galioyan indiktingut ku indidiknan sepem tapme takumambien.

Palan gilik zemti Antiok mkaengatnan Zelusalem mkaen daen mege

¹⁸Palan Kolin mkaen kan sambenik maneti bam namkinpepemak am indamukum indemti Silia msalen mesat mme Pilisilamak apman Akwila egelan ilinsakwep meti Senkilia mkaen patan zemti mka ke Palan mulup nen msat namti egan Kawawangat zemkatik bempemti keyet pilinan joksina an neniyet zeme kwenzipme mepme delan zemampe bam wangaen moti Silia msalen mebien. ¹⁹Keyetnan ewe wangaen moti met Epesa mkaen moti ke kalan mebien. Apme Palan igak Zuda am ekjengalen sesewat mkaen moti ekjenmak Zet Zapat Dolaknan zenan zenan mbien. ²⁰Apme Zuda am ekjenan Palan ekjenmak ewe tusumti mamayet zeme egan zelin kumti zeye, ²¹“Nen manepema Kawawayan namnewe beme ewe bam inmagen kapi gilik zem kobap.” Kegok zemti ekjen mukumindemti wangaen moti Sisalia msalen mesat mege.

²²Wagayan Sisalia msalen mepeme egan meti Zelusalem mkaen moti am namkinpepemak am bet butem indemti eyetnan toti Antiok mkaen meti ²³ke kan belatnik bugar maneti naman msat teman Galesia ma Piligia meti mka isiknan notnanen tokwat meti am namkinpepemak zemgwatnan mimindem mimindem piyan mege.

Apolosiyan Epesa mkaen Zet Zapat Dolaknan zemkawan beye

²⁴Zuda an nen Epesa mkaen ke koti mamtan an keyet kwitnan Apolos Aleksandia mka teman ke sokbemamti teman beme ²⁵am notnan ekjenan Zanan tu zululut mulup mge keyet yan an ma Zisas kobe keyet Kawawangalen Zet Itnananen zet tazin ke eyo zeme namti olojen palen am kopma diindomtan. ²⁶Yan kan neniyet Pilisilamak apman Akwila egelan sesewat mkaen ke motati namalu egan Zet Zapat Dolaknan windenanben bemti am tazematatindame namti egelan wati mkanidan meti Zisas toti gakimti wage keyet zapatnan weyan yanmak zematat samalu nan ge. ²⁷Apme Apoloyan Akaia msalen mesat mme am namkinpepemak Epesa mkaen mambien. Ekjenan Akaia msalen am namkinpepemak mambien ekjengat zet kapigok kumti Apolo iknan same mti mege, “An kozin ke inmagen kopme ekti in notn mpewep.” Meluwanen zet kegok kumti iknan same mti mege. Mane mane Kolin mkaen met patan zemti am Kawawayan ken taoletnangapmti namkinpepemak bewien ekjen Zet Zapat Dolaknangalen mulup penan indapmukulem mti ²⁸am mange teman penan ekjengat zikalinan zetnan windenanben zemti Zuda am ekjenmak zet mmot mtot mti Kawawangalen Zet Itnananen golan zenze an ekjengalen zet tazin ke

mkatikñaṅ bemti zeye, “Zisas ek Kawawañaṅ an yomengatñaṅ gilik zem ndadagalen ombempeye.” Kegok zeme amñaṅ zetñaṅ nâmkîṅpewien.

Pâlaṅ Epesa mkaen mulup mge

19 ¹Apolos egaṅ ewe Kolin mkaenagak tapme Pâlaṅ Esia msat tungupmaset mane mane Epesa mkaen patañ zemti mka ke Kilais nâmkîṅpeperañ am notñaṅ ke indaikti ²indayaṅkwesiye, “In Zet Zapat Dolakñaṅ diindome nâmti tu zulutbien kan keyet Emetak Teṅ tiwien ma yek?”

Zeme ekñaṅañ zewien, “Nin Emetak Teṅ tazin mee keyet zapatñaṅ ku nânap.”

³Kegok zeme naman ewe indayaṅkwesiye, “In kwiyet nâmkîṅpemtî tu zulutbien?”

Zeme ekñaṅañ zewien, “Nin Zânaṅ zet zemkoge ke nâmkîṅpemtî tu zuluben.”

⁴Zeme Pâlaṅ zeye, “Zânaṅ tu e amñaṅ keṅ gilik zenze aikti yomin bam kumpepeyet etaṅ mulupmaṅ ke mti Isael am ekṅengat pigok diindom kwage, ‘In an Zisas bamnan takozin egat nâmkîṅpeit.’ ”

⁵Kegok zeme ekñaṅañ zet ke nâmti Amobotñaṅ Zisasiyet kwitnanen tu zulutindeme ⁶⁻⁷Pâlaṅ betñaṅ ṅokṅinan beme Emetak Teṅañ kululuṅengatnan ekṅenmagen toti keṅin m eleṅ beleṅ beme am 12 mee kogañ zet meluwaṅ igak igak taoselem zem metnepeme Kawawañaṅ zet keṅinan beme katanṅ ikṅangṅat ikṅangṅat zemkawaṅ bewien.

⁸Âpme Pâlaṅ eyonga tuk pi ekṅenmak ke tati kan katanṅ Zuda am ilinaṅgalen sesewat mkaen motati Zet Zapat Dolakñaṅ windenaṅmak manzemâtâtindamtan. Mti Kawawaṅgalen zemâtâtât katnanen mama sokbewe keyet zetñaṅ zemti am notñaṅ ekṅenmak zet mmot mtot mamtemien. ⁹Ma an notñaṅ ekñaṅañ nâmkîṅpepepiṅ belak Zisasiyet Zet Zapatñaṅ Dolakñaṅ bam kumpemtî ondedak temanen Zisas Kilaisiyet zemtalatpewien keyepmtî Pâlaṅ katimindemtî am notñaṅ Zisasiyelen Zet Zapat Dolakñaṅ nâmti tikṅangṅat mbien. Ekṅen ondekindemtî Tilanas nânâ mkaen ke mene mene ondekti ekṅenmak Zet Zapat Dolakñaṅ zenâ zenâ mamtemien. ¹⁰Egaṅ mulup kegok mti Zuda am ma Glik am Esia msalen mambien ekṅengat tunguwinan nup kan zut pi mamti mme ekñaṅañ Amobotñaṅgalen zet zapatñaṅ nâme dulaṅ delaṅ zemâge.

¹¹Kawawañaṅ ikṅañ Pâlmak mamti mukulem mme egaṅ menok temaṅ sambe am ekṅenmagen msokbemkwage. ¹²Am ekñaṅañ ṅetip kapuputñaṅ ma sangum kâlâpmaṅ mee pi timti met am zawatmak ma am we bekañaṅinmak mee pi indame tim ekti zawalin ma we bekañaṅin mee pi kwati mepmâpme naman dolakñaṅ bemâbien.

¹³Âpme Zuda an notñaṅ mka katanṅ tokwati we bekañaṅ notñaṅ am keṅangatnan manzemindeme kwati mamtemien ekñaṅañ naman

mmak mmak Amobotnaŋ Zisasiet kwitnanen kumti we bekanaj am kejan tage ekjengat zewien, “Nin Pâlaŋ an Zisas egat zet zapatnaŋ manzempalakŋaj bein egat kwitnanen ingat zet windeŋaŋbenj pigok zenup: In am keŋangatnan kwati melit!” ¹⁴Âpme Zuda am Epesa mkaen mamtemien ekjengalen sâpe sâpe bumbu an ŋejaŋ Siwa egat nemuŋane 7 kapi mamtemien. Ekŋenaŋ mulup keyegak mamtemien.

¹⁵Ekŋenaŋ an we bekanajaŋmak ŋengalen mkaen meti Zisasiet kwitnaŋ kumti we bekanaj zempeme kwaweweget zeme an we bekanajaŋmak egaŋ kapigok gilik zem zeye, “Neŋ Zisasmak Pâl egegat nâmidewap âpme in kapi kwiyaŋ desetgatnan kolo ke ku nâmindeyap.”

¹⁶Kegok zemti egaŋ wati indom kumti saŋgum kâlâwin kumandeleti indamunzut kume sip balak balak timti talak piyaŋ mkaŋinan kunzun mepmâbien.

¹⁷Âpme keyet zet zapatnaŋ Zuda ma Glik am Epesa mkaen mamtemienaj nâmti omba penaŋ kiŋgati Kilaisiet kwitnaŋ mwati sesewatpewien. ¹⁸⁻¹⁹Mti am sambe nâmkipepe aikti kwitnaŋ kwitnaŋ notnaŋ aŋkambugat ma am indindiyelen zetnaŋ ma gwesep gwesepgalen zetnaŋ notnaŋ papiaen kumtimti ekti mamtemien ke ma dipsawat ma am kasetnaŋ ma nopiom mee bee timti kot ondekti am zemkawaŋ bemindamti ekjengat zikalinan bume zimâge. Âpme am ekŋenaŋ papia bewien keyet mânep maiŋme 50,000.00 kina beye. ²⁰Kegok mti Kawawaŋgalen zelaŋ windeŋaŋbenj palakŋaj bemti pelelaŋ mekoti am tunguwinan dolakŋaj sokbem wenje.

Pâlaŋ mulup tapmme am notnaŋaj ekti endilipewien

²¹Pâlaŋ mulup kegok mine mine mimdeŋaŋ zemti egaŋ naman Masedonia ma Akaia msat kume balaŋ peme Zelusalem mkaen mesâgât otnâmti zeye, “Neŋ Zelusalem mkaen meti bam naman gilik zemti Loma mkaen kwawabap.” ²²Âpme egaŋ mukulem mimiŋanet an zut Timotimak Ilastas ideme egelaŋ Masedonia msaleset mepmalu Pâlaŋ ikaŋaj Esia msalen ke bugan ewe tusumti maŋge. ²³Kan keyet am notnaŋ ekŋenaŋ Amobotnaŋgalen zet keyet nâme ŋep ku beme ekŋen am sambeyaŋ zet ke mtopepeyetzet kelakŋaj mimindawien. ²⁴Silwiayaŋ an wejaŋ mee weyeyaŋ an ŋen mamtan kwitnaŋ Dimitilias egaŋ Glik am nopiom imbi Atemis egalen sesewat mkaen ikaŋagat wejaŋ temaŋ matatan keyet sepemmak egaŋ isisikaŋaj buk pi weyaŋme mopme animbiyaŋ makwitimtemien keyepmti ek ma an notnaŋ ke maweyaŋtemien ekŋenaŋ mânep temaŋ penaŋ matimtemien. ²⁵Keyepmti egaŋ mulup anene ma an mulup keboŋ mamtemien keboŋ keboŋ ondek indemâti pigok diindoye, “Nin mulup kapigoset mânep temaŋ matinup. ²⁶Âpme an ŋen kwitnaŋ Pâl zeme ke egaŋ koti zet zapat tazein elak ilin eknâmien. Egaŋ Esia msalen mka kataŋ mekoti animbi keŋin mme yuŋgume egalen zet ke

mamâpmaip. Yan alak Epesa mkaen koti animbi sambe kenjin myungumti pigok tazein, ‘Kawawan amnan belan mimiñan ke penan yek.’ Kegok zeme am sambeyan nâme penan beme ek tapmâpmpelip. ²⁷Egan kegok mme wa in nâme mulupm kapi etanjan yek bewe ku nâseip. Nopiom imbi temanj Atemis egalen sesewat mka temanj keyet animbi ekñenan nâme belakñan beme bamkumpeme delan zeme Atemis egalen kwizet buñaman tototnan penan bewe nâip? Esia msalen ma msat sambe notnan ekñenan nopiom imbi keyet masesewatsaip. Yan Pâl egan kwizet buñaman ke mme tototnan bembeyet mulupman omba tapm.”

²⁸Zet kegok zeme nâmti ñeñin zime ñok kiliñ kiliñ temanj mti zewien, “Epesa mkaen nopiom imbi Atemis tazin egan etan imbi mobotnan temanj bein.” ²⁹Kegok zemti mka temanj Epesa keyet keñan tokwati ñakñak mme am sambeyan wati tusumti ñakñak mpeñ piyan met Masedonia an zut Pâl mâti mamtemun kwilit Gaismak Alistakasimak idamandam timti ondedak mundumen ke mesât mepme am sambeyan zet yañan nânâpiñ belak baminan mâti ñakñak mmepme ³⁰Pâlñ kwisak ke nâmti indapmâti ondedak keyegak msâgât mepme am nâmkinpepemak ekñenan añgalañme tage. ³¹Mme Pâlñ notnane mobotnan mambien ekñenan zapat ke nâmti Pâlñ ondedagen ke ku mebegat nâmti zemkululu zet beme mege. ³²Âpme ondedak mundumen ke tati animbi sambeyan omba penan ñakñak tapmimambien. Yangut am notnanjan yañan penan kwilekiyet minup ke nânâpiñ belak ke ñakñak etan tapmimambien. ³³Kegok mme Zuda am ekñenan nolin ñen kwitnan Aleksandia ke zempeme zet zenze keyet mundumen am sutnateman motati animbiyan kwisak bugan peme tapme zet diindondoyet betnanjan sesepman mme am sambeyan wa an ewelak kapi mozinmak zemti mbien. ³⁴Yan bam ekñenan ek Zuda an ñen ke ekmâtâti kan teepmanik aua zut mee kegok am sambeyan kwizet ñakñak mti tazemambien, “Ningalen Atemis Epesa mkaen tazin egan etan imbi mobotnan bein.”

³⁵Kegok tapmnepepeme Epesayetnan an ñeñan egan wati kwizet kaliyan tapmimambien ke zemkulumindeme peme tapme zet zemdelan zemti pigok zeye, “Epesa am, an kwiyan Epesa mka temanj keyan Atemis temanj egalen sesewat mka temanj mandamuñ min ma nanzan kambuk kululuñengatan toge ke kegogak mandamuñ min keyet in ku nâip? ³⁶An ñeñan ningalen kwitnan kwitnan kapi ñep ku mtopewe keyet in nâme delan zein. Keyepmti in kenjin bugan mtoti kwitnan kwitnan kileñ ñen ku mseip. ³⁷An zut idatimti kolo egelan ningalen nopiom imbi Atemisiyelen sesewat mkaengatan kwileki ñen kambu ku mbun ma Atemis egat zemtalalat zet ñen ku mbun. ³⁸Keyepmti Dimitiliasmak mulup sepem kwep mamimtemien an notnan ekñenan an ñeniyet nâme bekanan bein beme nâmbekambembe zenze kan ke beme amobotnan ekñenmagen meti zemkawan bem indawep. ³⁹Ma ilinangat zelin igagen zesâti an

nejanine notnaŋ ekŋengat zeme ekŋenaŋ kan ŋen beme ke ondekti ekŋengat zikalinan zelin zemusuwebep. ⁴⁰In muluwaŋ yaŋepiŋ belak kileŋ am keŋin walapme kasa sokbesât mip keyet zapatnaŋ amobotnaŋ temaŋ Loma mka temaŋ tazin egaŋ nâmti yaŋaŋ nâsâgât ndapmandame nin moti yaŋaŋ zigoset zemann nâmâtâtâgalen ke zet penaŋ ŋen ku tazin.” ⁴¹Amobotnaŋaŋ zet kekok zemti ondedak ke kalaŋindeme belak mekobien.

Pâlaŋ Masedonia ma Glik msalen mege

20 ¹Zet kwisak temaŋ takumaŋge ke delaŋ zeme Pâlaŋ Epesa peme tapme Masedonia msalen mesât tati am nâmkîŋpepemak ondekindemti zemgwaŋnaŋ mimindemti bet butem indemti mane mane met ²Masedonia msalen ke patañ zemti selen selen am nâmkîŋpepemak indikti zet diindomti gwaŋnaŋ mimindem mimindem piyaŋ metne metne Glik msalen patañ zemti ³msat ke eyonga tuk pi ekŋenmak ke maneti bam naman nembuyen baen toweti waŋgaen moti Silia msalen mesât mme Zuda am ekŋenaŋ setnaŋ bekekti buzak kupeme mebegat zewien. Keyepmti egaŋ naman kogeenaŋgak Masedonia msalen selak mesât mme ⁴Belea mkaengatnaŋ Pilasiyet nemuŋaŋ Sopatelmak Tesalonaika mkaengatnaŋan an zut kwilit Alistakasimak Sekandas ma an ŋen kwitnaŋ Gaias Delebe mkaengatnaŋ ma an ŋen kwitnaŋ Timoti Esia mkaengatnaŋ ekŋenaŋ Pâl mâti ilinsakwep mebien. Âpme an zut Tikikasmak Tolopimas ⁵egelaŋ ilidak nembeleset nejaŋ meti Toloas mkaen ke ekŋengat damuŋ matatemun. ⁶Âpme Nupmanaŋ Yispiŋ Niniyelen Kendo ke Pilipai mkaen ke tapmann delaŋ zeme toti waŋga mti kasup ⁵kekok nembu palen etaŋ metne metne bam Toloas mkaen patañ zemti an zut nejaŋ mebun ke idaikti nsakwep mka ke sonda kwep ekŋenmak tapmann mege.

Pâlaŋ Toloas mkaen anemba ŋen gakikiengatnan mme wage

⁷Sabat tagoŋgo kan ŋeniyet tambuyet tambuŋalem niniyet nâmti temakwep ondek tati Pâlaŋ msame indemti mesât nâŋge keyepmti egaŋ tambu keyet animbi Zet Zapat Dolakŋaŋ tadiindom metnepeme tambu sutnan penaŋ beye. ⁸Âpme mka ekŋenaŋ tapmambien keyet keŋan lam sambe penaŋ koŋti sapeme towemti tazimambien. ⁹Âpme anemba ŋen kwitnaŋ Yutikas zeme egaŋ mka tipmasek tipmasek wala mobotnaŋ keyet keŋaŋ sakŋan gwaen tâgâ setnaset ke totati Pâlaŋ zet tazeme tatnâmaŋge. Pâlaŋ Zet Zapat Dolakŋaŋ kan teepmaŋ penaŋ tazemepme anemba piwan nâmtage tageyaŋ ilak zikatnaŋ mulugaŋ kwasime wemkopa bemtingut telak zemti wuwup msalen baen pup tokutum weme am ekŋenaŋ topmimkwat ekbienŋaŋ ilak gakimti sâlâgât toge. ¹⁰Âpme Pâlaŋ keyegak toweti anemba piwan ambepuluŋ mkwat ekti am ekŋengat

zeye, “In si kemberj temañ ku mit. Ek ewe mamañan tazin.” ¹¹ Kegok zemti wati ilinsakwep ewe mka kejan moti tambuñalem nime delañ zeme Pâlanj ewe zet tusumti zemege. Tazenâmetnepeme msat msame Pâlanj tambuñan penañ toti ¹² mepme ekñenan anemba tot gakiyeyañ ewe alik bem wage ke ekti kejin olojen penañ beme wati mebien.

Pâlanj Toloas katipemti Mailitas msalen mege

¹³ Âpme am notnañ nin Pâlanj zemndeme wañgaen moti Asos mkaen mosât moti mepmann Pâlanj ikñan nembu gilot seleset meti Asos mkaen keyegak patañ zeye. ¹⁴ Mti Pâlanj naman ekñenmak wañgaen moti ilinsakwep Mitilini mkaen met patañ zewien. ¹⁵ Nin Malitas mka pemti metne metne pemann msat tambume tambuyet eyo metne metne Kios msat ñetakñan ke patañ zemti Kios msat ke sebempemti mepmann msat msaye. Keyetnan mane mane pemann msat naman tambume tambuyet eyo mane mane Samos mkaen patañ zewenn. Ya e pemti naman mepmann tambume tambuyet eyo mane mane Malitas mkaen patañ zewenn. ¹⁶ Âpme Pâlanj Pentikos Kendo ke Zelusalem mkaen ke tatagat nânge keyepmti wangayan Epesa mkaen ke peme Esia msat ñetakñan ke manepeme kan delañ zenak keyepmti belak Malitas ¹⁷ ke metati nemba notnañ zemindeme Epesa mkaen ke meti Zet Zapat Dolakñangalen an ñeñan bembe notnañ indatimti ¹⁸ kopme Pâlanj zet kapigok diindoye, “In neñ Esia msalen kwati mulupm inmagen yañbemti mban keyet yañan ilin ñep nâmâtâtalip. ¹⁹ Neñ Zuda am ekñenan niktalati mtot nemti nome gakikiyet mulupmañ omba penañ mbien. Yangut kileñ ke si kemberj palen mamti Amobotnañgalen sisiliñ mulup mti mamteman. ²⁰ Zet in diindondoyelen ñen ku aḡalañ pema tage. In pembenañ bembeyelen nâmti Zet Zapat Dolakñan tambengum sutnan ma mka sambe mekoti sosok belak mandiindomteman. ²¹ Kan katañ neñ Zuda am ma Glik am in temakwep yomengatan keñ gilik zenze aikti Kawawañmagen sokñanik meti Amobotnaññ Zisas Kilais nâmkĩñpepeyet zet windenñben manzeyap. ²² Neñ Emetak Teñan zemneme zetnañ gawepumti Zelusalem mka teman zesowap yangut daen sepem zigok sokbemnawe ke ku nâyp. ²³ Neñ mka temañ tapmezinen katañ mesât mma Kawawañgalen Emetak Teñ egañ am ekñenan kasa mnemti mka katikñan ma sindem nawep eyet zapatnañ eweñanak mandinoin. ²⁴ Neñ mama nnañgat nâma mobotnañ penañ ku mambein. Zet zemâtâtñananañ ke olojen palen mamti mmetne metne mma delañ zenzeyet keññ temañ matazin. Ma Kawawañan keñ taoletnañgapmti Zet Zapat Dolakñan ke zemkawañbembeyelen Zisas Kilaisiyañ zemneñge. Mulup ke mmeti mma delañ zenzeyelen keñ temañ ke matazin.

²⁵ Âpme pi naman zet ñen pigok diindoma nâit: Neñ ingat tunguwinan kapi mamti Kawawañgalen zemâtâtât katnanen mama keyet zapatnañ

diindomambe mama manigip. Yan bamgat zimosetn ngen ewe ku ekbep. ²⁶Nej Kawawaŋaŋ kwitnaŋ kwitnaŋ zemâtâtnaŋge e ilak okindama delaŋ zemâge ngen ku aŋgalaŋban. ²⁷Keyepmti nej inmak mambanen Kawawaŋaŋ ingat kwitnaŋ kwitnaŋ nâmbiliwepme wenge keyet zetnaŋ ngen ku aŋgalaŋpemtî zewan. ²⁸An damuŋ in ilinak kegogak dopmaŋ damuŋ dopmaŋ damuŋ mti am Emetak Teŋaŋ Kawawaŋ Nemungaŋgalen gakikiŋaŋ keyet paleseti dapmelanŋeŋane indaige ekŋen ke indadamuŋ mimiyet zemindeye ekŋen ke weyaŋ indadamuŋ mimindeme mambep. ²⁹Nej nâyap nej indemebap kan keyet an bekaŋaŋ notnaŋ ekŋenaŋ koti Zisasiyelen Zet Zapat Dolakŋaŋ diindondonaŋ myuŋgumti sepemaŋ ngen diindowep. ³⁰Âpme an notnaŋ ilinangat tuŋguwinangatnaŋ notnaŋaŋ eyo wati Zet Zapat Dolakŋaŋ zem yuŋgumti tetim indemti ilinangaŋalen nânâ mgasigeset ke indamandamtimebegat zet zewep. ³¹Keyepmti in weyaŋ eksemti mambep. In nâip, nej inmak nup kan tuk bepi mamti in nâmkîŋpepe aiikgat nâmti am ilinak kwep kwep penaŋ indapmukulem mimindemti mulup temaŋ simak simak mban. Ke in nâpeme mepme nâmâtâlît!

³²Nej Kawawaŋgat belen bemindeyap. Egat keŋ taoletnaŋgalen zet keyaŋ ŋep gwatnaŋ mimindewe. Âpme in am keŋin mme teŋ bembenaŋ sambe indatime met mama kanzizît ke toŋaŋ toŋaŋ bemtiwep. ³³Nej mânep milawat titiyet am ŋenmagen met zema ŋenaŋ ku naŋge. ³⁴Nej nenn betnaŋ mulup sek sindem mti keyet penaŋaŋ aikti notnne notnaŋ nsakwep mamti mulup maminup ekŋen indabandim mimindemti nin nsakwep ola olat palen ku mamtemenn e ilin ŋep nâmtalip. ³⁵Nej belan mulup temaŋ kegok mti keyet penaŋ aikti am towewenaŋ indamukulem mimindendeyelen set dolakŋaŋ ke ilak zikat indama eknâm mbien. Âpme nej baen ekspema mepme Amobotnaŋ Zisasiyaŋ mge ke nâyap, 'An ŋenaŋ kwitnaŋ kwitnaŋ am maindain keyelen keŋ segeyagaŋ kwitnaŋ kwitnaŋ an masain keyelen sebempein.' "

³⁶Pâlaŋ zet kegok zemdelaŋ zeme ilinsakwep tot pedondom tati ³⁷dundum delaŋ zemti bim kuluŋ mti omba penaŋ sumpewien. ³⁸Egaŋ nej sepem ngen ewe ku ekbep zeye keyepmti keŋin bekaŋaŋ penaŋ beme bim kulum mti sumpemti wati waŋgaen topemti betnaŋ butempeme mege.

Pâlaŋ Zelusalem mkaen mesât mege

21 ¹Nin Epesa am ekŋen belin butem indemti waŋgaen moti esemteŋ piyaŋ mane mane Kosi mkaen patan zewenn. Eyetnan mametne metne Lodes mkaen patan zemann msat ke msame keyetnan metne metne Patala mkaen patan zewenn. ²Ke met tati ekmann waŋga ŋen Pinisia msalen mesât tapmme ekti naman waŋga ŋen kobenn ke pemti ngen keyet moti mebenn. ³Meti ekmann Saiplas msat bet alomeset

daen tapme ekti belak sebempemti metne metne Silia msalen patan zemti wangayan Taia mkaen met ombem tati wangayan milawat msat keyelen timti mege ke tatime topmange. ⁴Âpme nin toti met am nâmkijpepemak notnaŋ indaikti ekjenmak kasup 7 mambenn. Âpme Emetak Teŋaŋ am notnaŋgat zemindeme ekjenaŋ koti Pâlaŋ Zelusalem mkaen ku mebegalen zemkulumpewienangut egaŋ zelin ku nânge. ⁵Ke manepemann mebegalen kan beme imbi ma namba sambe ekjenaŋ ndatimti nembuyen toweti nsakwep pedondom tati Kawawangat dunduwenn. ⁶Dundum delaŋ zemti bet butem aimti nin wangaen moti mepmann ekjenaŋ gilik zemti mkaŋinan mobien.

Sisalia msalen Agabasiyaŋ Pâl golaŋ zet dunduye

⁷Nin wangaen moti Taia msat katipemti metne metne Tolemes mkaen patan zemti am nâmkijpepemak ekjen mukum indemti kasup kwep pi ekjenmak ke wembenn. ⁸Yaŋ msat msame metne metne Sisalia mkaen patan zemti Pilip aikbenn. Egaŋ msat ke mamti Zet Zapat Dolaknaŋ Penan manzemtan. Ek ke aikti ekmak ke matatemenn an ke eweŋan Zelusalem mkaen daen mame ombemindenaŋ indamukulem mti mulup mimiyet zemindewien ekjen kemagengatnaŋ an ŋen ilak ke. ⁹Ek nambalatnene zulak zulak nembip bepiyaŋ mamtemien. Ekjen ke Kawawaŋaŋ kwitnaŋ kwitnaŋ bam zigok sokbewe keyet zapaŋaŋ diindome nâmti am mandiindomtemien. ¹⁰Nin ke ondektatnepemann Zudia mkaengatnaŋ golaŋ zenze an ŋen kwitnaŋ Agabas zeme ke egaŋ kotneti ninmagen patan zeye. ¹¹Pataŋ zemti Pâlyet bitimaŋ kwaleti egalen bitim ke mtati ikaŋgat setnaŋ betnaŋ zampemti zeye, “Emetak Teŋaŋ kapigok dinop, ‘Bitim kapiyet toŋaŋ ek Zelusalem mkaen met patan zeme Zuda am ekjenaŋ kapigok msamti am Zuda mängeen ku sokbembenaŋ ekjengat belen bempewep.’”

¹²Agabasiyaŋ zet kegek zeme nin ma mka mtoŋ nin nsakwep ondekti Pâlaŋ Zelusalem mkaen ku mebegat zemkulumpewenn. ¹³Âpme Pâlaŋ pigok dinndoye, “Kulekiyet nâgât keŋin bekaŋaŋ beme tasumnaip? Neŋ Zelusalem mkaen mka katiknaŋ etaŋ mobogalen yek. Amobotnaŋ Zisas kwitnaŋgat mti gakikiyelen nâmdelaŋ zemti weyaŋ talap.”

¹⁴Nin egat zet kegek zemann egaŋ ningalen zet ku nâme keyepmti nin pigok etaŋ zewenn, “Yegak pemann ke mepme Amobotnaŋaŋ ikaŋ nâmtazin kegek msawe.”

Pâlaŋ Zelusalem mkaen mege

¹⁵Kasup notnaŋ pi ekjenmak ke tapmann delaŋ zeme naman Zelusalem mkaen mebegalen milawatn weyaŋ bewenn. ¹⁶Âpme Sisalia am nâmkijpepemak notnaŋ ekjenaŋ ndatime Zelusalem mka teman meti Mnasongalen mkaen meti ekmak ke matatemenn. An ke Saipalas mkaengatnaŋ yaŋ egaŋ Zisasiyet eweŋan penan nâmkijpemti mamtan.

¹⁷Ekma ke mamann am nâmkijpepemak notnaŋ ekŋenaŋ ndikti ningat oloŋen temaŋ penaŋ minndawien. ¹⁸Yaŋ msat msame dapmelaŋgeyelen an ŋejaŋ notnaŋ ekŋenaŋ Zemsiiyelen mkaen mot ondek tapme Pâlaŋ nin ndatime bam keyegak moti ¹⁹Pâlaŋ belin butem indemti Kawawaŋaŋ mukulem mpeme am Zuda maŋgaen ku sokbemberaŋ ekŋenmagen Zet Zapat Dolakŋaŋ diindom mege. Keyet zapaŋnaŋ ilindiŋ penaŋ weyaŋ diindom mâge. ²⁰Pâlaŋ zet zapaŋ ke zemdelan zeme ekŋenaŋ Kawawaŋ zemseseawatpemti Pâl pigok dunduwien, “Notn, nânik Zuda am sambe penaŋ tausen ŋen tausen ŋen pi Zisas nâmkijpem mâbienaŋ talip. Ekŋen sambeyaŋ Mosesiiyelen zii zet ke omba penaŋ windeŋaŋ bemti bandim mti matalip. ²¹Âpme geŋ muluwen daen mamane gâgât zapadi kapigok kopme nâmbenn. Gâgât egaŋ Zuda am kwep kwep am maŋge notnaŋ ekŋengat tunŋuwinaŋ met maip ekŋen Mosesiiyelen zii zet ku mâbâgat mandiindon. Mti nemuŋine ekŋengat sekŋin butnaŋ ku antitiyet manzemkulumindemezin. Ma Zuda am mama mimiŋin ke katikpe mâpme delaŋ zenzeyet maindapitilin. ²²Am ekŋen piyaŋ gâgât yaŋaŋdi kekok manâip kapi zigok msenup? Ekŋenaŋ gâgât ek Zelusalem mkaen kolep zapadi elak nâmbâpmien. ²³⁻²⁴Keyepmti nin geŋ zemgenup kapigok sakwep penaŋ msenik. An zulak zulak ekŋen talip kapi Kawawaŋgat zikatnan kweteteŋmaŋ etaŋ mamayet nâmti zetik katikŋaŋ penaŋ mti mamaip keyepmti geŋ ekŋen kapi indatimti met Zuda nnaŋgalen mama mimi tazin keyet kataŋ ekŋengat ma gitaŋgat sipsip mee ke kwitimti Kawawaŋgat sâpe sâpe bumti ilinsakwep ŋokŋin kwenzipme mepme tapme am notnaŋ ekŋenaŋ in Kawawaŋgat zikatnan kweteteŋmaŋ maip. Keyet yaŋaŋ ke indikti gâgât zet bemzenze mamip ke peme tapme geŋ Mosesiiyelen zii zet e aŋgososopiŋ maŋgawepunik ke gikmâtâbep. ²⁵Âpme msat notnanen am nâmkijpepemak bemberaŋ ekŋen keyegut nin ekŋenaŋ soŋgom sipmaŋ ma soŋgom minzamti tatatnaŋ ke ma imbimak set kilom mee ku mamayet nin papia ŋen kumti bemann mepme ekti gawepuwep.”

²⁶Kegok zenâmti tabien yaŋ msat msame Pâlaŋ an zulak zulak ke idatimti sekŋin weyaŋ zuluti kwitnaŋ kwitnaŋin weyaŋme dolakŋaŋ beme sesewat mka teman moti kan zigok sesewat mka teman ke tapmetiŋgut bam kot sâpe sâpe nnaŋgat buwanup zemti keyet yaŋaŋ sâpe sâpe bumbu an yaŋkwesim nâsâgât mowebien.

Pâlaŋ sesewat mka temanen tapme atawien

²⁷Sâpe sâpe bumbuyelen kan sokŋan beme Pâlaŋ moti sesewat mkaen mame Zuda am Esia msalen mamtemien ekŋenaŋ ekti animbi keŋin walapme ekŋenaŋ ²⁸atam kitik mtati kwizet ŋakŋak mti zewien, “Israël am kot ndapmukulem mit! An kapiyaŋ msat kataŋ meti nin sambe kapi Mosesiiyelen zii zet ma sesewat mkan kapi eyo zemtalati mamimtotndein.

Mti Glik an notnaŋ indatimti kwapme ekŋenaŋ mme sesewat mkan temaŋ kapi okbi okbiŋaŋmak mambein nâip!” ²⁹Pâlaŋ an ŋen kwitnaŋ Tolopimas Epesa mkaengatnaŋ ke wati Zelusalem mka temaŋ ke mebe kokot mmalu maidiktemien keyepmti ekŋenaŋ wa sesewat mka temaŋnan eyo mawakwazin kekok nâmyuŋgumti kekok zewien.

³⁰Kegok zeme Zelusalem animbi sambe ekŋenaŋ zapat ke nâmti wenŋin mepme windem bemti kot ondekti Pâl atamti sesewat mka temanengatnan mandamti zupman baen toweti sesewat mka temaŋgalen set sakwep puŋ paŋ kekme delaŋ zemâge. ³¹Am ekŋenaŋ Pâl atamti kume gakikiyelen tapmme keyet zapatnaŋaŋ elelaŋ Loma kasa kuku an ŋeŋaŋ temaŋ ekmagen pigok mopme nânge. Zelusalem am ekŋenaŋ kasa kukuyelen ilinsakwep zenâ zenâ mti talip. ³²Kegok nâmti kasa kuku an mobotnaŋ ma tototnaŋ indatime buluŋ sakwep mepme am ekŋenaŋ Pâl takunapeme kasa kuku ŋeŋaŋaŋ kasa kuku notnaŋ ekŋen indatimti mepme indikti peme tapme telelaŋ mekoti tabien. ³³Âpme kasa kuku an ŋeŋaŋ keyaŋ zeme Pâl wati tek katikŋaŋ zulaŋ betnaŋ zampeme tapme am ekŋengat indayaŋkwesiye, “An kapi kwitnaŋ kwi ma ek desetgatnaŋ ma yom zigok penaŋ mip?” Kegok yaŋkwesime ³⁴animbi sambeyaŋ zet yaŋaŋ sepemaŋ igak igak zemti kwizet kaliyaŋ temaŋ mbien. Kegok mme kasa kuku an ŋeŋaŋ egaŋ zelinangat yaŋaŋ ku weyaŋ nâmatâtî keyepm zeme Pâl wati kasa kuku ilinangalen mkaen wati mobien. ³⁵Âpme Pâl wati mka sepalonŋ mopme am ekŋenaŋ mot yuptot kusât mme kasa kuku an ekŋenaŋ luanzamti mka keŋan ³⁶wapmosât mopme am sambeyaŋ baman moti ŋakŋak mti pigok zewien, “An ke kume gakik, kume gakik!”

³⁷Pâl mka keŋan wati mosât tapmopme Pâlaŋ kasa kuku ŋeŋangat yaŋkwesimti zeye, “Geŋ ŋep nâmnemane neŋ am kamba zet ŋen diindosap?”

Zeme an ŋeŋaŋaŋ yaŋkwesiye, “Geŋ Glik zet ŋep nânik? ³⁸Eweŋan penaŋ Izip an ŋeŋaŋ gapmanmak kasa kukuyelen am 4000 indatimti msat tuŋgupman mebien an ke geŋ kapi ma belakŋaŋ ŋen?”

³⁹Yaŋkwesime Pâlaŋ pigok dunduye, “Neŋ Zuda an penaŋ Talsas mka temaŋ penaŋ Sisilia msalen tazin ke sokbewan keyet geŋ nâmnemane neŋ am zet bugan diindowi.”

⁴⁰Zeme nâmpeme Pâlaŋ sepalonŋ dukŋan gwaen tati am zemkulumindeme zepiŋ buzak tati nâme zet Ibulu zeleset pigok zeye,

22 ¹“Notnne ma bimpne, neŋ ŋeŋaŋ nanangat yaŋaŋ pigok zemâtâpma nâit!” ²Pâlaŋ Ibulu zeleset kekok zeme nâmti kwisak ma zet sambe topme delaŋ zeme buzak penaŋ tapme pigok diindoye,

³“Neŋ Zuda an penaŋ Silia msalen Talsas mka temanen ke sokbewan yaŋ Zelusalem mka teman kapi koti mamti an zikat indanda Gamaliel egat kandaŋan mtoti mama egaŋ zet Mosesiyelen zii zet yeŋsokŋ ekŋen

indandaŋaŋ keyet zapat weyaŋ zemkawaŋ bem name eksemti keyet kataŋ mâti mamban. In alak Kawawaŋ windeŋaŋ bemti mâti tapmaip sepem kegogak. ⁴Neŋ Zet Zapat Dolakŋaŋ Penaŋ alakŋaŋ kapi mma yek bembeyelen mulupmaŋ mti animbi sambe ke mâti mamaŋaŋ ekŋen ilinsakwep belinan zamtimti mka katikŋan maindem meteman. ⁵Nâgât yaŋŋ sâpe sâpe bumbu an ŋeŋaŋ ma sesewat mka temaŋgalen an damuŋ notnaŋaŋ ŋep nâmtalip. Wa neŋ zet kapi dâsuki ku zeyap. Ekŋen keyaŋ am nâmkîŋpepemak notnaŋ Damaskas mkaen mambien ekŋengat papia kumti name mti pigok nâmti mmeban. Ne meti animbi nâmkîŋpepemak notnaŋ Damaskas mkaen indaikti belinan zamtimti Zelusalem mkaen mka katikŋaŋ indatimti kobap.

Pâliyaŋ ikŋaŋ keŋaŋ gilik zeyeyet yaŋaŋ zeye

⁶Kegok otnâmti selen metne metne kasup sutnateman beme Damaskas mka sokŋanik mepma busatnaŋaŋ kululuŋen gwaengatanen neŋmagen naombem tapme ⁷neŋ totpale baen kutum wemti nâma zet ŋen kapigok sokbeye, ‘Sâl, Sâl, geŋ kwilekiyet napmât giŋgiŋ penaŋ mti nawalesât tapmnik?’

⁸Yaŋkwesime neŋ kaimak wepeŋ tati zewan, ‘Amobotnaŋ, geŋ kwi?’

Zema egaŋ pigok dinoye, ‘Neŋ Zisas Nasalet mkaengatanŋ. Geŋ napmât giŋgiŋ mti nawalesât mamnik elak neŋ kapimak.’

⁹⁻¹⁰Zeme nâmti neŋ sekŋan ŋen ewe yaŋkwesiwan, ‘Amobotnaŋ, neŋ kwileki mnasâgât tapmnik?’

Zeme Amobotnaŋaŋ zeye, ‘Geŋ belak wati Damaskas mkaen daen mepmanengut mulup kwileki mbanik keyet zapatnaŋ daenen Kawawaŋaŋ ikŋaŋ diŋgome nâmbanik.’ Âpme an notnaŋ neŋmak mebenn ekŋenaŋ busatnaŋ ke ekbienangut zet dinoye ke ekŋenaŋ ku nâmbien. ¹¹Mme neŋ busatnaŋaŋ zikatn mme bekaŋaŋ beyeyepmti ekma sopsop kume olati teŋtewat tapma aminne ekŋenaŋ nabetnamti Damaskas mkaen nati mebien.

¹²Mka ke an ŋen mamtan kwitnaŋ Ananias egaŋ zii zet sambe ke weyaŋ ekdamuŋ mti gawepumti mamtan keyepmti Zuda am mka ke mamtemien ekŋenaŋ egat nâme dolakŋaŋ mambemtan. ¹³An keyaŋ neŋmagen koti pigok dinoye, ‘Pâl, geŋ zikadi dolakŋaŋ ekbak.’ Zeme keyegak zikatn busatnaŋ beme ekmâtâban. ¹⁴Ekma zet kapigok dinoye, ‘Yeŋsokŋne ekŋengalen Kawawaŋ egaŋ yaŋaŋaŋ ke zikat game an teŋ toŋaŋ ekti zet zapatnaŋ nâmkaliŋ bembeyelen nâmti ikŋaŋ selen daenen gaombemgeyan. ¹⁵Keyepmti geŋ kwitnaŋ kwitnaŋ eknâm mbanan ke am msat kataŋ diindomane nâmâbep. ¹⁶Keyepmti pi kan teepmaŋ eneyet belak mambanik? Keyet geŋ wati Zisasiyet kwitnaŋ nâmkîŋpemane tu zulutgema Zisasiyet dundumane egaŋ yomdi katipewe.’ Zemti tu zulutnembien.

**Kawawaŋaŋ Pâl am Zuda mangeen ku sokbembeŋaŋ
ekŋenmagen zet zapat timmepmegat peme mege**

¹⁷Kegok mneme Zelusalem mkaen kapi koti sesewat mka temanen dundundu mulup tapmmambe tati kie kienok Zisas ikŋaŋ ekmâtâpma ¹⁸kapigok dinonŋe, ‘Mka kapiyelen am ekŋenaŋ gâgât dembusegen nâgât zet zapatnnaŋ topme nâmti wisat mbep keyepmti geŋ sakwep Zelusalem mka kapi pemti belakŋan met.’ ¹⁹Zeme nâmti neŋ dopmaŋ pigok gilik zemti zewan, ‘Amobotnaŋ, neŋ amdine mka sambe meti sesewat mkaen indakapisikma motapme sindiwaŋ kwapem maindomteman. ²⁰Mti buŋam zapadi zenze an Stiwen ek kusâti an ekŋenaŋ melakanduŋin gulumti neŋ name timtati ekma nanzaŋ mâtâti kume sip balak balak timti gakime ego ego mti nâma ɲep beye.’ ²¹Kegok zema Amobotnaŋaŋ pigok dinoye, ‘Geŋ mebegalen weyaŋ tapmane neŋ msat beŋan am Zuda mangeen ku sokbembeŋaŋ ekŋenmagen gema mebanik.’ ”

²²Pâlaŋ am zet kegok diindome nâmti keyegak kwizet kaliyaŋ temaŋ kumti zewien, “An keboŋ ke gakime delaŋ zep. An keboŋ keyaŋ msalen kapi ku tatagalen!” ²³Kegok zemti ɲakɲak temaŋ mti melakanduŋin gulumti time mebekopme tot kânzunzu timti tetelime am palen palen gwaen mekopme ɲenzinziŋ palen tapme indikti ²⁴Loma kasa kuku an ɲeŋaŋ egaŋ kasa kuku an ekɲengat zeme Pâl wati mkaŋin keŋan moweti sindiwaŋ witiktingut amnaŋ yaŋaŋ kwilekiyet penaŋ muluwaŋ kapi tapmip. Zemti Pâl yaŋkwesim nânâyet zemindeye. ²⁵Âpme ekŋenaŋ sindiwaŋ witiksâgât mot tep palen mututut pemti setnaŋ betnaŋ tepmak pepe bemti zampemti witiksât tapmme Pâlaŋ an ɲeŋaŋin keyet yaŋkwesiye, “In Loma an penaŋ zetnaŋ dolakŋaŋ zemdelaŋ zenzepiŋ belak sindiwaŋ wititikgalen set ɲen tapme mamiwaŋ neŋ alak kegok mnasât tapmip?”

²⁶Kegok zeme an ɲeŋaŋ keyaŋ an ɲeŋaŋin temaŋ ekmagen meti zeye, “An kapi Loma an keyepm zigok penaŋ msasenup?”

²⁷Zeme kasa kuku an ɲeŋaŋ egaŋ Pâlmagen meti zeye, “Geŋ Loma an penaŋ manze zemanen nâmbi?”

Yaŋkwesime Pâlaŋ zeye, “Ilak penaŋ sukwep penaŋ ke zenikmak.”

²⁸Zeme kasa kuku an damuŋ temaŋ keyaŋ nâmti zeye, “Neŋ mânep omba penaŋ katipemti keyepmti Loma an penaŋ bewan.”

Zeme Pâlaŋ zeye, “Âpme nengut bipm Loma am manŋeengatnaŋ kokotnaŋ keyepmti neŋ Loma an penaŋ beyap.”

²⁹Zeme nâmti Pâl bembuluŋ tati sindiwaŋ witiksâgât tapmmambien piwan keyegak peme tapme mepmâpme kasa kuku an ɲeŋaŋin temaŋ egaŋ neŋ kwilekiyet an keboŋ kapi kileŋ penaŋ zema setnaŋ betnaŋ zamti kusât miyo. Zemti weŋaŋ penaŋ mepme nâpeme mekwapme tatneti weŋge.

³⁰Yañ msat msame kasa kuku an ñejañ egañ Pâl sen katikñañ zampewien ke kwaletpempti Zuda ekñengalen sâpe sâpe bumbu an ñejañ ma an ñejañ notnañ sambe indamandame kopme zigoset mti Pâlyet nâmsopkuku aikbien keyet yañañgat indayañkwesisâgât nâmti zeme ondekme egañ Pâl wati tot ondedak keyegak peme totapmange.

**Pâlañ Zuda am ekñengalen ñejañ bembe
ekñenmagen zet zemkawañ beye**

23 ¹Pâlañ an ñejañ bembe indiktitimti pigok diindoye, “Notnne, neñ Kawawañgat zikatnan zii zetgat zemtalalat zet ke ñen nânânnan ku tapme mambanañ ewe mayap.”

²Kegok zeme sâpe sâpe bumbu an ñejañ sambe ekñengalen ñejañin temañ penañ Ananias egañ am Pâlyet kandañ tabien ekñengat pigok diindoye, “In an ke zet kilom tazeingat dembusekña kutut!”

³Zeme Pâlañ Ananias pigok dunduye, “An yompañ, egañ segeset mulup dolak dolakñañ notnañ mti an pembenañnok mamani. Âpme keñdanen baengut mama mimi bekanañañ etañ gak zemti matazin. Keyepmti geñ bam Kawawañañ gawalebe. Geñ zii zelañ zein keyet katañ mamti mulup mimiyet zemgeñgeñañ yañ geñ kwilekiyet ke kulumti neñmagen musuwewet mulup kileñ mimiyet kegok diindonik?”

⁴Kegok dundume am Pâlmak tabien ekñenañ pigok dunduwien, “Geñ Kawawañgalen sâpe sâpe bumbu an ñejañ pi eneyet zet mgasik keboñ ke dundunik?”

⁵Zeme nâmti Pâlañ pigok zeye, “Notnne, neñ ek sâpe sâpe bumbu an ñejañ main ke nâmti ku zeyap. Mosesiyelen zii zet Kawawañgalen Zet Itñañanen kapigok zenzeñañ,

‘In Kawawañgalen sâpe sâpe bumbu an ñejañine ku zemtalat indewep.’ ”

(Kisim Bek 22:28)

⁶Âpme ondedagen ke an notnañ Sadusi ma notnañ Palisi ekñenañ ilinsakwep tapmambien. Pâlañ ke indikti ñakñañ omba penañ mti pigok zeye, “Nâgât yeñpampne tipman baenen Palisi mamkwati gakikiengatnan wawat tazin manzemtemien. Yañ alak neñ gakikiengatnan wawat keyet webem mayap tazema kapiyepmti in alak zelen pi onzemneip.”

⁷Zet kegok zeme Palisi ma Sadusi ekñenañ ilinak sakwep wati zet mmot mtot mti ñejañ bembe ilinañgat tunguwinan kalalañ temañ sokbeye. ⁸Sadusi ekñenañ gakikiengatnan wawat ma Kawawañgalen ensel ma we mee ku talip manzemtemien. Âpme Palisi ekñenañ naman ke talip manzemtemien. ⁹Keyepmti ondedakñinan ke kwisak temañ penañ kuye. Kegok mme Palisi ekñenmagatnañ zii zet zikat indandanañ an notnañañ wati zet memendepmak mti zewien, “Nin an kapiyelen yomañ ñen ku tapme eknup. Kawawañgalen ensel ma we ñejañ dundume nânge mene ke ku nânup.”

¹⁰Kegok mti kasa kasa omba penañ mme kasa kuku an ñejanan nânge. Mneti ekjenan Pâl yupmet yupkot mme sutnan teman etim mebekokot mme gakisem zemkingati kasa kuku an zemindeme met Pâl am ekjengat tunguwinanatnan san mti kasa kuku mkaen wati mebien.

¹¹Tambu keyet Amobotnanan Pâlmagen sokbemti zeye, “Geñ windendi timti kaliñan bemti tabanik. Zelusalem mkaen pien manzemkawan bemnenik sepem kegogak naman Loma mkaen meti zemkawan bemnewanik.”

Zuda am notnan ekjenan Pâl kume gakikiyet buzak zemtâmpewien

¹²Msat msame Zuda an ekjenan zet zemtâmti zewien, “Nin tu meu mee ninipij belak mamti Pâl kumann gakimengut tu meu bamgat nimbanup.”

¹³An 40 mee kogañ zenâ zenâ mti kegok zemtâmpewien. ¹⁴Mti an ekjen keyan sâpe sâpe bumbu an ñejan ma sesewat mka temangalen an danuñ notnan ekjenmagen met sokbemti pigok zemsokbemindawien, “Nin tu meu ninipij belak mamti Pâl kumann gakimengut tu meu niniyet zemkatik bempemti pi inmagen kot sokbemindanup. ¹⁵Keyepmti in kasa kuku an ñejan ekmagen zet kapigok beme mebe. Geñ Pâl ningalen ondedagen ewe pemane kopme pien zetnan ondedakñnan ke zetnan zemdelan zewanup. Âpme egañ zelin nâmti peme kopme nin selen dombemti buzak kumann gakiwe.”

¹⁶Kasa zet kegok tazemnâme Pâlyat biatnanan zet ke wak kambu nâmti windem bemti kasa kuku mkaen ke moti eiñangat zet ke dunduye. ¹⁷Dundume nâmti Pâlan kasa kuku an ekjengat ñejanin ñen zeme kopme zeye, “Geñ nemba kapi wati kasa kuku an ñejan teman ekmagen wati mepmane nemba isikñan kapiyan zapat ñen dundusem.”

¹⁸Zeme kasa kuku ñejan keyan naman kasa kuku ñejan teman penan kaindemagen wapmeti zeye, “Pâl an mka katikñan pemann matazin egañ nazemtetime mepma nemba kapiyan gâgât zapat ñen diñgonçoyelen nâmti mene zeme aikti geñmagen kolap.”

¹⁹Kegok dundume kasa kuku an ñejan teman keyan nemba isikñan ke betnamti ganzenan ilidak metati yañkwesiye, “Zet zigok ze zeman nâmbiya?”

²⁰Zeme nemba keyan pigok dunduye, “Zuda an ñejan ekjenan geñmagen zet kapigok beme kokogat zet zenâ zenâ tapmme nâya. Geñ Pâl ekjengalen ondedagen wati meti yañan penan ewe zemâtâtindandayet zeyo. ²¹Keyepmti geñ tatnâmane ekjenan zet ke beme kopme geñ zelin ku nâmindesenik. An 40 mee sebempein kegogañ Pâl kume gakikiyet nâmti tu meu kiñgati belak mamti Pâl kume gakimengut bam tu meu niniyet zemkatik beyo. Ekjenan selen baen dombem tati Pâl geñ zempemane mepme kukuyet gâgât damuñ talip.”

²²Nemba isikñañan zet kegok zeme kasa kuku an ñejan teman egat pigok zempemti peme mege, “Geñ zet zeman nâyap ke an ñen ewe ku dundundupij.”

Kasa kuku an ekjenan Pâl Sisalia mkaen wati mebien

²³ Âpme an kasa kuku njanan teman egan kasa kuku an njanan zut idamandame kopmalu pigok diidoeye, “It kasa kuku an seleset mebegalen an 200 ma âs palen tati mebegalen an 70 ma njanan sage tiwep an 200 kekok indaakmane ekjenan 9 kilok tambuyet penan wati Sisalia mkaen mekep. ²⁴ Âpme Pâl egat âsinan njanan weyanpeme keyet palen totapme kakanemu wapmane mane amobotnan teman Pilik ekmagen wati moseip.” ²⁵ Kasa kuku an njanan teman Kolodias Lisias egan ekjenan mesât mme amobotnan teman egat papia njanan kapigok kuye,

²⁶ “Nen kasa kuku njanan amobotnan Pilik gâgât zemkawan bembe papia kapi kuyap. ²⁷ An kasa kuku ekjenan wati kolip ke Zuda an ekjenan kume gakikiyet zeme keyepmti nen an ke Loma mkaengatan kekok nâmtiyepm kasa kuku an ekjenmak meti Zuda am ekjengat belinangatnan menze mti pemann genmagen kozin. ²⁸ Yanan kwilekiyet wati zelen pewien keyet yan an penan weyan nâmtâtâtâgat nâmti an njanan ekjen indaondak indemti Pâl wati ondedagen ke meban. ²⁹ Wati met ke tati ekma ekjenan Pâlan kwilekijen nuknan ku mge keyangut ilinangalen zii zet keeset belak seknan bemti zeme pigok nâmban. Kwitnan kwitnan notnan mge keyan mka katiknan ma kukuyelen keyet katan ku beye. Keyepmti wati mka katiknan mepewan. ³⁰ Âpme Zuda an notnan ekjenan selen dombemti kume gakikiyelen zeme keyepmti nen ek pema genmagen kozin ma am egat seknan mambemzep. Ekjen kekokak zemindema kopme gen taindikmane zelin zem musuwekep.”

³¹ Papia kekok kumti indame kasa kuku an ekjenan an njanan egat zetnan gawepumti Pâl tambuyet penan wati mane mane met Antipatilis mkaen ke met wembien. ³² Yan msat msame kasa kuku an sambe ekjenan naman gilik zemkopme an âsien tati mebien ekjenan etan Pâl wati Sisalia mkaen mebien. ³³ An âs palen tati mebien ekjenan meti Sisalia mkaen patan zemti amobotnan teman ke papia samti Pâl wapmet zimasetnan onzempeme tage. ³⁴ Âpme amobotnan teman egan papia ke makume delan zeme Pâlyet yan kwesiye, “Gen msat desetgatan?”

Yan kwesime Pâlan zeye, “Nen Sisalia mkaengatan.”

³⁵ Kekok zeme amobotnan zeye, “Ele, an sek danen bemzenze zet manzeip ekjenan kopmenjut zedi mti kodak ke zeman nâmbap.” Zemti egan kasa kuku an zemindeme wati amobotnan Elotgalen mkaen ke met pemti damu mamimtatemien.

Zuda an njanan notnan Pâl zet muluwen pewien

24 ¹ Kasup 5 delan zeme sâpe sâpe bumbu an njanan Ananias ma an njanan notnan ma an zet zenze an Teltalas ekjenan Sisalia

mkaen meti Pâl zemkukuyet Loma amobotnaŋ Pilik Sisalia mkaen matatan ekmagen sokbewien. ²Âpme amobotnaŋaŋ Pâl zeme kot tapme Teltalasiyaŋ Pâlyet sekŋaŋ bemzenze zet zesâti ŋeŋaŋ yaŋbemti pigok zeye, “Pilik amobotnaŋ temaŋ, geŋ ndadamuŋ mmame sewakŋaŋ palen dolakŋaŋ mamamkwatnup. Mti am mange ningat nâmtemtem mti ndamukulem minndemane ³mka sambe mulup mmann dolakŋaŋ mambein keyepmti nin gâgât nâmann dolakŋaŋ penaŋ mambein. ⁴Mneti neŋ zet teepmaŋ mandam tazenepema teepmaŋ besemgat nâmane neŋ zet pemkwepmaŋ bugan pigok dingoma nâmbak. ⁵Nin an kapi myuŋguŋguŋaŋ sambe penaŋ mamme eknup. Egaŋ Zuda am sambe msat kataŋ manup pi ŋenzinziŋ omba penaŋ minndame tungupmnan kasa kasa matazin. An kapi Nasalet am mange ekŋengat ŋeŋaŋin main. ⁶Âpme egaŋ sesewat mkan temangalen zii zet notnaŋ eyo angosome nin ekti atawenn. Keyepmti nin zii zetn tazin keyet kataŋ kwitnaŋ kwitnaŋ msasâgât tapmnepemann ⁷kasa kuku an ŋeŋaŋ temaŋ Lisias egaŋ kasa kukuŋanemak kot memendepmak belak menzemwati mebien. ⁸Mti an met zelen pewien ekŋen ke geŋmagen kapi kot sokbembgamti egat zetnaŋ geŋmak zenzeyelen zemindemti wati mege. Keyepmti nin egat zet zenup ke geŋ Pâl ikŋaŋ yaŋkwesimane egaŋ ikŋaŋgat yaŋaŋ ikŋaŋ zemkawaŋ bemgame nâsenik.” ⁹Egaŋ zet kegek zemsokbeme Zuda an notnaŋ tabien ekŋenaŋ mukulem mti zetnaŋ ke mkatikŋaŋ bewien.

¹⁰Âpme amobotnaŋaŋ zet zenzeyelen Pâlyet belak belaj sesepmaŋ mpeme Pâlaŋ wati zeye, “Geŋ msat kapi amobotnaŋ kan teepmaŋ mamti Zuda ningalen yaŋŋ ŋep nânik. Keyepmti neŋ zet nâmtemtempiŋ pigok zema nâmbak. ¹¹Neŋ Zelusalem mkaen Kawawaŋ sesewatsasâgât moti manepema kasup ¹²kegek beye. Geŋ zetn nâmti keŋ zut msenik beme ekŋengat indayaŋkwesimane zeme nâsenik. ¹²Neŋ sesewat mka temaŋ ma sesewat mka notnan ma ondedak mundum notnanen am ondek indemti zet mdondondo mti ammak an mee ââyê keŋin walalat zet ŋen ku diindowan. ¹³An ekŋen kapiyaŋ belak sekŋnan bemti tazeip ke penaŋaŋ zigoset zikat game ekti nâmtâtâsenik? ¹⁴Ekŋenaŋ nâgât pigok manzeip, ‘Nin mama mimi alakŋaŋ maektalatnup ke egaŋ mamin manzeip ke penaŋ. Neŋ ke mti yeŋ papmne ekŋengalen Kawawaŋ ek mandundum sayap. Mti Mosesiyelen zii zet ma golaŋ zenze an ekŋengalen zet zemkwabien e eyo maŋgawepuyap.’ ¹⁵Nin maneti am teŋ ma bekaŋaŋ nin nsakwep gakikiengatnaŋ Kawawaŋaŋ mme wapmobanup keyet an ekŋen kapi ma neŋ nsakwep webemti mamamup. ¹⁶Kegok mti neŋ Kawawaŋgat zikatnan ma amgat zikalinan myuŋguŋgupiŋ mamayet nâmti eksemti kuma kwaopme mamayap.

¹⁷Âpme neŋ Zelusalem mka pemti nup kan sambe pi msat belakŋaŋ met mamti zema am nâmkŋepemak am msat belakŋaŋgatnaŋ ekŋenaŋ Zuda am ekŋengat mânewin bugan akumti beme ke timti indasât ma

Kawawangat sâpe sâpe eyo busât nâmti Zelusalem mkaen meban.

¹⁸Meti sesewat mka teman moti Kawawangat wisikŋ zemti sâpe sâpe tabumamban kan keyet mka keŋan ke am sambe neŋmak ŋen ku tabien ma am notnaŋ kasa kukuyet keŋin ŋen ku walaban. ¹⁹Zuda am notnaŋ Esia msalen met maneti kokotnaŋ ekŋenaŋ kwep Zelusalem sesewat mkaen ke tapme indikbangat ekŋenaŋ nâlen myuŋguŋgunn ŋen kan keyet aikbien beme kwati ilin gâgât zemkawaŋ bem game nâsenik.

²⁰Ma an ŋejaŋ ondedagen talip ekŋen kapiyaŋ nâlen myuŋguŋgunn ŋen Kansol ondedagen tabienen ke ekbien beme ilin kwat zemkawaŋ bem game nâsenik. ²¹Neŋ ekŋengat tuŋguwinan tati zet kwep ŋen zema yuŋgume ekŋenaŋ nâme ŋep ku beye mene. ‘Ma neŋ gakikiengatnan wawat tazin manzeyap.’ Keyepmti ekŋenaŋ nâme ŋep ku beme zelen neme ingat monzalamanan kapi kwatalap.”

²²Amobotnaŋ Pilik egaŋ Pâlyet zet zemdelan zenze sakwep ku mge egaŋ zapatnaŋ isikŋaŋ bugan nângeyepm belak etaŋ pigok diindoye, “Nin zet kapi belak pemann tapme kasa kuku an ŋejaŋ temaŋ Lisias egaŋ Zelusalem mkaengatnan kopmeŋgut ekmak tati nsakwep zet kapi zemdelan zewalup.” ²³Kegok zemti kasa kuku an ŋejaŋ pigok dunduye, “In Pâl damuŋ mti tati kasa zimoseŋ ku ekbep ma notnane notnaŋaŋ wati kwileki ŋen sasâgât mme nâmindeme mot ŋep masamambep.”

Pâlaŋ Pilikmak Dulusila egetgat monzalamidan tage

²⁴Mepeme ke matatnepeme amobotnaŋ Pilikmak imbiŋaŋ Dulusila egeŋaŋ Sisalia mka pemti Zelusalem mkaen kobun. Dulusila imbi ke Zuda imbiŋaŋ. Yaŋ egeŋaŋ motati Pâl zem tetimalu moti egat Zisas Kilais nâmkŋipepeyet yaŋaŋ manzemkawaŋbemtan keyet yaŋaŋ ²⁵ma dolakŋaŋ bemti mamayelen setnaŋ ma set kileŋ mama keyet ma eksemti mama ma dopmaŋ titiyelen kan keyet zapatnaŋ Pilik imbinet zemâtâtidade Pilik windeŋaŋ topme delaŋ zeme Pâl pigok dunduye, “Ŋepgat met ya maneti neŋ kan tuŋgupmaŋ ŋen sokbemnamenŋgut ewe zema kot tusumti zemane nâmbap.” ²⁶Amobotnaŋ egaŋ Pâlaŋ mânep sasayet nâmti kan kataŋ mamandame kopme zet zenâ zenâ mamimtemun. Yaŋgut Pâlaŋ mânep ku saye.

²⁷Mamotneti nup kan zut delaŋ zeme amobotnaŋ alakŋaŋ ŋen kwitnaŋ Polsias Pestas zeme ke. Egaŋ Pilik egat munduman tage âpme amobotnaŋ Pilik egaŋ Zuda am ekŋenaŋ egat nâmpeme dolakŋaŋ bembeyet nâmti Pâl ewe mka katikŋanak peme tapme mege.

Zuda am ekŋenaŋ Pâl amobotnaŋ alakŋaŋ Pestasiyet zikatnaŋ zemkuwien

25 ¹Pestasiyaŋ amobotnaŋ mundum timti mame kasup tuk etaŋ mepme Sisalia mkaengatnan Zelusalem mkaen mesât mege. ²Met

patan zeme sâpe sâpe bumbu an njanan ma Zuda an njanan bembe notnan ekjanan ekmagen koti Pâlyet zapat dundume ³egan zelin nâmindemti Pâl peme Zelusalem mkaen kokogat yan kwesim gingin mbien. Ekjanan Pâl selen baen bekekti kume gakikiyet nâmti amobotnangat kegok yan kwesiwien. ⁴Pestasiyan pigok diindoye, “Pâl ek Sisalia mkaen mka katiknan tazin âpme neŋ gilik zem keyegak sakwep kapi towebap. ⁵Keyepmti in Pâlyet zet nen zesât mbep beme inmagengatnan an njanan notnan neŋmak nsakwep Sisalia mkaen toweti egat zetnan kaim taindikma zewep.”

⁶Kegok zemti Zelusalem mkaen ke kan teepmanik kasup 8 ma 10 mee kegok maneti Sisalia mkanan met toweg. Towngeyan msat msame zet zenze mkaen motati Pâl zeme wati mowebien. ⁷Mopme Zelusalem mkaengatnan Zuda an njanan notnan mebien ekjanan mot bembuluŋ tati seknan bemzenze zet omba penan tapmambien. Yangut zet bemzenzeningangat zet katnan penanan nen ku sokbeye. ⁸Zeme Pâlan zelin mtopemti pigok diindoye, “Neŋ Zuda ekngengalen zii zet ma sesewat mka temanin ma Loma amobotnan keyet nen ku zem talaban.”

⁹Zeme Pestasiyan Zuda am ekjen ke kenin mme oloŋen mimiyele nâmti Pâlyet pigok yan kwesiye, “Geŋ Zelusalem mkaen gwaen gapmoti ke zedi zemdelan zewap ma zigok nânik?”

¹⁰Yan kwesime Pâlan pigok dunduye, “Loma am ningalen zet zemdelan zenze mka kapi. Geŋ ningat yan nâmtadik neŋ Zuda am muluwan bekanan nen ku mimindawan. Yangut ekjanan zelen pi belak taonzemneip. ¹¹Neŋ yom penan nen mbagen geŋ nâsâgât mbegen sekŋ neŋ ku angalanbak. Pi ekjanan belak seknan tabemzeip keyepmti an njanan ekngangat tiwin busat bembeyet nâmti ekngangat belinan ku bem newe. Keyepmti Loma amobotnan Sisayan zetn zemdelan zenzeyelen penan nâmti zeyap.”

¹²Kegok zeme Pestasiyan Zuda an njanan ekjenmak zenâ zenâ mti Pâl pigok dunduye, “Geŋ amobotnan temangat nâmti zenik keyepmti ekmagen mepmane egan zedi zemdelan zemgewe. Kegok zemti wapmet ewe mka katiknanak peme tage.”

Pestasiyan Pâlyet zet zapat Agilipa msaye

¹³Ke mamotneti kan neniyet amobotnan Agilipamak imbiyan Belnismak amobotnan Pestas eksâgât ¹⁴meti kan teepmanik pi ekmak ke mamalu Pestasiyan amobotnan ke Pâlyet zet zapat msam metneti zeye, “Amobotnan Pilikan mka katiknan an nen zemdelan zenzepiŋ belak pemti mepme kan teepman pi egan belak mka katiknanak matazin. ¹⁵Âpme neŋ Amobotnan alaknan onzemnewien kan keyet Zuda sâpe sâpe bumbu an njanan notnan ma Zuda an njanan notnan ekjanan koti an ke neŋ kuma gakikiyet nayan kwesiwien. ¹⁶Âpme neŋ zet dopman pigok diindowan,

Loma an nin notn n̄en belak n̄enzinziŋ etaŋ mti ku maindonup. Nin zet toŋaŋ ma an zelen mapeip ek̄nen ondedagen zet dopdop zemti yaŋaŋ mmann sosok kawaŋ sokbeme ektatingut keyet kataŋ dopmaŋ maindanup. ¹⁷Kegok diindoma Zuda an ek̄nenāŋ zetgat lele mti neŋmagen kot sokbeme nām̄indemti wembennaŋ msameŋgut Pālmak ilinsakwep ondek̄indemti taindikma zelin zeme zelināŋgat yaŋaŋ ekmâtāban. ¹⁸⁻¹⁹Wa ek̄nenāŋ egat yomaŋ penaŋ n̄en aikseip mene zemti taindik nepema ek̄nenāŋ nām̄kiŋpepeŋināŋgat zetnaŋ ma an n̄en gakikiŋaŋ kwitnaŋ Zisas egat zetnaŋ tazemambien. An keyet Pālaŋ gakikiengatnaŋ walewaŋ main manzemtan. Keyet mti Pāl zet omba tapmsamambien. ²⁰Zet kegok sokbeme neŋ zelin ku weyaŋ nāmâtâti keyepmti Pāl Zelusalem mkaen mopme zetnaŋ ke zemdelāŋ zenzeyelen nām̄ti Pāl ik̄naŋ yaŋkwesima ²¹egaŋ ik̄naŋ Loma amobotnaŋaŋ zetnaŋ zemdelāŋ zenzeyelen nām̄ti dināŋge. Keyepmti neŋ Loma amobotnaŋmagen pema mebegalen damuŋ ewe mka katik̄naŋ pema matazin.”

²²Pestasiyaŋ Agilipa kegok dundume nām̄ti Agilipayaŋ zeye, “An keyaŋ neŋ zet notnaŋ n̄ep dinome nāsap?”

Zeme Pestasiyaŋ zeye, “Ŋep, saŋenengulak wati kopma zet nāsât zenik ke zeme nām̄banik.”

²³Zemti wembienāŋ msat msame Agilipamak imbiŋaŋ Belnis egelaŋ miak miak sopmaŋ mti zet zenze mkaen mepmalu kasa kuku an n̄eŋaŋ ma mka katik̄naŋgalen an n̄eŋaŋ notnaŋ ek̄nenāŋ indapmâti keyegak mowebien. Motati Pestasiyaŋ zeme Pāl wati keyegak mowebien. ²⁴Motati Pestasiyaŋ zet kapigok diindoye, “Amobotnaŋaŋ Agilipa ma aminne notnaŋ kotalip, neŋ pigok zema nāip. An tapme egip kapiyet Zuda am Zelusalem mkaen talip ma notnaŋ Sisalia mkaen talip ek̄nenāŋ zekaŋkaŋ mti kwizet ŋak ŋak mti pigok zewien: An kapi ewe msalen teepmaŋ ku mambe. Kegok penaŋ zewien ²⁵yaŋgut neŋ an kapiyelen yom ekma gakikiyelen kataŋ penaŋ ku beye. Âpme an kapiyaŋ ik̄naŋ naman Loma amobotnaŋaŋ zetnaŋ zemdelāŋ zenzeyet zeye keyepmti neŋ Loma amobotnaŋmagen pema mesâpm. ²⁶Âpme zet wikatnaŋ penaŋ amobotnaŋ temaŋ Loma mkaen tazin egat zemkawaŋ bembe zet zigok penaŋ kumti besap zemti maolalap keyepmti an pi alak in ma amobotnaŋ Agilipa in tati ekme ingat zikalinan onzempema tazin. Keyepmti in zetnaŋ pembenāŋ n̄en aikti zemeŋgut zemkawaŋ bembe zet papiaen meluwaŋ mti bemann mepme egaŋ ke ekti Pālyet zetnaŋ n̄ep zemdelāŋ zempewe. ²⁷Neŋ an mka katik̄naŋ tatatnaŋ n̄en yom zigok mge keyet zet zapatnaŋ n̄en zemkawaŋ bem papiaen kukup̄iŋ belak etaŋ pema mebegat nāma n̄ep penaŋ ku bein.”

Pālaŋ amobotnaŋ Agilipa ma Pestas egegat zikalidan zet zeye

26 ¹Âpme Agilipayaŋ Pālyet zeye, “Geŋ giti yaŋaŋdi zemkawaŋ bemane nāne.”

Zeme Pâlan zet kapigok diindoye, ²“Zuda am ekjenan zelengatnan zelen etan maonzemnemkolip. Ke naman alak Amobotnanan Agilipa gen tapmane gâgât zikadan zetan zesâgâti kenj olojen bein. ³Gen ilak Zuda am nin mama mimiyet zet mmot mtot mamnup ma kwitnan kwitnan notnangat mamnup ke giti yanjan penan jep nâmâtât tadik. Keyepmti gen wisat mimipin wakdi bemti tatnâmane zetan zewi.

⁴Nej nemba isiknan bugar penanjan Talsas mkaen ma Zelusalem mka teman ke mebe kokot mmamti sememban. Sememti mamkwalap kapi set notnan myungungupin mamkwabanjan mayap ke Zuda am ekjenan jep nâme delan zein. ⁵Keyepmti Zuda am notnan nâlen kanen mambien ekjenan nâlen mama mimi zibon mkwaban ke jep nâmtalip. Nej kan keyet Palisi an mamti zii zet ma zet sambe notnan ilin bemti mangawepup ke windenjan bemti baengatnan mangawepunkwalap. Keyepmti ke mama am yanjan ekmâtâbien beme ekjenan nâgât yanj jep nâmtalip. ⁶Âpme nej alak pi Kawawanjan yejsokjne ekjengat zetik mimindeme webem mambien keyet penanjan sokbeme ekti nej egat nâmkijpema keyepmti pi tazemnoip. ⁷Amobotnanj, nej pigok zema nâmbak. Ekjen yejsokjne manje 12 mambien ekjenan Kawawanjan zetik mpeye keyet penanjan sokbeme titiyet damun mamti tambu msa Kawawangat mandundum samtemien. Nej zetik keyet penanjan sokbeme keyet nâmkijpema keyepmti zelen pi manemkolip nânik. ⁸Kawawanjan am gakikiengatnan mme mawalip zet ke in kwilekiyet nâme jep ku mimiyelenok mambein?

⁹Âpme nej nanangat yanjan pigok diindoma nâit. Nej Zisas Nasalet mkaengatnan egat kwizet bunamanj mma yek bembeyet mulupmanj windenjanben penanjan mkwaban. ¹⁰Zelusalem mkaen kainde muluanj ke yanjbemti mban. Mti sâpe sâpe bumbu an njenjan ekjengat zema zemâtâtât papia njen kumti name ke mti am nâmkijpepemak manje sambe penanjan indakapisikma met mka katiknanjan gak manzemtemien ekjen ke notnanjan indome gakikiyet zelin zemdelanjan zemindeme nâma jep penanjan mambemtan. ¹¹Nej Zuda am nnangalen sesewat mka tapmege katanjan meti am nâmkijpepemak Zisas zemtalalatgat kwitnanjan kwitnanjan mgasik penanjan mamimindamteman. Mti njenjan penanjan zime msat katanjan mekoti am nâmkijpepemak sisipenjenjan temanj penanjan mamimindamkwateman.”

Pâlanjan iknanjan kenj gilik zenze aige keyet zapatanjan diindoye

¹²“Kegok tapmma sâpe sâpe bumbu an njenjan ekjenanjan nikme jep beme papia njen namti zemneme Damaskas mkaen mesâgât meban. ¹³Tapmetnepema kasup zikanjanjan sutnateman beme busatanjan temanj njen kululunengatnan punj zem toti nej ma aminne tabenn nin mbusatanjan bem ndeye. Wa amobotnanjan, nej kasupgalen busatanjan pi ekma windenjan

tototnaŋ beye. Âpme busatnaŋ ekban keyet busatnaŋaŋ temaŋ penaŋ. ¹⁴Âpme nin sambe ke msat palen tokutumti wemti neŋ tatnâma Zuda zetnnaset zet ŋen kapigok sokbeme nâmban, ‘Sâl, Sâl, geŋ kwilekiyet nâgât sisipenŋen igagen tapmnanik? Sisipenŋen tapmnik ke yaŋepiŋ penaŋ. Mti keyaŋ gitangat sekdi sindem tasanik kekok bein.’

¹⁵Zeme neŋ pigok yaŋkwesiwan, ‘Amobotnaŋ, geŋ pe kwi?’

Yaŋkwesima egaŋ pigok dinoye, ‘Neŋ Zisas kwizapatn yek bembeyet animbinne indamât gingiŋ mti maindamâdik nenn kapimak. ¹⁶Geŋ wati dendaŋ tat neŋ geŋ nâlen mulupm mimiyeŋ nâmti sokbemaŋgayap. Keyepmti neŋ kwitnaŋ kwitnaŋ alak zikat gama ekdik kapi ma bam zikat gamobap keyet zet zapatnaŋ zenze an mambanik. ¹⁷Neŋ mulupmnaŋgapmti geŋ Zuda amdine ekŋengat tunŋuwinan ma Zuda am mangleen ku sokbemaŋeŋ ekŋenmagen zemgema mepmane ekŋenaŋ gawalesât mme neŋ nenn gapmukulem mti angalangema mamti mulupm mbanik. ¹⁸Mti ekŋenmagen zemgema meti busatnaŋgalen set dolakŋaŋ ke zikat indamane ekŋenaŋ tambu sosokgalen set mgasik ke ek mâtâti bam kumpemti busatnaŋgalen set etaŋ mâti mambep. Mti Sadaŋgalen mulup peme tapme Kawawaŋgat zapat bemti neŋ nâmkinaŋpenneme neŋ yomin katikpema Kawawaŋgalen am mangle indaombemindeye ekŋenmak tusumti kululuŋen mundum dolakŋaŋ tazin ke motiwep.’

Pâlaŋ mulupmaŋ mmege keyet zapatnaŋ diindoye

¹⁹⁻²⁰Amobotnaŋ Agilipa, neŋ kululuŋengatnaŋ zet kekok zeme nâmti ke gawepumti Damaskas mkaen ma Zelusalem mka temaŋ ma Zuda msat sambe ma Zuda am mangleen ku sokbemaŋeŋ ekŋenmagen meti amnaŋ yomengatnaŋ keŋin gilik zemti Kawawaŋmagen pepeŋ bemti keŋ gilik zenze keyet penaŋaŋ aiikgalen nâmti Zet Zapat Dolakŋaŋ mandiindom meteman. ²¹Neŋ kekok mbaŋapmti Zuda am ekŋenaŋ sesewat mka temanen tatnepema mot naikti natamti nome gakikiyeŋ nâmti namandamti mebien. ²²Yaŋgut Kawawaŋaŋ naŋgalaŋ neme ewe mamti Zet Zapat Dolakŋaŋ ewe manzemkwalap. Mti am mobotnaŋ ma tototnaŋ zet zapat belakŋaŋ ŋen yek. Golaŋ zenze an ekŋenmak Mosesiyaŋ zet wesip zet zemkwabien ke mandiindom kwalap. ²³Kilais ek Zuda am nin ma am mangle notnaŋ busatnaŋgat zapatnaŋ diindondoyet zempepeŋaŋ ma sindem nâmeti gakiweyaŋ naman gilik zemti am gakiŋaŋ ekŋengat ŋeŋaŋin bemwawagat zenzeŋaŋ neŋ zet ke bandim mpemti manzeyap.”

²⁴Pâlaŋ mulupmaŋgat zetnaŋ kekok zemâtâti diindome amobotnaŋ Pestasiyaŋ nâmti zeye, “Pâl, geŋ keŋdi penaŋ yunŋuin. Geŋ nânâ mulup temaŋ mamne pemane ŋoktikdi kileŋ penaŋ bein nânik!”

²⁵Zeme Pâlaŋ nâmti zet dopmaŋ pigok gilik zemti saye, “Amobotnaŋ Pestas, neŋ keŋ ku yunŋuin neŋ zet penaŋ sukwep penaŋ kapi tazeyap.

²⁶Amobotnaŋ Agilipa, kwitnaŋ kwitnaŋ sokbeye kapi enzililiŋan ku

sokbeye keyepmti gerjagen kapi tazemkawan bema gerj zet tazeyap kapiyet yanjan nep tatnâmmâtâdik. ²⁷Amobotnan Agilipa, gerj golan zenze an ekjengalen zet ke nâmane penan bein ma yek? Neŋ gâgât yanŋi nep nâŋap. Gerj nâmane penan bein!”

²⁸Zeme Agilipayan Pâl pigok dunduye, “Kan belaknik bugan kapi tapm nepema an kapi Kilaisiyelen an besem nâgât kegok nâmmenik?”

²⁹Zeme Pâlan pigok dunduye, “Gerj ma am notnan in alak kapi zet kapi zema nâit. In Amobotnan Kawawanan indamukulem mme neŋ nembon bembeyelen nâmti zapat pi tadiindoyap. Wa neŋ mka katikjan mayap kegogak mamayet yek. Zet zapat Dolakjan Penasetgat nâmti tazeyap.”

³⁰Kegok zeme amobotnan Agilipa ma Pestas ma Belnis ma am notnan ekjenmak ondedagen tabien ekjenan dendan wati ³¹met zenâm kot zenâm mti pigok zewien, “An kapi mka katikjan tatagalen ma kume gakikiyelen keyet kataŋ muluwan mgasik penan ŋen ku mge.” ³²Âpme Agilipayan Pestasiyet pigok dunduye, “An ke ikjan Loma amobotnanan zetnan ku zemdelan zenzeyet zenak ze neŋ nep kapi zemdelan zempema met belak manak.”

Pâl nembueset Loma mkaen wati mebien

27 ¹Itali msalen mebegalen kan bewien ke beme amobotnanan zet beme mepme Loma amobotnanngalen kasa kuku an ŋenan ŋen kwitnan Zulias zeme ke egaŋ koti Pâlmak mka katikjanngalen an notnan ndatime ²wanŋaen mobenn wanŋa ke Adalamitiam am ekjengalen yan msat keyetnan milawat notnan timti Esia msalen bemesât koge. Nin wanŋa keyet keŋan mobennen an ŋen kwitnan Alistakas zeme an ke Masedonia mkaengatnan mkanan penan Tesalonaikayetnan ekmak nsakwep moti mebenn. ³Tambuyet yanbemti tapmetnepemann msat msame met Saidon mkaen wanŋa ombemti tabenn. Mka ke Zuliasian Pâlmak oloŋen mkobun keyepmti nâmpeme notnane notnan mka ke tabien ekjenmagen mepme meu mee bugan same niŋge. ⁴Eyetnan naman moti mepmann tâgâyan mebenneŋet windeŋamber penan koge keyepmti nin wanŋa mti Saipalas msat ŋetakjan ganzenan daeset mebenn. ⁵Nin nembu Silisia ma Pampilia msat e baeset totapmalu gwaen kumann epeeme metne metne Mila mkaen ke mot ombemti taben. Mila mka ke Lisia msat keyet keŋan tazin. ⁶Ke metati kasa kuku amobotnan egaŋ Aleksandia mka temangalen wanŋa ŋen Loma mkaen mesât tapmme aikti naman ndatime naman wanŋa ŋen keyet ⁷moti manepemann tâgâ temanaŋ ndakumbume mulup teman mti sewak sewak metne metne Kidus mka sokjanik patan zewenn. Ke metnepemann naman tâgâyan ndakumbume Kilit msat ŋetakjan keyet kandaŋan daeset toweti ekmann tâgâ teman kumbumbupin mge keyepmti keeset meti Salmone mka ke sebempemti meti ⁸Kilit msat ŋetakjan ke tâgâmak mulup teman mti

sewak sewak metne metne wanga munduman dolakŋaŋ manzemtemien mundum ke met ombem tabenn. Mka ke Lasia mka teman keyet sokŋanik tage.

Pâlaŋ yayaŋ zet zeme ekŋenaŋ kulumti mebien

⁹Mka ke kan teepmanik tatnepemann map tâgâ kanaŋ sokŋan beme mesâtati Pâlaŋ yayaŋ zet pigok diindoye, ¹⁰“Nin ewe gilik zem mebegalen keyet nâma ŋep penaŋ ku bein. Mesenup beme wanga kume epeeme milawat ma am nsakwep nembu keŋan towesenupmagen zemti nâmtemtem mti pi tazeyap.” ¹¹Kegok zeme kasa kuku amobotnaŋaŋ Pâyelen zet ke nâmtalatpemti wanga damuŋ an ma wanga toŋaŋmak egegalen zet etaŋ nâme penaŋ beye. ¹²Âpme mka ke nembu palakŋaŋ penaŋ keyepm wangayaŋ ke tatagalen nâme ŋep penaŋ ku beme wangayelen mulup an ekŋenaŋ zewien, “Nin mundum kapi pemann tapme Pinik nembu betnaŋ ke wapmoti keeset enzilim tatnepemann map tâgâ teman kapi delaŋ zemeŋgut mebanup.” Zemti nembu betnaŋ ke wati mobien.

Nembu keŋan meti walesâgât mbien

¹³Tapmopmann bamnaset tâgâ belaknik bugan kopme ekti aen butnaŋ wanga atam tatagat nâmti peme nembu keŋan topmatatan ke mandamann keŋan mopme Kilit msat wapme wapme ¹⁴⁻¹⁵tapmetnepemann keyegak tâgâ windeŋaŋbeŋ penaŋ Kilit msat ŋetakŋaset koti ndakumbume wanga weyaŋ musuwet pemann melak zem olat mbenay yek beme pemann tapme belak tapmann wanga ke belak tâgâyaŋ etaŋ kumbume mege. ¹⁶Meti msat ŋetakŋaŋ ŋen Kauda keyet bamaset daen mepme tâgâ windeŋaŋ bugan topme nin wanga isikŋaŋ tapmanda mepmambenn ewan naman mandapemann wanga keŋanen mobotgat mulup temaŋ penaŋ mbenn. ¹⁷Mulup temaŋ mne mne mandamann wanga keŋan mowepme tegaŋ kili kili zam pewenn. Mti Apelika msat sokŋanik ke met gambibik palen mot kusenupmagen zemti sâk mandamann topme belak tu palen etaŋ elelaŋ mebenn. ¹⁸Tâgâ ewe windeŋaŋbeŋ tapeŋ tageyepmti msat msame yaŋbemti milawat notnaŋ timtati timann nembu keŋan mepmâge. ¹⁹Naman mise ŋen ewe kegogak tageyepmti wangayelen milawat notnaŋ keŋan tage ke timtati time nembuyen mebâge. ²⁰Naman kan notnaŋgat map tâgâ temaŋ mti zanzayaŋ kwasim tapme nin kasup eyoŋga mee pi eekpiŋ mti kapuk manâmtemenn. Puk penaŋ tapminup pi nin ewe alik ku mambanup yek.

²¹Âpme an ekŋenaŋ weŋin mepme tu meu mee kiŋgati tapme Pâlaŋ tuŋguwinan met tati pigok diindoye, “In neŋ zet zewan ke nâmti Kilit msat ke pemti ku kobenek ze nukŋaŋ temaŋ pigok sokbeme milawat notnaŋ tatimann mezin pigok ku mbenek. ²²Yaŋgut in keyet yayaŋ

temañ ku mit an nin ñen ñep ku walebanup wanga kapiyangut penañ walebe. ²³Sanen tambuyet Kawawañ neñ masesewatsayap egalen ensel egañ neñmagen kosokbemnamti pigok dinoyan, ²⁴‘Pâl, geñ nembuyen toti walesap zemti kingagapiñ. Ñep meti Loma amobotnañ ekmagen patañ zewanik. Kawawañañ ñep gâgât mti am sambe geñmak wanga kwep maip in angalañ indewe.’ ²⁵Keyepm notnne, in wa walesenup zemti yayañ temañ ku mit. Neñ Kawawañgat keñ zut ku miap. Zetnañ zep ke penañak ndamukulem mimndewe. ²⁶Yangut wanga kapiyañ msat ñetakñañ ñen mot kumti asasim tobe.”

²⁷Kegok zeme nâmti nin Edilia Nembu ke mâti mulup temañ maminepemann tambumbu 14 kapi mege. Âpme nin pigok nâmbenn pi ilak msat ñen sokñanik kotnup mene. ²⁸Kegok nâmti pe msat bejanik ma sokñanik tazin zemti tegañ kwileki ñen nukñañ ke opempemti tek butnañ atamtati pemann towegeyañ 37 mita beme naman mandamann mowege. Naman kan belaknik bugan tati ewe pemann towepme ekbenañ 27 mita beye. ²⁹Âpme nanzañ palen mosenup mee zemkingati wanga tikandañaset baen aen nukñañ temañ zulak zulak bepi tegañ opem pemann towepme msat sakwep penañ msasayet otnâpeñ otnâpeñ ³⁰tatnepemann wangayelen mulup an ekñañañ buzak set wanga isikñañ mti mesâgâti mot wanga isikñañ piwan tekñañ kwaleti dâsuki puk zewien, “Nin wanga ñeñaset gwaen meti aen nukñañ ñen pemann towesâpmgat in kapi tapme,” ³¹kegok zemti tapmme neñ indikti met kasa kuku amobotnañ ma kasa kuku an notnañ pigok diindowan, “Wangayelen mulup an piyañ wanga peme tapme wanga isikñañ moti mepme nin nembuyen towesenup nâip.” ³²Kegok zeme nâmti am tabien ekñañañ wanga isikñañ piwan tekñañ antime nembuyen mepme naman peme tapme tabien.

³³Âpme msat bugan balalañ tapeme Pâlañ am sambe ekñen pigok diindoye, “In kasup 14 keyet keñan wangayañ taindakutum kotnepeme meu kingati belak leplep mtemelip keyepmti in meu nâmisim nimti windenjin bugan timti talit. ³⁴Nin tu meun nimkatik besenup beme nembuyen palam toti nembu paleset mesenup beme sekñ butnañ ñen ku walesenup.” ³⁵⁻³⁶Kegok diindomti nupmamañ ñen mti Kawawañgat wisikñ zemti ekñengat zikalinan meselemti nime ekti ekñañañ kegogak meu niniyelen indem beme meunjin time kwapme nim katikbemti tabien. ³⁷⁻³⁸Wanga keyet am 276yañ mebenn meu igagen nim kingati wanga keñangatnañ wit bek temañ temañ pi ambe timann nembu keñan mepmâpme wangayañ bugan elen belej bemti leñ zemkwage.

Wanga bekanañ bem tage

³⁹⁻⁴⁰Msat msame msat deset penañ kotnup ke ekmâtâtâpiñ meti nembu ganzenan ñen nanzañ meekpiñ belak gambibik etañ ekti wanga

mpemann mangalimti ke towewegat nâmti an ekjenan aen nukjan temañ opem pewien piwan tekjan antimann delañ zeme timann nembu keñan towepme stia tekjan moti zampewien ewan kwalet peme munduman totapme sâk mandamann mopme tâgâyan ndakumbume gambibigen esemter musuwepmann mebegat nâmti ⁴¹ wañga omkakalili mulup temañ mti taolatnepemangut ewe nembu sutnatemanik kaimak wañga butnañ ñilikjanan gambibigen omnanğemti kaliñan bem tage. Âpme nembu mamañan meti wañga keyak taper tapme tikelakñaset baen kume lambañ bem toge.

⁴² Topme kasa kuku an ekjenan zet kapigok zemtâwien, “Am mka katikñangatnañ indatimti kotn ekjen tu paleset nembet moti kunzuñ meseipgat kame kapiyegak indomann gakit.” ⁴³ Zeme kasa kuku an ñejan egañ Pâl ekgapm zemkulumindemti zeye, “Am tu paleset mebegalen yañan bugan nâiwan in ñejan tuyen palam toti tu paleset nembu nembet daen mepmâlit.” ⁴⁴ Âpme am notnañ tu paleset mebegat yañan ku nâip ekjenan tep pemañ notnañ ma wañgayelen katapa butnañ butnañ timti keyet paleset mepmâlit zemindeme timti mepmâbien. Am ñen tuyen ku mege ilindiñ gambibigen daenen mot puñpuñ mtemebien.

28 ¹ Nin ke ilindiñ mot tapmann msat ñetakjan motabenn keyet kwitnañ Malta kume nâmbenn. ² Âpme msat keyelen am ekjenan kot ndikti notn notn minndamti map tâgâ temañ minndame tâgâyet diñdiñ tapmmambenngapmti tep timkoti bum ndeme kâti tapmambenn. ³ Âpme Pâlañ tep sembe melesin kopeme weñge ke kwabume nombe kukñanben ñen tep sembe keñan ke tageyañ tewañ zime tep kipmangapm kwati Pâl betnanak imtapme ⁴ msat mtoñ ekjen keyañ ekti weñin mepme ilinak zet kusuñ kasañ mti zewien, “An kapi am kileñ maindoin keyepmti nembuyen baen toti gakikipiñ mip yañ pi kwat tatnepeme nombeyañ dopmañ pi mutumsain egip.” ⁵ Nombe kukñanben keyañ ime Pâlañ tetelipeme tewen toti zime egañ sek sindem ma zikat gililiñ mee ñen ku mge. ⁶ Kegok mme am ekjenan sekñan semesem ma zikatnañ gililiñ peme tokutumti gakisem mene zemti tati ekbien ekbienañ yek beme zewien, “Kawawañ ñen an kapi!”

⁷ Nin msat moti mambenn keyelen amobotnañin kwitnañ Pabilias. Egañ mulupmañ nin taben keyet sokñanik kandati tage. An keyañ nin egañ mkaen ke mebegalen zet beme mepme kopme nin met ekmak ke kasup tuk tabenn. ⁸ Kan keyet Pabiliasiyet bipmañan mkañanen ke zawat temañ sek kip ma tip zawat mti mawemtan. Yañ Pâlañ zapatnañ nâmti mkañanen moti betnañ an penañ egat ñokñan bemti Kawawañgat dundume zawatnañ delañ peye. ⁹ Kegok mme am msat keyetnañan zapatnañ nâmti am zawatmak ma lingilinmak indatim kopme weyañindeme alik bemâbien. ¹⁰ Pâlañ kegok mme am ekjenan keñin pembedañ nâmdemti tebumolet omba penañ mimndamti ke

ndapmanepeme eyonga tuk delaŋ zeme keyet sakŋan naman mebegalen kan beme set ŋalem mee bumti ndame timti naman waŋga ŋengat moti mebenn.

Pâl mee ekŋenaŋ waŋga ŋen moti Loma mkaen mebien

¹¹ Waŋga ke Aleksandia mka temangatnan koge. Waŋga keyet ŋejaŋset gwaen msat keyelen kawawaŋin nempa pepet keyet weŋit mimiŋaŋ ke onzemideme matatemun. Nin tabenn kan keyet waŋga ke map tâgâyepm keyegak met matatan. ¹² Yaŋ keyet moti mane mane Silakus mka temanen patan zemti mka ke kasup tuk etaŋ tabenn. ¹³ Eyetnan naman mane mane Legium mka teman patan zewenn. Msat msame naman tâgâ ŋenaŋ kot bamnaset windeŋaŋbeŋ ndakumbume sakwep msasa zut etaŋ pi nembu palen e metne metne Puteoli mka teman patan zemti ¹⁴ mka keyetnaŋ am Zisas nâmkînpepeŋaŋ notnaŋ indaaimann ekŋenaŋ ndazemtetime moti kasup 7 pi ekŋenmak ke matatemenn. Keyetnan ewe tusum meti Loma mka teman patan zewenn. ¹⁵ Âpme Loma mka keyet am notnaŋ Zisas manâmkînpepamtemien ekŋenaŋ nin kokogalen zapatn eweŋanak nâmbien keyepmti notnaŋaŋ koti Apias bemkwiti kwiti mundumen ke ndaikbien. Âpme notnaŋaŋ Mukup Tuk mka teman ke ndaikme Pâlaŋ indikti keŋaŋ eleŋ beleŋ beme Kawawaŋgat wisikŋ zeye.

**Pâlaŋ Loma mka teman Zisasiyelen Zet Zapat
Dolakŋaŋ Penan zemkawaŋ beye**

¹⁶ Met patan zemann Lomayelen amobotnaŋ temaŋaŋ Pâlyet zeme met mkaŋaŋ igak ŋen timti tapme kasa kuku an kwewaŋ damuŋ mti tatagat zempaye.

¹⁷ Pâl ke mepeme kasup tuk kegok tati Zuda an ŋeŋaŋ notnaŋ Loma mkaen ke mamtemien ekŋen indaondak indemti zeye, “Zuda am notnne neŋ Zuda am notnne notnaŋ ku kalaŋindewan ma yeŋsokŋne ekŋengalen mama mimi ke ku myuŋguwan yaŋgut an damuŋ nne ekŋenaŋ belak etaŋ Loma an ekŋenmagen zem nome ekŋenaŋ Zelusalem mkaen mka katikŋan newien. ¹⁸ Âpme Loma amobotnaŋ Sisalia mkaen main egaŋ zetn ke guluk gilik mti yaŋaŋ nâŋgeyaŋ yom yaŋaŋ ŋenpiŋ nome gakikiyelen kataŋ ŋen kum beye keyepmti belak nâmneme kwaweweget zeye. ¹⁹ Yaŋgut Zuda am notnaŋ ekŋenaŋ Sisalia amobotnaŋ mamain egalen zet mtopemti neŋ nome gakikiyet zetnaŋ windeŋaŋ mbien. Keyepmti neŋ pigok nâmban yegat neŋ amobotnaŋ temaŋ Loma tazin egalen mepma egaŋ zetn nâmti zetn zemdelaŋ zemnewe. Kegok nâmti zema keyepmti neme kapi kopman. Neŋ notnne ekŋen kaindeyaŋ muluwaŋ mnawien keyet nâmbekambemindemti ekŋengat ŋenzinŋ ŋen ku mimindawan. ²⁰ Keyepm neŋ in indikti inmak zet zenâ zenâ mimiyelele nâmti zema kolo. Neŋ Isael am nin Kawawaŋaŋ zetik

mndandaŋaŋ keyet penanaŋ sokbembeyet webemti mamamtemenn keyet penanaŋ sokbeme keyet zet zapatnaŋ zempalaknaŋ bema keyepmti nati mka katiknaŋ met newienan ewe mka katiknaŋagak ewe pi tatakolap.”

²¹ Kegok diindome ekjenaŋ zewien, “Msatnnan Zuda am notnne mambien ekjenaŋ gâgât zemâtâtât papia ŋen ku ndame ekbenn ma am ŋen zempeme egaŋ koti gâlen yom zet ŋen ku zeme nâmbenn. ²² Keyepm geŋ giti yaŋaŋdi penan weyaŋ dindomane nâne. Am nâmkîŋpepe set alaknaŋ mâti tapmaip am maŋge ekŋen keyet zapalingulak manzeme nânup. Am maŋge alaknaŋ ilinak ondekti tapmaip ekjengat am sambeyan peŋpeŋ mamiindeip. Keyegulak zapalin zemkopme manânup.”

²³ Kegok zemti belak ondedagat kanaŋ kwep bem indamti belak zemindeme mekobien. Met manepeme kan ke bemengut Zuda am Loma mkaen ke mamtemien ekŋen sambe penanaŋ Pâlyelen mkaen ke met gak zem tabien. Âpme Pâlaŋ Kawawaŋgalen zemâtâtât katnanen mama keyet ma Mosesiyelen zii zet ma golaŋ zenze an ekjenaŋ Zisasiyet zetnaŋ zemkwabien keyet yaŋaŋ tambuŋan yaŋbemti tadiindom metnepeme met msat gasi penan beye. ²⁴ Zet zapat mimindame nâmti am notnaŋ ekjenaŋ zetnaŋ nâme penan beye. Âpme am notnaŋ ekjenaŋ nâmti ku nâmkîŋpewien. ²⁵ Mti ilinak zet mmot mtot mme Pâlaŋ nâmti zet kapigok diindoye, “Emetak Teŋaŋ dolaknaŋ penan golaŋ zenze an Aizayayet zet pigok dundume nâmti egaŋ met yeŋsokŋneyet diindome nâmbien. ²⁶ Geŋ meti am maŋge pigok diindo,

‘Wak etaŋ bemti zet ŋep nâmbep yaŋgut yaŋaŋ nâmâtâtât ke ku mbep. Kwitnaŋ kwitnaŋ zikalaŋ eek e ŋep ekbep yaŋgut kwitnaŋ kwitnaŋ ekti yaŋaŋ ku ekmâtâbep. ²⁷ Am maŋge ekŋen kapi seon penan keyepmti ekjenaŋ wakŋin mambekek maip ma zikalin manzimon maip kegok ku mbiek benagen zikalinaŋ kwitnaŋ kwitnaŋ ŋep ekmâtâbiek ma wakŋinaŋ zet ŋep nâmâtâbiek ma keŋinaŋ kwitnaŋ kwitnaŋ ŋen nâmâtâtât ke penan ŋep penan nâmbiek. Kegok mti neŋmagen keŋin gilik zeme neŋ ŋep mukulem mimindema nâgât yaŋaŋ nâmâtâtâ napmâpmambiek.’ ” *(Aizaya 6:9-10)*

²⁸ Zet kegok penan diindoye keyepmti neŋ pigok diindoma nâit, “Kawawaŋaŋ am weyaŋ timkwat indendeyet setnaŋ aige ke am msat belaknaŋ ekjenaŋ setnaŋ ke ekmâtâtâ nâmkatiknaŋ mbep am ekŋen keyet zapat bewe.” ²⁹ [Pâlaŋ zet kegok zemdelan zeme Zuda am ekjenaŋ ilinak zet mmot mtot mbienan yek beme belak toti mepmâmbien.]

³⁰ Âpme Pâlaŋ nup kan zut pi mka belaknaŋ igak maweme am ekjenaŋ mot ekmak zet zapat zenâ zenâ msâgât mamototemien. ³¹ Mot ekmak tapme egaŋ ekjengat kwalan kwalanpiŋ Kawawaŋgalen zemâtât katnanen mama keyet zapatnaŋ ma Amobotnaŋ Zisas Kilaisiyet zapatnaŋ zet windeŋaŋbeŋ manzemâtâtindamtan. Âpme keyet an ŋenaŋ ŋen ku ma nzemkulumpentan.